

San Mateo

Jesucristo Cohamacu macuno to coyea panopu macaina jira

(Lc 3.23-38)

¹ Jesucristo coyeare panopu macainare õ sehe ni yahuihtja yuhu. Jesucristo ñachuno cjiro panopu macariro Davi wama tiriro jia tiha. To jihto pano ti ñachuno cjiro Abrahã wama tiriro jia tiha.

² Abrahã Isaa pucuro jiha.

Isaa Jacobo pucuro jiha.

Jacobo Juda cãhu pucuro jiha.

³ Juda pohna puaro jiha. Fares, Zara jiha. Ti pocoro Tamar wama tiricoro jiha.

Fares Esrom pucuro jiha.

Esrom Aram pucuro jiha.

⁴ Aram Aminadab pucuro jiha.

Aminadab Naasón pucuro jiha.

Naasón Salmón pucuro jiha.

⁵ Salmón Booz pucuro jiha. Booz pocoro Rahab jiha.

Booz Obed pucuro jiha. To pocoro Rut jiha.

Obed Jesé pucuro jiha.

⁶ Jesé Davi pucuro jiha.

Davi sehe Israe masa bui puhtoro jiha. Tiro Uria wama tiriro cjiro namonore to nãoari baharo Salomo wama tirirore pohna tiha.

⁷ Salomo Roboã pucuro jiha.

Roboã Abías pucuro jiha.

Abías Asa pucuro jiha.

⁸ Asa Josafat pucuro jiha.

Josafat Joram ꝑꝛꝑꝛo jiha.

Joram Uzías ꝑꝛꝑꝛo jiha.

⁹ Uzías Jotam ꝑꝛꝑꝛo jiha.

Jotam Acáz ꝑꝛꝑꝛo jiha.

Acáz Ezequía ꝑꝛꝑꝛo jiha.

¹⁰ Ezequía Manase ꝑꝛꝑꝛo jiha.

Manase Amón ꝑꝛꝑꝛo jiha.

Amón Josia ꝑꝛꝑꝛo jiha.

¹¹ Josia Jeconia cãhꝑꝛ ꝑꝛꝑꝛo jiha. Tina ti jiri pjare
Israe yahpa macainare Babilonia macaina
sehe ñaha wahcãha ti ya yahpapꝑꝛ.

¹² ã yoa Babilonia yahpai ti sãri baharo,

Jeconia Salatiere pohna tiha.

Salatie Zorobabe ꝑꝛꝑꝛo jiha.

¹³ Zorobabe Abiud ꝑꝛꝑꝛo jiha.

Abiud Eliaquim ꝑꝛꝑꝛo jiha.

Eliaquim Azor ꝑꝛꝑꝛo jiha.

¹⁴ Azor Zadoc ꝑꝛꝑꝛo jiha.

Zadoc Aquim ꝑꝛꝑꝛo jiha.

Aquim Eliud ꝑꝛꝑꝛo jiha.

¹⁵ Eliud Eleazar ꝑꝛꝑꝛo jiha.

Eleazar Matán ꝑꝛꝑꝛo jiha.

Matán Jacobo ꝑꝛꝑꝛo jiha.

¹⁶ Jacobo José ꝑꝛꝑꝛo jiha. José María manꝑꝛo
jiha. María sehe Jesu pocoro jire. Jesu sehe
masare yãhdohtiro jiro Cristo ti ni pisuriro
jire.

¹⁷ Tó sehe jiro Abrahãre mari quihõ mãhtachꝑꝛ,
ꝑꝛ Davipꝑꝛe mari quihõ batoachꝑꝛ ahrina jipihtina
ti panamana ji turiaina mehne jia, catorce curuari
waro jiha. Pari turi Davire mari quihõ mãhtachꝑꝛ,
ꝑꝛ Babiloniapꝑꝛ Israe masare ti naahto pano mari

quihõ batoach_u jipihtina ti panamana ji turiana mehne jia, catorce curuari waro pari turi jiha. ã yoa tuhs_u Babiloniap_u ti s_uri baharo mari quihõ m_uhtach_u, p_u Cristo to masa bajuach_up_u mari quihõ batoach_u jipihtina ti panamana ji turiaina mehne jia, catorce curuari waro jiha tjoa.

Jesucristo to masa bajarire yahuha
(Lc 2.1-7)

¹⁸ ã yoa õ sehe Jesucristo masa bajuari jire. To pocoro María sehe José namono cjihto jiri jire. Wiho mejeta ti p_uaro ji d_ucahto pano Espíritu Santo to tuua mehne wahma nijinocãre bocaro masiha ticoro to basi. ¹⁹ ã yoa José to man_uno cjihto quihõno yoariro jiro, tíre masino, ticorore cohãno taro nimaha. Masa ti ñ_urocaroi ticorore buhiri tich_u yoa duaeraro, masa ti t_uhoerasinich_uta yaroca ticorore cohãno taro nimaha. ²⁰ Tíre to t_uhoturo watoi Cohamac_u anjo sehe cahãnop_u Josére bajuaro, õ sehe niha:

—José, Davi cjiro panamino, Mariare b_uo tiro marieno namo tiga. Ticoro Espíritu Santo to yoad-ohoro mehne wahma nijinocãre bocaricoro jira. ã jic_u b_uo tiro marieno namo tiga ticorore. ²¹ Ticoro pohna tirohca. Tirota to mac_unota to masare, pichacap_u wahaborinare y_uhdohtiro jirohca. To ã y_uhdohtiro jich_u ñ_uc_u, Jesu ni wama pisuihca m_uh_u —niha anjo Josére.

²² Panop_u macariro Cohamac_u yare yahu m_uhtariro cjiro “ã waharohca”, to ni joariro seheta ahri jipihtia ã wahaa tiha. Ahri ã wahahtore õ sehe ni joa dutia tiha Cohamac_u tire:

23 “Cũcoro nuhmino, ne muno mehne jieraricoro, nijinocãre bocaro pohna tirohca to macunocãre.

Tirocã Emanuel wama tirohca”, ni joaa tiha Cohamacu yare. (Emanuel nino: “Cohamacu mari mehneta jira”, nino nica.)

24 Cohamacu anjo Josere to ã ni yahuri baharo José sehe wahcã, anjo to dutiriro seheta tiro María mehne wamomaca duhteha. 25 To macunocãre to pohna tihto pano José sehe ticoro mehne jiera tiha. Baharo ticoro sehe pohna tia wahaha. Tiro sehe wihãrirocãre Jesu wamoaha.

2

Sã mũaja taro macaina Jesucãre ñua sũaha

1 Herode Judea yahpa macaina ti bui puhtoro to jiri pja tí yahpai jiri macai Belëi Jesu masa bajuaha. To ã masa bajuari baharo ñahpichohare buheina ñahpichohare noano masiina sã mũaja taro macaina ta, Jerusalẽpu wihia. 2 ã wihia, masare tó macainare sinituha:

—¿Judio masa ti bui puhtoro jihtiro cjihto mipure nohopu masa bajuacari tiro? Sã mũaja taropu jina, ñahpichohaca to wahma bajua wahã suchu ñua, “Puhtoro masa bajuaro nica”, ni masihi sã. ã to bajuachu ñua, sã cãno mehne tirore ño payona tana tahi õpu —ni yahuha buheina masare.

3 ã yoa paina Herodere tíre yahua tiha. Ti ã yahuchu tuhoro Herode sehe soro tuhoutuha. ã jia jipihtina Jerusalẽ macaina cũhu to yoaro seheta soro tuhoutuha tina cũhu. 4 ã jiro Herode sehe jipihtina sacerdotia puhtoare, mari judio masare

buheina cãhure to pjirocari baharo ti cahmachu pihtichu ñno, tinare sinituha tiro:

—¿Nohoru masa bajuarohcari Cristo sehe masa tuhotchuh? —ni sinitu ñha tiro.

⁵ Õ sehe ni yahuha tirore:

—Belëi, Judea yahpai jiri macai Cristo masa bajuarohca. Õ sehe ni joaa tiha Cohamacu yare yahu mahitariro cjiro:

⁶ “Belëi yu yainare Israe masare dutihtiro tarohca. ã jiro paye macari Judea yahpai jia macari yuhdoro jira Belë”, ni joaa tiha Cohamacu yare —ni yahuha tina Herodere.

⁷ Ti ã ni yahuri baharo Herode masa ti marieno watoi sũ mja taroru tarinare pjirocaha. To caharu tina ti sachu ñno, tinare sinitu ñha. To ã sinitu ñchu tuhoa, ñahpichohacare ti ñuri dachore yahuha tina. ⁸ Ti ã yahuri baharo Herode sehe tinare Belëru warocarõ ã sehe niha tinare:

—Tirocãre noano macaga. Tirocãre bocana tjuahna yuhure yahu tjuahga. Yuhu cãhu tirocãre ño payoi wahai tai nija —nimaha tinare Herode.

⁹ To ã niri baharo, tina wahaa wahaha. Ti ã wahachu sũ mja taroi ti ñria ñahpichohaca sehe ma târucuha. ã yoa wihãrirocã to jiro bui waroi tjua wahã sãha tia sehe. ¹⁰ ã jia ñahpichohacare ñha, tuaro wahcheha tina. ¹¹ Wihãrirocã to jiri wãhuru sã, sãa wahaha tina. ã sãa sãa, wihãrirocãre to pocoro mehne jirocãre ñha tina. ã ñha tina na tuhcuca caha sã, tirocãre ño payoha. Ño payo tuhsu ti caa pocare naroca pjõroca, urure, inciensore, mirra wama tia me sitia cãhure na wio, tíre tirocãre wapa

marieno waa tiha. ¹² Tíre wa tuhsu carĩa wahaha tina. Ti ã carĩchu cahãnopu Cohamacu yahuha tinare: “Herode cahai tjaena tjiga”, ni yahuha Cohamacu tinare cahãnopure. To ã ni yahuri baharo, tina sehe wahcãha. Ti ã wahcãri baharo pa mahapu ti ya dihtapu tjuaa wahaa tiha.

José cãhu Jesucãre Egiptopu na duhti wahcãa wahaha

¹³ Ti ã wahari baharo Cohamacu anjo cahãnopu Josére bajuaro, õ sehe niha:

—Wahcãga. Herode sehe maharirocãre wajãno taro, macano nina mipure. ã yoa maharirocãre, to pocoro cãhure Egiptopu cjero na duhti wahcãa wahaga. Tópure yu niriro purota jiga —ni yahuha anjo Josére.

¹⁴ To ã nichu tuhoro, José sehe ñamiihta wahcã, maharirocãre to pocoro cãhure Egiptopu na duhti wahcãa wahaha. ¹⁵ Egiptopu sua, Herode to catiro puro tópure jiha tina. ã yoaha panopu macariro Cohamacu yare yahu mahtariro cjiro to ni joariro seheta. Tíre tirore Cohamacu joa dutia tiha. Õ sehe ni joaa tiha Cohamacu yare: “Egiptopu jirirore yu macure pjirocahi”, ni joaa tiha Cohamacu yare.

Herode macanacãre wajã dutiri jire

¹⁶ ã yoa ñahpichohare buheina ti duhti yuhduachu tuhoro Herode sehe sua yuhduaha. ã suaro, Belẽ macainare, tí maca duhtu caha macaina cãhure ti pohnare ma pohnare puu cãhma cãainacãre wajã batoa dutiha tiro. Wahmanore ñahpichoha buheina ñahpichohacare ti ñuri dachore yahuha Herodere. Ti ã nichu tuhoro tiro to wajã duarirocã to masa bajuari dachore

masino, “Õpe c̄hmari c̄m̄ara” nino, p̄ma c̄hma c̄m̄ainare wajã batoa dutiha. ¹⁷ Panop̄ma macariro Jeremía Cohamac̄ma yare yahu m̄ahtariro c̄jiro to ni joariro seheta ã wahaha. Õ sehe ni joaa tiha tiro:

¹⁸ “Ramá wama tirop̄ma bisiro coa tarohca.

Tuaro cahyaa mehne tiiro coa tarohca.

Raquel panamana numia ji turia numiap̄ma Israe masa namosãnumia ti poh̄nare tuaro tiiahca.

Ti poh̄nare ti wajãch̄ma ñ̄ma, ne cahya duhusi”, ni joaa tiha panop̄ma.

¹⁹ ã yoa Herode to yariari baharo Egiptoi jirirore Josére Cohamac̄ma yairo anjo cahãnop̄ma bajuaha. ã bajuaro ò sehe niha Josére:

²⁰ —Maharirocãre wajã duaina c̄jiri yariaa wahahre. ã jic̄ma tirocãre to pocoro mehne Israe yahpap̄ma na tjuaa wahaga m̄uh̄ma —ni yahuha anjo Josére.

²¹ To ã niri baharo tiro wahcã, maharirocãre to pocoro mehneta Israe yahpap̄ma na tjuaa wahaha.

²² Wiho mejeta Arquelao Herode mac̄ma no sehe to p̄curo cohtotariro to jich̄ma tuhoro José sehe Judea yahpai cuiro, tjuaeraha. ã jiro pari turita cahãnop̄ma tirore yahu namoha tjoa. Tirore pari turi Judea yahpare ji dutieraha. To ã ni yahuri baharo, tina Galilea yahpap̄ma wahaa wahaha. ²³ Tí yahpap̄ma Nazare wama tiri macai jiha tina. ã yoaha tina Cohamac̄ma yare yahu m̄ahtaina c̄jiri ti joariro seheta. Õ sehe ni joaa tiha: “ ‘Cristo Nazare macariro tjira’, niahca masa”, ni joaa tiha Cohamac̄ma yare yahu m̄ahtaina panop̄ma macaina.

3

João masare bautisariro masare yahuha
(Mr 1.1-8; Lc 3.1-9, 15-17; Jn 1.19-28)

¹ ã yoa baharop_u João masare bautisariro jiha. Judea yahpai masa marienop_u tiro Cohamac_u yare yahu d_ucaha masare. ² Õ sehe ni yahuha tinare:

—M_uano macariro Cohamac_u m_usa p_uhtoro to s_uho jihto mahanocã d_uhsara. ã jina “Ñano yoaeraja”, m_usa ni t_uhotumari cjirire duhuga. M_usa ñaa buhirire cahya, Cohamac_u sehere cahmaga m_usa —ni yahuha tiro tinare.

³ Panop_u macariro Isaia Cohamac_u yare yahu m_uhtariro cjiro João to buhehtore ò sehe ni joaa tiha:

“Masa marienop_u c_uiro sañurucu, ò sehe ni buherohca:

‘Mari p_uhtoro to tahto pano tirore cahmaeraina cjiri m_usa t_uhotuare cohtota, tirore cahmaina jiga m_usa’, ni sañurucu buherohca”, ni joaa tiha Isaia cjiro João cjihtore.

⁴ Tiro João camello pjoari suhtirore s_uariro, wahiquiro cahsaroreta t_uã dihoriro jiha. Poreroare, macaroca macaina miquina mi c_uh_ure ch_ua tiha. ⁵ Jerusalē macaina, jipihtiro Judea yahpai jiina, Jordão wama tiri ma cahai jiina c_uh_u tirore t_uhoa taha. ⁶ Wihi, tirore t_uho, ti ñaa yoarire Cohamac_ure yahuha tina. Ti ã ni yahuch_u t_uhoro Jordão wama tiri mai João tinare bautisaha.

⁷ ã jiro pay_u fariseo curua macaina, saduceo curua macaina c_uh_u Joãore ti bautisa dutia tach_u ñ_uno tiro tinare ò sehe ni yahuha:

—¿Musa cūhu agãa ñima tiina yoaro sehe musa mahñoa buhea mehne masare dojomehneina jina, Cohamacu musare to buhiri dahrehto pano tirore cui, duhti masierara musa? ⁸ ã jina potocãta musa ñaa buhirire bujua witi, Cohamacure cahmana jiihna, noaa yoa ñoga.

⁹ Õ sehe ni tãhotuena tjiga: “Panopu macariro Abrahã mari ñuchu cjiro jia tiha. ã jina to panamana jina mari Cohamacu yaina jija”, ni tãhotuena tjiga musa. Musare niita nija. Abrahã panamana jiina jimana musa. Musa ã jipachuta tí musa ã jia yaba cjihti jierara. Cohamacu sehe ahri tãa mehne Abrahã coyeare dahre masina. ã jiro Abrahã coyea musa jia wiho waro jira tãa ti wiho waro jiro seheta. ¹⁰ Õ sehe jira: Masa yucuri yoaro seheta jira. Cohamacu sehe coma mehne yucurire cjã cohãriro yoaro sehe jira. ã jiro noaa dicha maria yucure nuhcõri mehneputa cjã cohãnohca tiro. Tíre to cjã cohãri baharo, pichacapu jã cohãnohca tiro. ãta yoaro taro nina masa cūhure tirore cahmaerainare. ¹¹ Yu baharo yu bui tuariro tarohca. Noa yuhduariro jira tiro. Tiro yoaro sehe jieraja yuhu sehe. ã jicu tirore tãhotucu, “Wiho jiriro jija yuhu”, ni tãhotuja yuhu. Yuhu sehe musa ñaare tãhotumari cjirire tãhotu cohtotainare diapu bautisacu, co mehne yoamahi. Tiro sehe yu yuhdoro yoarohca. Espiritu Santore masa mehne ã jirucuchu yoarohca tiro. Wiho mejeta paina sehere ñaare ti tãhotumari cjirire duhu duaeraina sehere tiro pichaca mehne buhiri dahrerohca. ¹² Yu baharo tariro cahsari cohãriro yoaro sehe jira. Cahsari cohãriro to batiro mehne

jipihtia to trigo yapari cahsarire putiwera. To ã putiwera baharo trigo sehere to wihbori wãhã wihborohca. Tó seheta yoarohca tirore cahmainare yã baharo tariro. To putiwea cahsari sehere tiro jãnohca. Tí pichaca ne yatisi. ãta yoarohca tiro yã baharo tariro tirore cahmaerainare —ni yahuha João.

João Jesure bautisaha
(Mr 1.9-11; Lc 3.21-22)

¹³ Baharo Jesu Galileapã jiro cjiro waha, Jordão wama tiri mapã buhu sãha Joãore bautisa dutiro. ¹⁴ Wahmanore João tirore bautisa du-aeramaha.

—Neho, mãhã sehe yã yãhdoro tuariro yãhã sehere mã bautisachã noaboa. Mãhãre bautisaboriro jieraja yãhã —ni yãhtimaha João Jesure.

¹⁵ Jesu sehe õ sehe ni yãhtiha tirore:

—Yãhãre bautisasiniga. Õ sehe yoana, Cohamacã to dutiro sehere sohtori tina nija mari —niha Jesu.

To ã nichã tãhoro:

—Jai —ni yãhtiha João.

¹⁶ ã ni tuhsã, Jesure bautisaha. To bautisa tuhsãchã Jesu diapã ducuro maja sãrãcã sãha. To maja sãrãcã sãchãta, mãano parã mãaha. Cohamacã to Espiritu buja yoaro sehe tiro bui to duji tachã ñãha. ¹⁷ To ã duji tachã mãanopã durucuro coa taha:

—Ahriro yã macã yã cahãriro jira. Tiro mehne tuaro wahcheja —nino coa taha mãanopã.

4

*Watĩno ñaare yoa dutimaha Jesure
(Mr 1.12-13; Lc 4.1-13)*

¹ ã yoa Espĩritu Santo sehe Jesure masa marienopu naaha, tópu watĩno tirore ñaare to yoa duti ñuhto sehe.

² Tópu sũro cuarenta dachori waro chũro marieno jiha Jesu. ã jiro juca baaha. ³ Juca to baachũ ñũno watĩno sehe tiro cahapu sũro, õ sehe niha:

—Mũhũ Cohamacũ macũno jicũ, ahri tãa pocare chũa dojomehnega —nimaha tiro Jesure.

⁴ Jesu õ sehe ni yũhtiha:

—Yoaeraja. Cohamacũ yare ti joari pũi õ sehe nina: “Masare chũa mehne dihta catieraro cahmana. Jipihtia Cohamacũ to ya yahua mehne jiro cahmana”, nina Cohamacũ —ni yũhtiha Jesu watĩnore.

⁵ To ã ni yũhtiri baharo watĩno sehe Jerusalẽpu “Cohamacũ ya maca”, ti niri macapu Jesure naaha. Tópu na sũro, Cohamacũ ya wũhũ bui Jesure na sũha tiro. ⁶ Na sũ tuhsũ, tirore õ sehe nimaha:

—Cohamacũ yare ti joari pũ õ sehe nina: “Cohamacũ to anjoare mũhũre ñũ wihbo dutirohca. ã jia tina sehe mũhũre ñũ wihboahca, ‘Tãcapũ pũha tu mũari’ nia”, nina ti joari pũ. To ã niri potocã jichũ mũhũ Cohamacũ macũno jicũ yahrapũ pju bora ñoñũjũta yũhũre. Mũhũre tina ti yoadohochũ ñoñũjũta yũhũre —nimaha watĩno.

⁷ Jesu pju bora ño duaeraro õ sehe ni yũhtiha:

—Cohamacũ yare ti joari pũ õ sehe nina: “Mũsa pũhtoro Cohamacũ to niri cjirire ‘¿Potocã tjijari?’

ni masi duana Cohamacure yoa ño duti macaena tjiga”, nina Cohamacu yare ti joari pui —niha Jesu.

⁸ To ã ni yuhtiri baharo mua yuhduu tucuru Jesure na mujaha watino tjoa. Tu buiru muja pja su, jipihtia macarine ñoroca boroha Jesure. Ti cjuua cuhure ñoha. ⁹ Ñono Jesure o sehe nimaha:

—Yuhure na tuhcuca caha su, ño payoga muhu. Mu ã yoachu jipihtia ahri macarine muhure waitja —ni yahumaha watino.

¹⁰ To ã nichu Jesu o sehe ni yuhtiha:

—Satana, wahaga muhu. O sehe nina Cohamacu yare ti joari pui: “Mu puhtoro Cohamacu dihtare ño payoga. To ya dutia dihtare yoaga”, nina Cohamacu yare ti joari pui —niha Jesu watinore.

¹¹ To ã nichu tuhoro watino wahaa wahaha. To wahari baharo anjoa sehe wihi, Jesure yoadohoa tirore chuua waha.

*Galilea yahpai Jesu buhe ducaha
(Mr 1.14-15; Lc 4.14-15)*

¹² Ñ yoa Joãore peresu ti yoachu tuhoro, wahaa wahaha Jesu. Waha, Galilea yahpamu suha. ¹³ Tói jiri macamu Nazaremu waha, yuhdu wahca, Capernau wama tiri macamu suha. Galilea wama tiri bucupariro duhtu cahai jira Capernau. Tí maca Zebulo yahpa cahai, Neftalí yahpa cahai jire Capernau. Tóru su, jiha Jesu. ¹⁴ Ñta yoaha Jesu panopu macariro Cohamacu yare yahu muhtariro Isaia cijiro to ni joariro seheta. O sehe ni joaa tiha:

¹⁵ “Zebulo yahpa cahai, Neftalí yahpa cahai, bucupariroru waharoi, Jordão pa buhusehe coaru Galilea yahpa jira.

Tí yahpa judio masa jieraina ya yahpa jira.

16 Tó macaina Cohamacu yare noaare masierara.
 ã masierapahta noarirore ñuapɯ masiahca.
 Tina sehe Cohamacure ne masierara.
 ã jia pichacapɯ wahaborina jimaha.
 ã jiro cãiro tinare Cohamacu yare masichu yoarohca”,
 ni joaha Isaia cjiro.

17 Tóru jiro, Cohamacu yare yahu dɯcaha Jesu:
 —Musa ñaare tuhotumari cjirore duhu, noaa sehere tuhotu cohtota, Cohamacureta macaga musa. Musano macariro Cohamacu jipihtina bui puhtoro to suho jihto mahanocã dɯhsara —ni yahu dɯcaha tiro.

Pititiaro wahi wajãinare tiro mehne macaina cjihtire pjiha Jesu
 (Mr 1.16-20; Lc 5.1-11)

18 ã yoa Galilea wama tiri bucupariro duhtu cahapɯ Jesu sito wahcãmahno ñuha Simore, to bahuro Andre mehne. Simota Pedro ti ni pisuriro jiha. Tina sehe wahi wajãina jia, ti wañuyucurire doca ño mujaa niha bucuparioru.

19 —Yuhu mehne macaina cjihti taga musa. Yuhu mehne musa tachu, musa wahire ñaha cahmachuina musa jiro seheta, Cohamacu yaina cjihtire masare pji cahmachuina cjihtire yoaihtja musare. Yuhu mehne musa tachu ã yoahntina cjihtire cũihtja musare —niha tiro tinare.

20 To ã nichu tuhoata ti wañuyucurire cūnoca, tiro mehne wahaa wahaha.

21 ã yoa Jesu tina mehne yuhdu wahcã, Santiagore to bahuro João mehne boca suha tjoa. Tina Zebedeo pohna jiha. Ti yaria dohoriai ti pucuro

mehne tina cãhũ ti wañũyucũre cahnoa niha. Tina pũarore tiro pjirocaha. ²² To ã pjirocachũ tũhoa, tina sehe dóihta ti pũarore, dohoria cãhũre cũ, Jesu mehne wahaha.

*Payũ masare buheha Jesu
(Lc 6.17-19)*

²³ ã yoa jipihtiro Galilea yahpare Jesu buhe tiniha. Judio masa mari buhea wũhũsepũ noaa buheare, mũano macariro pũhtoro to sũho jia tiare buheha. Tinare buhe, dohatiinare noaina wahachũ yoaro jipihtia dohatiare cohãha tiro. ²⁴ To ã yoaare tũhoa Siria yahpa macaina jipihtiorũ tí yahpai jiina tirore masi dũcaha. ã masia, soro jia dohatia cũainare, tuaro purĩare cũainare, watĩa ti sãanohrinare, ñama yaria mũanare dohatiinare, tini masieraina cãhũre na sũha. Ti ã na sũchũ ñũno jipihtina tinare noaina wahachũ yoaha Jesu. ²⁵ To ã yoachũ ñũna, Galilea yahpa macaina, Decapoli wama tiropũ jia macari macaina, Jerusalẽ macaina, Judea yahpa macaina, Jordão pa bũhũsehe coa macaina payũ masa tiro mehne wahaha.

5

Tũcũpũ mũja, tói buheha Jesu masare

¹ Masa payũ to cahai ti sũchũ ñũno Jesu tũcũpũ mũjaha. Mũja sũ, tói dujiha. Tói to dujichũ to buheina sehe tiro cahapũ sũha. ² Ti sũchũ ñũno õ sehe ni buhe dũcaha:

*Õ sehe jiina jira wahcheina
(Lc 6.20-23)*

- 3 —Ti ñaa t̃hotumari cjirire duhu, noaa sehere t̃hotu cohtotaina Cohamac̃re cahmaina wahcheina jira. M̃ano macariro p̃htoro to s̃ho jirop̃re wahaahca tina. M̃ano macaa ti ya jira.
- 4 'Yahco tiina c̃h̃ wahcheina jira. Tinare wahchech̃ yoarohca mari P̃c̃.
- 5 'Painare ỹhd̃r̃ca duaeraina ã jica nieraina wahcheina jira. Cohamac̃ “Waihtja”, tinare to nirire cj̃aahca tina.
- 6 'Cohamac̃ to dutiro sehe yoa duaina, noaare yoa duaina wahcheina jira. Cohamac̃ to yoadohoch̃ tina noaare yoa sohtori tiaha.
- 7 'Painare p̃ja ñ̃ina wahcheina jira. Ti ã p̃ja ñ̃ch̃ Cohamac̃ tina c̃h̃re p̃ja ñ̃nohca.
- 8 'Ti ñaa buhirire cosanohrina wahcheina jira. Cohamac̃re ñ̃ahca tina.
- 9 'Masare bosaina wahcheina jira. Tinare “Ỹ pohna jira”, ninohca Cohamac̃.
- 10 'Cohamac̃ dutiare ti yoari buhiri ti ñ̃ano yoanohrina sehe wahcheina jira. M̃ano macariro p̃htoro to s̃ho jirop̃ to yare cj̃aahca tina.
- 11 'Ỹ yare m̃sa yoari buhiri paina m̃sare ti tuhtipach̃ta wahcheina jira m̃sa. M̃sare ti ñ̃ano yoapach̃ta wahcheina jira m̃sa. Ỹ yaina m̃sa jiri buhiri m̃sare jipihtia ñaa ti quiti dojomehnepach̃ta ti mah̃nopach̃ta wahcheina jira m̃sa. ¹² Cohamac̃ yare yahu m̃htainare m̃sa pano j̃inare tinap̃reta ñ̃ano yoa m̃htaha. M̃sa c̃h̃re ti yoariro sehe ti yoach̃ wahchega. Noano yajeripohna tiga. ã jiro m̃anop̃ m̃sa s̃ch̃ p̃j̃ro

noano yoarohca m̄sare Cohamac̄u —ni yahuha Jesu.

Moa yoaro sehe, buhriaro yoaro sehe jira Jesu yaina

(Mr 9.50; Lc 14.34-35)

¹³ ã yoa Jesu õ sehe ni buhe namoha:

—Moa wahiquiro dihire to ñano wahaerach̄u yoaro seheta m̄sa sehe ȳu yaina sehe jipihtina painare ñaare ti yoa duaerach̄u yoara. Wiho mejeta moa sehe ti ñaa wahach̄u pari turi noaa yoah̄to basioerara. Tí moa ne noaerara. Ti ã wahach̄u tí moare cohãno cahmana. Ti ã cohãri baharo tí bui masa t̄u c̄ũna. Ne yaba cjihti jierara tí moa ti cohõa. (Ti yaba cjihti jieraro seheta jiena tjiga m̄sa. Cohamac̄u ya sehere cohãena tjiga) —ni yahuha Jesu.

¹⁴ ã yoa tiro õ sehe ni buhe namoha:

—Buhriaro marine to ñuch̄u yoaro seheta m̄sa sehe ȳu yaina sehe ahri yahpa macainare Cohamac̄ure masich̄u yoara. T̄ũc̄u bui jiri macare n̄hohto basioerara. ¹⁵ ã yoa sihãriare masa sihãa, biato docap̄u n̄hoerara. Tiare sihãriare m̄anoí duhu payora tí w̄h̄u macaina jipihtina ti ñahtiare. ¹⁶ Õ seheta m̄sa c̄ũh̄u buhriaro yoaro sehe jiina jina, noare yoaga. M̄sa ã yoach̄u ñ̄u masa mari P̄h̄c̄u m̄ano macarirore ño payo, “Tuariro, noariro jira”, niahca —ni yahuha Jesu.

Cohamac̄u to dutiare to joari cjiire yahuha Jesu

¹⁷ ã ni tuhs̄u, tinare õ sehe ni yahu namoha:

—Ahrire m̄sa masich̄u cahmaja ȳh̄u. Cohamac̄u to dutiare Moise cjirore to c̄ũriire, to yare yahu m̄htaina cjiire ti joari cjiire c̄ũh̄ure cohãi tai

nierahi. Tí dutiare m̄sare noano yahu potoi tai nii. Tí dutiare ti quihõno jich̄ ñoi tai. Ti niriro seheta yoa sohtori tii tai nii. ¹⁸ Potocã m̄sare nii nija. Pihitiri dacho pano jisinch̄ Cohamac̄ dutia Moise cjirore to c̄ũre ne mahanocã baro cohãsi mari. Ahri yahpa, m̄ano c̄h̄ ti jisiningo puro to dutia c̄h̄ jirucuahca. ã jirucua ti niriro seheta sohtori tirohca. ¹⁹ ã jia tí dutiare cãina ȳhd̄r̄caa, painare tó sehe ȳhd̄r̄ca dutia, m̄ano macariro p̄htoro to s̄ho jirop̄ cahamaca yoaro sehe jiahca. Cũno dutiacã to jipach̄ta tina ȳhd̄r̄caa, cahamaca yoaro sehe jiahca tina. Paina tí dutiare noano yoaa, painare tí yoaro sehe yoa dutia, m̄ano macariro p̄htoro to s̄ho jirop̄ p̄htoa yoaro sehe jiahca tina sehe. ²⁰ M̄sare niita nija ȳh̄. Judio masare buheina, fariseo curua macaina c̄h̄ Cohamac̄ cahmaare quihõno yoaerara. Tina ti yoariro ȳh̄doro Cohamac̄ cahmaare yoaga m̄sa sehe. M̄sa ã yoaerana, p̄htoro Cohamac̄ to s̄ho jirop̄re ne s̄si m̄sa —ni yahuha Jesu.

Susiniare yahuha Jesu
(Lc 12.57-59)

²¹ ã ni tuhs̄, tinare õ sehe ni yahu namoha:
—Panop̄ macaina õ sehe ni ti yahuri cjirore t̄hori jimare m̄sa: “Masare wajãena tjiga. Masare wajãiro ti buhiri dahrehtiro jira”, ti niri cjirore t̄hori jimare m̄sa. ²² Ahri ti yahuri ȳh̄do curero m̄sare ahri sehere yahu namoihtja. To coyeiro mehne susiniriro sehe ti buhiri dahrehtiro jira mas̄nore wajãiro yoaro seheta. To coyeirore tuhtiriro, “Ne t̄ho masia maerariro

jira m̄h̄m̄”, niriro buhiri dahre dutiina cahai ti naah tiro jira. “T̄h̄o masierariro jira m̄h̄m̄”, to coyeirore nirirore pichacap̄m̄ wahahto cua ȳhd̄m̄ara tirore.

²³ M̄sa coyeiro m̄sare to ñ̄m̄ tuhtich̄m̄ õ sehe yoaga. Cohamac̄m̄ w̄h̄m̄p̄m̄ Cohamac̄m̄re m̄sa ñ̄o payohto pano, wahiquirore j̄m̄ m̄o, m̄sa wahto pano õ sehe yoaga. ²⁴ M̄sa wahtire duhu c̄u, m̄sa coyeiro cahap̄m̄ waha, “Pari turi cahmachena tjijihna. Tó purota duhujihna tíre”, niga tirore. M̄sa ã niri baharo Cohamac̄m̄re wa, ñ̄o payona wahaga to w̄h̄m̄p̄m̄.

²⁵ Pairo m̄h̄m̄re to yahusã duach̄m̄, p̄h̄toro masare beseriro cahap̄m̄ m̄h̄m̄re to naa duach̄m̄, tiro mehne suaro marieno wahaga. Masare beseriro cahap̄m̄ to na s̄h̄to pano tiro mehne noano jiga. M̄ ã yoach̄m̄ ñ̄ano tiro m̄h̄m̄re yahusãeraboca. M̄ ã yoerach̄m̄ tópr̄e m̄sa s̄ch̄m̄ tiro sehe m̄h̄m̄re masare beserirore yahusãnohca. To ã yahusãch̄m̄, beseriro sehe peresu yoainap̄m̄re m̄h̄m̄re warohca. ã jia tina m̄h̄m̄re peresu yoahca. ²⁶ Potocã nii nija m̄h̄m̄re. Tópr̄m̄ jisinihca m̄h̄m̄. P̄m̄ ti wapa dutirire m̄h̄m̄ wapa pahñ̄oip̄m̄ wijaaihca m̄h̄m̄ —ni yahuha Jesu.

Pairo namono mehne ñ̄ano yoaaere yahuha Jesu

²⁷ Õ sehe ni yahu namoha Jesu:

—Panop̄m̄ macainare õ sehe ti ni yahuri cjirire t̄h̄ori jimare m̄sa: “Pairo namono mehne ñ̄ano yoaena tjiga”, ti niri cjirire t̄h̄ori jimare m̄sa. ²⁸ Ahri ti yahuri ȳhd̄o curero m̄sare ahri sehere yahu namoihtja. Numinore ñ̄ahaeraparota, c̄airo

ticorore ñano goa pjaro, ñano wacũ tãhoturo ñano yoa tuhsaha ticoro mehne.

²⁹ Ñ jicũ mũ capariaca poto bũhũsehei jiriacã mehne ñano yoacũ, tiare orewe na mũ cohãboriro seheta ti ñaa yoaare duhuga. Tíre duhueracũ pichacapũ wahaihca. Mũ capariacare mũ cohãchũ tia capariaca dihta butira. Mũhũ sehere pichacapũ mũ wahachũ ña yũhdũara. Ñ jicũ tí ñaa yoaare duhuga. ³⁰ Ñ jicũ mũ wamomaca poto bũhũsehei jiri wamomaca mehne ñano yoacũ, tí wamomacare mũ dũte cohãboriro seheta tí ñaa yoaare duhuga. Tíre duhueracũ pichacapũ wahaihca. Mũ wamomacare mũ cohãchũ tí wamomaca dihta butira. Mũhũ sehere pichacapũ mũ wahachũ ña yũhdũara. Ñ jicũ tí ñaa yoaare duhuga —ni yahuha Jesu.

*To namonore cohãare yahuha Jesu
(Mt 19.9; Mr 10.11-12; Lc 16.18)*

³¹ Õ sehe ni yahu namoha Jesu:

—Panopũ ahri cãhũre niha: “To namonore cohã duariro to cohãhtore yahuri pũ mehne ticorore cohã masina”, nimaha panopũ. ³² Ahri ti yahuri yũhdo curero mũsare ahri sehere yahu namoihtja. To namono paio mehne ñano yoaeraricoro to jipachũta to manũno ticorore cohãboca. To ã cohã daporicoro paiore manũ tiro ñano yoaro nica ticoro paio mehne jiro. To manũno ticorore ã cohãno ticorore paio mehne ñano yoachũ yoara. To baharo namo tiriro cãhũ ticoro mehne ñano yoaro nina —ni yahuha Jesu.

Wama payo niare yahuha Jesu

³³ Õ sehe ni yahu namoha Jesu:

—Panopu macaina õ sehe ti ni yahuri cjirire tuhori jimare musa: “Musa niriro seheta yoaga. ‘Cohamacu mehne potocã ã yoaihtja’, musa niriro seheta yoaga”, ti ni yahuri cjirire tuhori jimare musa. ³⁴ Ahri ti yahuri yuhdo curero musare ahri sehere yahu namoihtja. “Mhano mehne potocã nii nija”, ni mhano mehne wama payo niena tjiga. Mhano sehe Cohamacu mari puhtoro to suho jiro jira. Wiho jiro jierara. To ã jichu ñuna mhano mehne ã niena tjiga. ³⁵ Ahri yahpa mehne ne wama payo “Potocã nii nija”, niena tjiga. Ahri yahpa Cohamacu ya yahpa jira. To ã jichu ñuna ã niena tjiga. “Jerusalẽ mehne potocã nii nija”, ne wama payo niena tjiga. Tuariro mari puhtoro ya maca jira Jerusalẽ. Wiho jiri maca jierara. To ã jichu ñuna ã niena tjiga. ³⁶ “Yu dapu mehne potocã nii nija”, ni wama payo niena tjiga. Musa pjoari ti yehsea wahachu yoa masierara musa. Ti ñia wahachu cãhure yoa masierara musa. ã yoa masieraina jina “Yu dapu mehne potocã nii nija”, ni wama payo niena tjiga. ³⁷ “Yoanahtja”, nina wama payoro marieno õ sehe dihta tíre nirucuga. “Yoasi”, nina cãhu wama payoro marieno nirucuga. Musa wama payo nina, watino ñariro to dutiriro seheta yoana nica musa —ni yahuha Jesu.

Ti cahma suaare yahuha Jesu
(Lc 6.29-30)

³⁸ Õ sehe ni yahu namoha Jesu:

—Panopu õ sehe ti ni yahuri cjirire tuhori jimare musa. “Mhure paio mu capariacare to cjã tihãriro seheta mhuh cãhu tirore cjã tihã cahmaga. Mu piriacare to cjã nuhariro seheta mhuh cãhu cjã

nuha cahmaga”, ti niri cjirire tũhori jimare m̄usa. ³⁹ Ti yahuri yũhdo curero ahri sehere yahu namoihtja m̄usare. M̄uhure ñano yoarirore ã ñanocahga. Cũ buhusehe m̄u wahsupure to cjãch̄u, pa buhusehe cũhure cjã dutiga tirore. ⁴⁰ Pairo buhiri dahre dutirirore m̄uhure to yahusãch̄u, dutiro sehe m̄u camisare m̄uhure yahusãrrore wa dutiboca. To ã wa dutich̄u, tirore waga. M̄u bui macari suhtiro cũhure wa namoga tirore. ⁴¹ Pairo surara paye barore cũ kilómetro m̄uhure to naabasa dutich̄u, pa kilómetrore waha namoga tjoa. ⁴² M̄uhure sinirirore waga. Tuhs̄u, pairo m̄uhure to waso dutich̄u wasoga tirore —ni yahuha Jesu.

M̄usare ñu tuhtiinare cahĩga
(Lc 6.27-28, 32-36)

⁴³ Õ sehe ni yahu namoha Jesu:

—Masa õ sehe nina: “M̄usa mehne macainare cahĩga. ã yoa m̄usare ñu tuhtiinare ñu tuhti cahmaga tjoa”, ti niri cjirire tũho m̄ũhtari jimare m̄usa. ⁴⁴ Ti yahuri cjiri yũhdo curero ahri sehere yahu namoihtja m̄usare: M̄usare ñu tuhtiinare cahĩga. ã cahĩna tinare noano yoaga. M̄usare ñano yoinare ti ya cjihtire Cohamacure sini payoga. ⁴⁵ M̄usa ã yoana mari P̄uch̄u m̄hano macariro pohna jira m̄usa. Cohamacu sehe cãno potori yoara masare. Ñaina cũhure, noaina cũhure sũ sich̄u yoara tiro. Tuhs̄u, Cohamacu dutiare yoaina cũhure, yoaeraina cũhure coro tach̄u yoara tiro. Masare cãno potori to yoariro sehetã m̄usa cũh̄u yoaga. ⁴⁶ M̄usare cahĩna dihtare m̄usa cahĩch̄u tí ne yaba cjihti jierara paina sehere m̄usa cahĩerach̄u. P̄ũhtoa ya cjihtire wapa na cohtaina

cũhũ tó seheta yoara. ã jina jipihtinare cahĩga. ⁴⁷ Mũsa coyeya dihtare mũsa noano piti bocachũ tí cũhũ ne yaba cjihti jierara paina sehere mũsa noano piti bocaerachũ. Cohamacũre masieraina cũhũ tó seheta yoara. ã jina jipihtinare noano piti bocaga. ⁴⁸ Ñaa marieina jiga mũsa. Mũsa Pũcũ mũano macariro to ñaa marieriro to jiro seheta mũsa cũhũ ñaa marieina jiga —ni yahuha Jesu.

6

Noaa yoaare yahuha Jesu

¹ Pari turi tiro õ sehe ni yahu namoha:

—Cohamacũ ya cjihtire noaare yoana, “Cohamacũ yare yoa pahñoina jija sã”, ni yahuena tjiga painare. Mũsa ã ni yahuri buhiri noaare mũsa yoari cjiri ne yaba cjihti jierara. ã jiro Cohamacũ mũano macariro noaare mũsa yoari wapa mũsare ne wasi. ² ã jina pjacũoinare yoadohona, tíre masare yoa ñoena tjiga. Masa ti ñuenoi yoadohoga tinare. Cãina noaa ti yoaare yoa ñohna mahapũ jĩinare, judio masa mari buhea wũhũsepũ jĩina cũhũre. Tina mari baharo bũhũsehei ñano yoa cohtaina jira. ã yoa ñohna tina, “Noaina jira”, masare ni ñũ dutia. Ti ã ni ñũchũ ã yoa ñoina sehe wahche tuhsũre. “Noaina jira” ni, masa ti ño payochũ wahche tuhsũre tina. ã jiro Cohamacũ sehe ne wahche namochũ yoasi tinare. ³ ã jina pjacũoinare yoadohona, masa ti ñuenoi yoadohoga tinare. Mũsa mehne macaina mehne jina ti ñuenoi pjacũoinare yoadohoga. ⁴ Masa ti ñũeraropũ mũsa yoadohopachũta Cohamacũ sehe

ñuna. ã ñano m̄sa ã yoari wapa warohca m̄sare
—ni yahuha Jesu.

Cohamac̄re siniare yahuha Jesu
(Lc 11.2-4)

⁵ Pari turi tiro õ sehe ni yahu namoha:

—Cohamac̄re sinina, mari baharo b̄h̄sehei
ñano yoa cohtaina yoaro sehe yoaena tjiga m̄sa.
Judio masa mari buhea w̄h̄sepē ducu, mahapē
c̄h̄re ducu, Cohamac̄re sini ñohna tina masare.
Ã sini ñoa potocã masa tinare ti ño payoch̄
tí mehne tina wahche tuhs̄re. ⁶ Cohamac̄re
sinic̄ tac̄, m̄ ya tahtiap̄ biha sãaga. Biha
sãa, m̄sa P̄c̄ ñ̄mahnoeraritore siniga. M̄sa
ã yoach̄ masa marienoi m̄sa sinipach̄ata m̄sa
P̄c̄ m̄sare t̄horohca. ã t̄horo m̄sare noano
yoarohca tiro.

⁷ ã jina Cohamac̄re sinina, t̄hoturo marieno
m̄sa sinirireta pari turi sini majare tjua m̄jaena
tjiga. Õ sehetã yoara Cohamac̄re masieraina.
“Paȳ durucua mehne Cohamac̄re sã sinich̄ tiro
sãre t̄horohca”, ni t̄hotumana tina. ⁸ Tina yoaro
sehe yoaena tjiga. M̄sa sinihto pano m̄sa P̄c̄
m̄sa cahmaare masi tuhs̄ra. ⁹ ã jina õ sehe ni
sininahca Cohamac̄re:
“Sã P̄c̄, m̄ano macariro m̄h̄ ñaa marieriro ã
jirucura.

¹⁰ M̄p̄re jipihtina bui p̄htoro jiga.
M̄anop̄ m̄ dutiro sehetã ti yoariro sehetã ahri
yahpa macaina c̄h̄ yoajaro.

¹¹ ã jic̄ dachoripe sã ch̄htire warucuga sãre.

¹² Paina sãre ti ñano yoarire sã boja.

ã jic̄ m̄h̄ c̄h̄ sã ñano yoarire boga.

13 ã jicũ sã ñaare yoa duana sã goa pjachũ ñũcũ tíre yoa dutii tjiga.

Ã jicũ sãre ñaare yoaerachũ yoaga.

[Mũhũ sã pũhtoro tuariro ã jirucuihca. Jipihtina mũhũre ã ño payorucuahca],

ni siniga Cohamacũre.

14 Paina mũsare ti ñaa yoarire mũsa bochũ ñũno, mũsa Pũcũ mũano macariro cãhũ mũsa ñaa yoarire borohca. 15 Wiho mejeta paina mũsare ti ñaa yoarire mũsa boerachũ mũsa Pũcũ cãhũ mũsa ñaa yoarire ne bosì —ni yahuha Jesu.

Chũ duhuare buheha Jesu

16 ã jiro tiro tinare õ sehe ni yahu namoha:

—Cohamacũre ño payona tana chũ duhuna bujũna witiina yoaro sehe yoa ñoena tjiga. Tó sehe yoara mari baharo bũhũsehei ñano yoa cohtaina. Tina ti wũhdũna poca cahyaina yoaro sehe jira. Ti ã jiina jichũ ti chũ duhuchũ ñũ masina masa. Potocãta mũsare nii nija. Tinare masa ño payochũ cahmana tina. ã jia tinare ti ño payochũ ñũa tina wahche tuhsũre. (Cohamacũ sehe tirore ti ño payori wapa tinare wahchechũ yoasi. ã jina tina yoaro sehe yoa ñoena tjiga mũsa.) 17 Mũsa chũ duhuna, mũsa pjoarire co mehne wa payo wũha majare payoga. ã jina mũsa wũhdũna pocare cosaga. 18 Mũsa ã yoachũ mũsa chũ duhuchũ ñũ masisi masa. Mari ñũ mahnoerariro Cohamacũ dihta mũsa chũ duhuare ñũ masinohca. Mũsa sahsero mũsa jichũ tiro mũsa mehne ã jirucura. ã ñũno tiro mũsare noano yorohca tirore mũsa ño payori wapa —ni yahuha Jesu.

*Mɛano macaare cɟna dutiha Jesu
(Lc 12.33-34)*

¹⁹ ã jiro tiro õ sehe ni yahu namoha:

—Ahri yahpa macaare na cahmachuena tjiga. Õ macaa baa wahaboca. Ti baaerachɛ yacariro naboca tíre. To yacaerachɛ machɛ tɛaboca. ã jia ahri yahpa macaa nu butihtu cuara. ã jina ahri yahpa macaare tuaro cahmaena tjiga. ²⁰ Mɛano macaa sehere cahmaga mɛsa. Mɛano macaare machɛ tɛa masierara. Tóɾɛ mɛsa cɟnaa ne baaerara. Tóɾɛ yacariro na masierara. ã jina mɛano macaare cahmaga mɛsa. ²¹ Tóɾɛ mɛsa cɟnaa ti jichɛ, mɛano macaare Cohamacɛ yare tuaro wacɛna mɛsa —ni yahuha Jesu.

*Masa ti tɛhoturo seheta yoara
(Lc 11.34-36)*

²² ã jiro õ sehe ni yahu namoha tinare:

—Sihãria to noano buhriachɛ mari ñɛ masino seheta Cohamacɛ yare tɛhotuna to yare noano yoa masinahca mɛsa. Mɛsa tɛhoturo seheta yoara mɛsa. Cohamacɛ yare tɛhotuna noare yoara mɛsa. ²³ To yare tɛhotuerana ñaare yoara mɛsa. Mɛsa ñaa dihtare mɛsa tɛhoturucuchɛ tí ñaa sehe ñabíaa jira —ni yahuha Jesu.

*Niñerure cahɛna, Cohamacɛ sehere cahierara
(Lc 16.13)*

²⁴ ã jiro tiro õ sehe ni yahu namoha tinare:

—Cũiro Cohamacɛ sehere wacɛno, tuabiaro niñeru sehere wacɛerara. Niñeru sehere tuabiaro wacɛno Cohamacɛ sehere wacɛerara. Niñeru dihtare cahmariro jiro Cohamacɛre wahchechɛ yoaerara. Cohamacɛ cãhɛre, niñeru cãhɛre

puarore cahma yuhduꝛuꝛcahto basioerara mꝛsare
—ni yahuha Jesu.

Cohamacu to pohmare ñu wihbora
(Lc 12.22-31)

²⁵ Ñ jiro tinare õ sehe ni yahu namoha:

—Ñ jicu mꝛsare nii nija: Mꝛsa chꝛare, sihniare, suhti cꝛhꝛare pjíro cahya tꝛhotuena tjiga. Mꝛsare bajuamehneneno chꝛare chuhtina cjihti dihtare suhti sꝛahtina cjihti dihtare Cohamacu yoaeraha mꝛsare. ²⁶ Minichahca perire Cohamacu to ñu wihboare masiga mꝛsa. Tina weseri maeraina jira. Ñ yoa chꝛare ti wihboa wꝛhꝛuse tinare mariahna. Mꝛsa Pꝛcu mꝛano macariro sehe tinare ti chuhtire wara. Minichahca yuhdoro mꝛsa sehere cahina Cohamacu. Ñ jiro mꝛsa cꝛhꝛare ñu wihborohca tiro. ²⁷ Pjíro mꝛsa tꝛhotua mehne cꝛ hora mꝛsare cati namochu yoa masierara mꝛsa. Ñ jiro mꝛsa pjíro tꝛhotua yaba cjihti jierara.

²⁸ Ñ jina mꝛsa suhti sꝛahtire pjíro cahya tꝛhotuena tjiga. Macaroca macaa cohorí ti cohoare tꝛhotuga. Tí cohorí ti basi suhtire yoaerara. Wiho mejeta tí cohorí noaa suhti yoaro sehe noaa cohorí bajura. ²⁹ Salomo cjiro noaa suhtire sꝛariro to jipachꝛata tí cohorí sehe tiro yuhdoro noabia cohorí waro jira. ³⁰ Cohorire noaa cohorí yoara Cohamacu sehe. Tí cohorí sehe mahaa dachoricã jirucuma ñai boraah wahara. Mahanocã ji, pa dachoi pichacaru jꝛa wahara. Tí ã jipachꝛata cohorire noaa cohorí jichu yoara Cohamacu. Ñ jiro Cohamacu cohorire to noaa cohorí to yoariro yuhdoro mꝛsa cꝛhꝛare noano yoarohca. Suhtire warohca. Cohamacure

mahanocã wacũ tuara m̄usa. ³¹ ã jina m̄usa chũhtire, m̄usa sihnihtire, m̄usa suhti sãhtire pjíro cahya tũhotuena tjiga. ³² Cohamac̄ure cahmaeraina sehe tíre ã macarucua nina. M̄usa P̄uch̄ m̄uano macariro jipihtia m̄usa cahmaare masina. To ã masich̄ pjíro cahya tũhotuena tjiga. ³³ Cohamac̄u m̄usa p̄uhtoro to jihto cjihtore cahma m̄uhtaga m̄usa. Jipihtia paye baro yũdoro tirore cahmaga m̄usa. Noaare to yoa dutia cãh̄ure cahmaga. M̄usa ã yoari baharo Cohamac̄u sehe m̄usa cahmaa dũhsach̄ warohca. ³⁴ ã jina ñamichac̄ure m̄usa dohse wahahtore pjíro cahya tũhotuena tjiga. M̄usa ã pjíro cahya tũhotuna payũbiaa jiahca m̄usa tũhotuhto sehe. Micha macaa dihtare m̄usa tũhotuch̄ tó purota m̄u sũrohca —ni yahuha Jesu.

7

Painare “Ñaina jira”, niena tjiga
(Lc 6.37-38, 41-42)

¹ ã jiro tiro tinare õ sehe ni yahu namoha:

—Painare “Ñaina jira”, niena tjiga m̄usa. M̄usa ã nierach̄ Cohamac̄u m̄usare “Ñaina jira”, nisi. ² Painare “Noano yoaerara”, m̄usa ni ñũriro se-heta Cohamac̄u sehe m̄usa cãh̄ure ãta ni ñũnohca. ³ Mari piti dahre buhech̄ õ sehe yoaina jira m̄usa. M̄usa coyeiro to capariac̄ap̄u mahari pohcarocã to sãach̄u tí pohcarocãre noano ñũna m̄usa. M̄usa ya capariaca sehere pjiri pjĩ to jipach̄uta tí pjĩne ne ñũerara m̄usa. Mahari pohcarocãre m̄usa ñũno se-heta m̄usa coyeiro to ñãno yoa sehere noano ñũna m̄usa. M̄usa basi m̄usa ñãare tuaro yoapanah̄ta tíre

masierara m̄sa, pjiri pjĩne m̄sa ñ̄eraro seheta. ¿Dohse jiro baro ã jįjari m̄sa? ⁴ Ő sehe niina jira m̄sa: “Coyeiro, ñ̄aare yoai nica m̄h̄h̄. Ā jic̄u tíre duhuga”, niina jira m̄sa. Ā niina jipanahta pjíro ñ̄aare yoara m̄sa sehe. ¿Dohseana m̄sa ñ̄aare yoapanahta tíre masierajari m̄sa? ⁵ Masa ti baharo buh̄usehei ñ̄ano yoa cohtaina jira m̄sa ã yoaina. Pjiri pjĩne m̄sa capariacai jiri pjĩne m̄sa na m̄htaboriro seheta m̄sa ñ̄ano yoaa sehere duhu m̄htaga. M̄sa ã yoari baharo m̄sa coyeiro to ñ̄ano yoaaare duhuch̄u yoa masiboca, mahari pohcarocãre m̄sa naboro seheta.

⁶ Dieya yoaro sehe jiina, yesea yoaro sehe jiina c̄uh̄u ñ̄abiainare Cohamac̄u ya noa yuh̄duare ti ñ̄o payoeraare yahuena tjiga tinare. “Tinap̄u buj̄upe, ñ̄ano ni, m̄sare ñ̄abiaro yoari”, nina yahuena tjiga tinare —ni yahuha Jesu.

*Cohamac̄ure mari siniare yahuha Jesu
(Lc 11.9-13; 6.31)*

⁷ Ā jiro tiro tinare ō sehe ni yahu namoha:

—Cohamac̄ure siniga m̄sa. M̄sa sinina m̄sa sinirire ñ̄ahanahca. M̄sa sinirire bocanahca. Tirore ã sinirucuga m̄sa. M̄sa ã yoach̄u tiro m̄sare warohca. ⁸ Jipihtina Cohamac̄ure siniina naahca. Ā yoa ti sinirire bocaahca. Jipihtina Cohamac̄ure ã sinirucuinare tiro tinare warohca.

⁹ ¿M̄sa pohna p̄ao curire m̄sare ti sinich̄u t̄aca sehere wabocari m̄sa tinare? Ne wasi m̄sa. ¹⁰ ¿M̄sa pohna wahire m̄sare ti sinich̄u aḡa sehere wabocari m̄sa tinare? Ne wasi. ¹¹ M̄sa ñ̄aina jipanahta m̄sa poh̄nare noaare waa tíre m̄sa. Ā jiro Cohamac̄u sehe m̄sa yuh̄doro noaare

wara m̄sare to pohñare tirore siniinare. M̄sa pohñare m̄sa wariro ȳhdoro Cohamac̄u sehe to pohñare wara.

¹² 'Paina m̄sare ti noano yoach̄u cahmana m̄sa. Tinare m̄sa noano yoach̄u cahmano se-heta m̄sa c̄h̄u noano yoaga tinare. Ti noano yoaerapach̄uta m̄sa sehe tinare noano yoaga. Āta yoa dutira Cohamac̄u dutia Moise cjirore to c̄urip̄u Cohamac̄u yare yahu mahtaina cjiri ti joari cjiri c̄h̄u —ni yahuha Jesu.

*Mahari sopacac̄ã quitire yahuha Jesu
(Lc 13.24)*

¹³ Ā jiro tiro õ sehe ni yahu namoha tinare:

—M̄nanop̄u Cohamac̄u cahap̄u waha duana to yare yoaro cahmana m̄sare. Ā jina to yare ã yoamacanocaeraro cahmana. Mahari sopacac̄ãp̄u m̄sa s̄ã duach̄u mijo curera. Tó sehetã mijo nina Cohamac̄u cahap̄u m̄sa waha duach̄u. Pichacap̄u masa ti wahach̄u mijoerara. Pjiri sopacap̄u mari s̄ãach̄u mijoerara. Tí sopacap̄u masa ti s̄ãaboro se-heta pichacap̄u masa ti wahach̄u mijoerara. Ā jia paȳu masa tórp̄u wahaã nina. ¹⁴ Cohamac̄u cahap̄u m̄sa waha duach̄u mijo nina. Mahainac̄ã masa tórp̄u wahaãhca. Tórp̄u wahaina jipih̄tia dachoripe Cohamac̄u mehne jirucuahca —ni yahuha Jesu.

*Masa ti yoarire ñ̄na ti jia tiare masija mari
(Lc 6.43-44)*

¹⁵ Ā jiro tiro õ sehe ni yahu namoha tinare:

—Noano yoaga. “Cohamac̄u yare yahu mahtaina jija”, ni mahñoinare tuhoena tjiga m̄sa. Tina oveja yoaro sehe suaeraina sehe bajumana.

Ti t̃hotuap̃ũ ñaina jira tina. ¹⁶ Ti ñano yoachũ ñũna, ñaina ti jichũ masinahca mũsa. Ti noano yoachũ ñũna noaina ti jichũ masinahca mũsa. Agã potacũ se t̃ohorine dicha tierara. Pota tidũ cãhũ higuera pocare dicha tierara. ¹⁷ Noadũ yucũcũ noaare dicha tira. Ñadũ sehe ñaare dicha tira. ¹⁸ Noadũ yucũcũ ñaare ne dicha tierara. Á yoa ñadũ noaare dicha tierara. ¹⁹ Noaare dicha tierara yucũre d̃ate cohãnocã, pichacapũ jũnohca. Áta yoarohca Cohamacũ to cahmaare yoaerainare. ²⁰ Á jina “Cohamacũ yare yahu mũhtaina jija”, ni mahñoinare ò sehe masinahca. Ti yoarire ñũna, mahñoina ti jiare masinahca —ni yahuha Jesu.

*“Mũsare ne masieraja”, ninohca Cohamacũ payũ masare
(Lc 13.25-27)*

²¹ Á jiro tiro ò sehe ni yahu namoha tinare:

—Payũ yũhũre “Pũhtoro”, niina jipahta mũano macariro pũhtoro Cohamacũ to sũho jiropũre wahaasi tina. Yũ Pũcũ mũano macariro to cahmaare yoaina dihta pũhtoro to sũho jiropũre wahaahca.

²² Pihtiri dacho jichũ payũ masa ò sehe niahca yũhũre: “Pũhtoro, mũ yare sã buhehi. Mũ wama mehne watĩare cohã wiohi. Á yoa mũ tuaa mehne payũ yoa ñohi sã”, yũhũre niina jiahca. ²³ Ò sehe ni yũhtiĩhca tinare: “Mũsare ne masieraja. Ñaa buhiri tiina jira mũsa. Á jina yũ cahai taena tjiga”, ni yũhtiĩhca tinare.

*Pũa wũhũ yoaina quitire yahuha Jesu
(Lc 6.47-49; Mr 1.22)*

²⁴ Á yoa jipihtina ahri yũ buherire t̃horina yũ dutiare yoaina, noano t̃ho masiriro wũhũ

dahreriro yoaro sehe jira tina. Tiro sehe cũa co-
pari tãa wapapũ saha, wũhũre noano dapu dũcaha.
25 Tĩ wũhũre to tuhsũri baharo coru tuaro ta, dia
mini yũhdũa waha, tuaro wihnono wãha. Ā to
tuaro wãpachuta tĩ wũhũ cũano tãa wapa bui to da-
pori wũhũ jiro ne waha sũ cahaerara. 26 Ā jia jipi-
htina yũ buherire tũhopahta yũ dutiare yoaeraina,
tũho masierariro wũhũ dahreriro yoaro sehe jira.
Tiro sehe to wũhũre padũro buicã dapu, noano
yua dũcaeraha. 27 Tĩ wũhũre to tuhsũri baharo,
coru tuaro ta, dia mini yũhdũa waha, wihnono
tuaro wãha. Ā tuaro wãno tĩ wũhũ sehere wãroca
cũnocaha. Ā jiro tĩ wũhũ tuaro bora sũ cahaa
wahaha —ni yahuha Jesu.

28 To ã ni buhechũ tũhoa, cũaa wahaha masa.
29 “Tiro potocãta puhtoro jira. Ā jiro noano masi
pahũoriro marine buhera tiro. Mari judio masare
buheina yoaro sehe buherara”, ni tũhotuha tina.

8

Jesu cami baarirore noariro wahachũ yoaha (Mr 1.40-45; Lc 5.12-16)

1 Jesu tũcũpũ buhe dujiriro cjiro dujia wahaha.
To ã dujiachũ ñũa masa payũ tiro baharo wahaha.

2 To ã wahachũ cũiro cami bucũ baariro tirore piti
boca, na tuhcuca caha sũ, tirore siniha:

—Puhtoro, mũhũ yũhũre noariro yoa duacu
yoaga —niha.

3 To ã nichũ tũhoro to wamomaca mehne Jesu
tirore ña payoha.

—Jai, mũhũre noariro wahachũ yoaja —niha
Jesu tirore.

To ã nichuᵗa tí to camí baari cjiri yati muᵗa wahaᵗa. ⁴ ã ni tuhsuᵗa Jesu tirore õ sehe niha tjoa:

—Yuᵗa muᵗure õ sehe yoarire ne painare yahui tjia. Muᵗa pjacuᵗe noari pjacuᵗa to waharire sacerdotere ñoi wahaga. Moiserere Cohamacuᵗa to cūriro seheta sacerdotere minichahcare waga muᵗa yuᵗduruᵗire ti noano masihto sehe —niha Jesu.

Surara puᵗtoro to muno to dohatichuᵗa Jesu noariro wahachuᵗa yoaha tirore (Lc 7.1-10)

⁵ Tó baharo Jesu Capernau wama tiri macapuᵗa to suᵗchuᵗa cien surara puᵗtoro to cahai suᵗa, tirore tuaro õ sehe ni siniha:

⁶ —Puᵗtoro, yuᵗure dahra cohtariro pjacuᵗa buᵗhariro jiro waha masieratjiāhno tirore tuaro purīchuᵗa yuᵗa wahuᵗuᵗa coāhre tiro —niha tiro Jesure.

⁷ To ã nichuᵗa, Jesu “Jai”, ni yuᵗtiha:

—Tirore to dohatiare yuᵗduᵗchuᵗa yoai wahihtja —niha Jesu.

⁸⁻⁹ To ã nichuᵗa õ sehe niha surara puᵗtoro:

—Puᵗtoro, noanohca. Tai tjia. Yuᵗa yuᵗdoro noa yuᵗduruᵗariro jira muᵗuᵗa. Ya wahuᵗi muᵗure sãa ta dutiboriro jieraja yuᵗuᵗa. Muᵗa masia mehne noariro wahachuᵗa yoaga tirore. Muᵗa ã yoachuᵗa yuᵗa yuᵗure dahra cohtariro noariro waharohca. Yuᵗure yuᵗa bui jiina paina puᵗtoa dutira. Yuᵗuᵗa cūhuᵗa surarare dutija. Cūirore “Wahaga”, yuᵗa nichuᵗa tiro wahara. Pairore “Taga”, yuᵗa nichuᵗa tiro tara. Yuᵗure dahra cohtarirore “Ahrere yoaga”, yuᵗa nichuᵗa tíre yoara. (Muᵗuᵗa cūhuᵗa dutirotota jira. ã jiro muᵗa dutiro seheta tiro dohatiro yuᵗduruᵗrohca) —niha tiro.

¹⁰ To ã nichu tuho cãaa waharo payu masa tiro mehne jiiinare õ sehe niha Jesu:

—Potocãta musare niita nija. Ahriro surara puhtoro Israe masano jierariro Cohamacure tuaro wacũ tuara. Tirore dahra cohtarirore yu noariro wahachu yoachtire masi tuhsaha. Ne Israe masare ahriro yoaro sehe jiiinare ñuerasinija.

¹¹ Musare niita nija. Payu ahriro yoaro sehe Cohamacure wacũ tuaina jipihtiro macaina mano macariro puhtoro to sũho jioru sãa, tóru jiiina mehne chãahca. Abrahã, Isaa, Jacobo mehne chãahca tina. ¹² Masa paina sehe puhtoro Cohamacu to sũho jioru wahaborina ti jipachuta ñanoru nahitianoru cohãnocanohca tinare. Tóru to cohãrina tuaro tii, cahyaa mehne bahca dihoahca —ni yahuha Jesu.

¹³ Tíre ã ni tuhsu, surara puhtorore õ sehe niha:

—Tjuahga mu ya wuhuru. Mũhure dahra cohtariro yũhdũrohca. “Potocãta yũhdũrohca”, ni mu tuhoturiro seheta yũhdũrohca —niha Jesu.

To ã nino watoihata tirore dahra cohtariro sehe noa tuhsaha.

Pedro marechonore dohatiricorore yũhdoha Jesu

(Mr 1.29-31; Lc 4.38-39)

¹⁴ Baharo Jesu Pedro ya wuhuru sũ, Pedro marechono dohatichu ñaha tiro. Juaro tichu cama bui coãha ticoro. ¹⁵ To ã jichu ñũtjiãhno to wamomacare ña payoha. To ã ña payochuta juaro surua wahaha. Suruchu tuhoturo ticoro sehe wahcãruca, tinare chũare payoha.

Jesu payu dohatiinare yuhdoha
(Mr 1.32-34; Lc 4.40-41)

¹⁶ Ñ yoa ñamichaharu payu watia ti sãanohrinare masa na wihaha Jesu caharu. Ti ã na wihichu ñano cã tahata to waha dutichu watia wahaa wahaha. Tuhsu, jipihtina dohatiina ti na surinare ti dohatiare cohã pahnoha Jesu. Ñ jia noaa wahaha tina.

¹⁷ Ñta yoaha tiro panopu macariro Cohamacu yare yahu mahariro Isaia cjiro to niriro seheta. Ñ sehe ni joaa tiha: “Mari dohatiare yuhdonocanohca tiro. Mari duti tiare cohãnocanohca”, ni joaa tiha Isaia cjiro Jesure.

Cãina Jesu mehne waha duamaha
(Lc 9.57-62)

¹⁸ Jesu payu masa to cahai ti jichu ñano:

—Sie coaru basa pahãjihna —niha.

¹⁹ Ti pahãhto pano judio masare buheriro Jesu caharu su, ñ sehe niha:

—Buheriro, mahu mehne waha duaja nohoi mu waharoi —niha.

²⁰ Jesu ñ sehe ni yuhtiha:

—Cãina macaroca macaina wahiquina ti copari cjuara. Minichahca cãhu ti suhti cjuara. Yuhu masuno Cohamacu warocariro sehe yu cariri wuhu maeraja. (Ñ jina yuhu mehne tana ñano yuhduhahca musa) —ni yuhtiha Jesu.

²¹ Ñ yoa pairo Jesu buheriro ñ sehe niha:

—Puhtoro, yu pãcu to yariachu yasinii waihtja. Ñ ya tuhsu pinihta mahu mehne waihtja —niha tiro Jesure.

²² Jesu ñ sehe ni yuhtiha:

—Yuhure cahmaeraina yariaina yoaro seheta jira. Tina sehe yariainare yajaro. ã jicũ mũhũ sehe yũhũ mehne macariro cjihto taga —niha tiro.

Jesu wihnonore yũsũ dutiha
(Mr 4.35-41; Lc 8.22-25)

²³ ã ni tuhsũ Jesu to jiriapũ dohoriapũ samuha. ã jia to buheina cũhũ tiro mehne waha, samuha. ²⁴ Tĩ bũcũpariropũ ti pahãchũ waro wihnono tuaro taha. ã jia pahcõri dohoriare mionocamaha. ã wihnono wãpachũta Jesu sehe carĩno niha. ²⁵ To ã wahachũ ñũa tina tirore wahcõha. Wahcõ õ sehe niha:

—Pũhtoro, yũhdoga. Mari mini yariana tana nija —niha tina.

²⁶ Ti ã nichũ Jesu õ sehe ni yũhtiha:

—¿Dohse jiro baro cuimacanocana nijari mũsa? Yuhure wacũ tuaeraina jira mũsa —niha Jesu tinare. ã ninota wahcãrucũ sũ, wihnonore pahcõri cũhure “Yũsũa wahaga”, niha. To ã nichũ wihnono yũhdũa wahaha. ã jia pahcõri cũhũ yũsũ boraa wahaha. ²⁷ To ã yoachũ ñũ cũaa, õ sehe niha tina:

—¿Cue, dohse jiro baro masũno jijari ahriro? Ahri wihnono, pahcõri cũhũ to dutichũ yũhdũũcaerara tirore —niha tina.

Watĩare cohã wioha Jesu
(Mr 5.1-20; Lc 8.26-39)

²⁸ Tinare ã wahari baharo pahã sũ, Gadara macaina ya yahpapũ sũha. Tõpũ ti sũchũ pũaro mũa masa copari watopũ jiina Jesure piti boca. Tina watĩa ti sãanohorina cuaina jiha. ã jiro tõpũ

masa ti wahamahnoeno jiha. ²⁹ Tirore piti boca, ò sehe ni sañurucuha:

—¿Mũhũ Cohamacũ macũno dohse yoai tai tajari mũhũ sã cahapũre? ¿Sãre Cohamacũ to buhiri dahrehti pja to jierapachũta sãre buhiri dahrei tai nijari mũhũ? —ni sañurucuha tina.

³⁰ Tó cahai payũ yesea maca chũa niha. ³¹ Tinare ñũa, watĩa ò sehe niha Jesure:

—Sãre cohã wiocũ sina yesea cahapũ yeseare sãa dutiga sãre —ni siniha watĩa Jesure.

³² —Jai, wahaga —niha Jesu.

To ã nichũ watĩa pũaro masa mehne jirina cjiri waha, yesea ti pjacũripũ sãaha. ã yoa tinare ti sãari baharo, yesea pari cũnũpũ mũroca buha, bũcũpariropũ bora ñoja, mini yaria pihtia wahaha.

³³ Ti ã wahachũ ñũa yeseare ñũ wihboina sehe cui, mũrocaa wahaha. Macapũ sũ, yesea ti minirire yahu site pahñoha. Watĩa ti sãanohrinare Jesu to cohã wiori cũhũre yahu pahñoha tina. ³⁴ ã ti yahu siteri baharo tí maca macaina jipihtina Jesure ñũa taha. ã jia tirore ñũa, tuaro mehne waha dutiha tirore.

9

Pjacũ bũharirore noariro wahachũ yoaha Jesu (Mr 2.1-12; Lc 5.17-26)

¹ ã ti waha dutiri baharo Jesu dohoriapũ samu, bũcũpariropũ pahã, to bũcũari macapũ sũha.

² Tórpũ paina pjacũ bũharirore to coãri cahsaro mehne yo wũa wihiha Jesu cahai: “Jesu ahrirore to dohatiare yũhdũchũ yoarohca”, ni tũhotuha tina. Ti ã ni tũhotuchũ masino dohatirirore ò sehe ni yahuha Jesu:

—Macu, wahchega mũhu. Ñano mũ buhiri tiare cohã tuhsuja yũhu —niha tiro.

³ To ã nichu tũhoa cãina mari judio masare buheina õ sehe ni tũhotumaha: “Ahiro wihõ jiro ã nino, ‘Cohamacu jija’, nino nina. Æ nino Cohamacure ñano nino nina”, ni tũhotumaha tina.

⁴ Ti ã ni tũhotuchũ masino, õ sehe niha Jesu:

—¿Dohseana ã ñano tũhotujari mũsa? ⁵ “Ñano mũ buhiri tiare cohã tuhsuja”, yũ nichu, “Mahñoriro jira”, nina mũsa noano masierapanahãta. “Wahcãrucã, wahaga”, yũ nichu yũ niri potocã jia jichũ dóihãta mũsa masinahca. ⁶ Yũhu masano Cohamacu warocariro ahri yahpai masa ti ñano buhiri tiare cohã masija yũhu. Masa ti ñano buhiri tiare cohãhtiro cijhtore cũre Cohamacu yũhũre. Yũ ã cohãrire mũsa masihtõ sehe õ seheta yoa ñohtja mũsa ñũhti cijhtire —niha Jesu.

Tinare ã ninota, pjacu bũharirore õ sehe niha:

—Wahcãrucãga. Mũ coãri cahsarore na wahcãga mũ ya wũhũpũ —niha tirore.

⁷ To ã nichu tũhoro pjacu bũhariro wahcãrucũ sũ, to ya wũhũpũ tjuaa wahaha. ⁸ Masa to ã wahachũ ñũã cuiha. Æ yoa Jesure Cohamacu to tuare to wachũ ñũã masa Cohamacure ñõ payo, noano durucuha.

Jesu Mateore pjihã

(Mr 2.13-17; Lc 5.27-32)

⁹ Ti ã yoari baharo Jesu tũpũ jiro ta, yũhũre Mateore boca wihire. Pũhtoã ya cijhtire masare wapa na cohtariro jimai. Æ jicu tí pjare yũ dahrari tahtiarũ dujii. Tõi yũ dujichũ ñũno õ sehe nire yũhũre:

—Yuhũ mehne macariro cjihto taga mũhũ —nire Jesu yũhũre.

To ã nichũ tũhocũ wahcãrũca tiro mehne wahai.

¹⁰ Baharo ya wũhũpũ Jesu cũhũ chũa tare. Payũ pũhũa ya cjihtire wapa na cohtaina, “Ñano yoaina”, ti niina cũhũ sã mehneta chũre. ¹¹ Tina mehne sã chũchũ ñũa, fariseo curua macaina sãre Jesu buheinare õ sehe nire:

—¿Dohsearo mũsare buheriro wapa na cohtaina mehne, ñano yoaina mehne chũjari? —nire tina sãre to buheinare.

¹²⁻¹³ Ti ã nichũ tũhorõ Jesu sehe piti dahre buhea mehne yũhtire:

—Dohatieraina duhturure macaerara. Dohatina dihta duhturure macana. Ñaare yoaina dohatina yoaro sehe jira. ã jicũ ñaare yoaina dihtare ti ñaare ti tũhotumari cjirire duhu, noaa sehere ti tũhotu cohtotachũ yoai tai nii yũhũ. Ti basi “Noaina jija sã”, ni tũhotuina barore yahui tai nierahi. Cohamacũ to nirire ti joarire masiga mũsa. “Wahiquinare mũsa wajã, jũ mũoa mehne yũhũre mũsa ñõ payochũ cahmaeraja. Painare mũsa pja ñũchũ sehere cahmaja”, ni joaha. Ahri to joari to dohse niare masiga mũsa. Tíre noano buhe namona wahaga —nire Jesu fariseo curua macainare.

*Chũ duhuare sinituha João buheina Jesure
(Mr 2.18-22; Lc 5.33-39)*

¹⁴ Baharo João masare bautisariro to buheina Jesu cahapũ sũ, õ sehe ni siniture:

—Sã João buheina sehe Cohamacũre ñõ payona tana, chũ duhuja. Fariseo curua macaina cũhũ ãta

ch_u duhura. ¿Dohse yoaa m_u buheina sehe ch_u duhuerajari? —nire tina Jesure.

¹⁵ Jesu to t_uhotua mehne piti dahre buhero taro tinare ò sehe ni y_uhtire:

—Ò sehe jira tí: Wamomaca d_uhterop_u ti pjiro-caina wamomaca d_uhteriro mehne jia, ch_u duhu masierara. Tó seheta y_u buheina c_uh_u y_uh_u mehne jia, ch_u duhu masierara. Y_uh_u wamomaca d_uhteriro yoaro sehe jija. Wamomaca d_uhteriro bose n_um_u to yoach_u tiro mehne macaina cahyaa mehne jierara. ã jia ch_u duhuina jierara. Y_u P_uc_u Cohamac_u y_uh_ure to naari baharo pinihtare y_u buheina mehne jisi y_uh_u. ã jia tí pjar_uta y_u buheina c_uh_u ch_u duhuahca —ni y_uhtire Jesu.

¹⁶ Panop_u macaa buhea wahma buhea mehne ti buhe more duach_u ñ_uno ò sehe ni namore Jesu tinare piti dahre buhero:

—Ne wahma cahsaro suhtiro cahsarò mehne m_unano suhtirore sere òno cahmaerara. ã yoach_u wahma cahsaro mari cosari baharo m_unano suhtirore waja cahmachu, pjibiario t_uh_un_uch_u yoara. (Ahri yoaro sehe ni, m_una buhea wahma buhea mehne piti dahre buheraro cahmana.)

¹⁷ ã jina ne se co bisia core wahiquire cahsaro wajuru mehne m_una wajuru mehne posaeraro cahmana. ã yoach_u se co bisia pahmoap_u m_una wajurure t_uh_ur_uñocahna. To t_uh_un_uch_u se co c_uh_u, wajuru c_uh_u cohōa wahara. ã jina se co wahma core wahma wajurup_u posaro cahmana. ã yoach_u se co cohōeraa, wajuru c_uh_u cohōerara. (Tó seheta wahma buhea m_una buhea mehne buhe moreraro cahmana) —ni yahure Jesu tinare.

*Jairo maconore noaricoro yoa, cahã ñuricoro cãhure noaricoro yoaha Jesu
(Mr 5.21-43; Lc 8.40-56)*

¹⁸ To ã ni yahuro watoi judio masa mari buheri wuhu puhtoro Jesu cahapu wihire. Wihi, na tuhcuca caha su, õ sehe nire:

—Yu maco yoatapu yariaa wahahre. Ticorore mu wamomacare duhu payoi taga. Mu ã yoachu masanohca —nire tiro Jesure.

¹⁹ To ã nichu tuhoro Jesu wahcãruca tiro mehne wahare. Sã to buheina cãhu wahai. ²⁰ Sã mahai waharucuchu tói numino ã cahã ñurucuricoro Jesu baharo buhusehei ta, to suhtiro sohtoare ñaha ñuha. Doce cãhmari waro dachoripe cahã ñurucuricoro jiha. ²¹ Õ sehe ni tuhotuha ticoro ã yoaro: “To suhtirore ñaha ñuco, noaricoro wahacohca”, ni tuhotuha ticoro. ²² To ã yoachu masino Jesu majarerucu su, ticorore õ sehe nire:

—Maco, wahchega muhu. Mu yuhure wacũ tuua mehne noaricoro tjuara muhu mipure —nire tiro.

To ã nichuta noaa wahare ticoro.

²³ ã yoa tuhsu Jesu puhtoro ya wuhupu sure. Sãa saro, ñahacaha tiinare teneniaca yoaro sehe jiriare putiinare ñure. Payu masa ti ñano bisichu cãhure tuhore tiro. ²⁴ Ti ã nichu tuhoro masare õ sehe nire:

—Wijaahga musa. Yariaerari jira ticoro. Carño nina —nire tinare.

To ã nichu tuhoa, “ã nimacanocano nina ahriro”, nia masa bujure tire. ²⁵ ã jiro wuhu puhichapure masare to wio pahñori baharo yariaricoro cahapu su, to wamomacare ñahaha. To ã ñahachu masa caha su, wahcãruca suha ticoro.

26 To ã yoarire tũhoa, tó macaina masa jipihtina yahu sitere.

Puaro capari bajuerainare ñũchũ yoaha Jesu

27 Æ yoaro Jesu tói jiro to wahachũ, puaro capari bajueraina tirore pisu nũnũ tire:

—Davi panamino masare yũdohiro, sãre pja ñũga mũhũ —ni saũurucure tina.

28 Ti ã nichũta Jesu pa wũhũpũ sãare. To ã sãachũ masia capari bajueraina to cahapũ sãa wahare. Ti ã sãa sũchũ ñũno tiro sehe siniture tinare:

—“Marine ñũchũ yoarohca tiro”, ¿ni tũhotujari mũsa yũhũre? —nire tiro.

—Puhtoro, ãta ni tũhotuja sã —ni yũhtire tina.

29 Ti ã nichũta ti caparire ña payore. Æ ña payorota õ sehe nire:

—Yũhũre “Æ yoarohca”, mũsa ni tũhoturiro se-heta ã yoaja —nire Jesu.

30 To ã nichũta ti capari sehe noaa wahare. Æ yoa Jesu õ sehe nire tinare:

—Ahri yũ õ sehe yoarire painare ne yahuena tjiga —nire.

31 To ã nipachũta waha, tói jĩinare yahu sitere tina to ã yoarire.

Durucuerarirore durucuchũ yoaha Jesu

32 Tí wũhũre ti wijaachũ waro cãiro durucuerarirore na tare masa. Watĩno tiro mehne jiro tirore durucuerachũ yoaha. 33 Ti na sũchũ ñũno watĩnore Jesu cohã wioire. To ã cohã wiochũ watĩno to sãanohriro cjiro sehe durucua wahare. To ã yoachũ ñũa jipihtina cũa pihtiare.

—Ne, ahri yahpa Israe yahpapure ò sehe yoaare ñhëra tihî mari —ni durucure tina ti basi.

³⁴ Fariseo curua macaina sehe soro ni durucure:

—Watîa pũhtoro to tuaa mehne watîare cohãna ahriro —ni durucure tina.

Masare pja ñhãha Jesu

³⁵ Æ yoa jipihtia macari tói jia macaricãre, bujua macari cãhure buhe tinino wahare Jesu. Noaa buheare judio masa mari buhea wũhũsepu buhero wahare tiro. Æ jiro pũhtoro Cohamacu to sũho jihtore yahure. Jipihtia dohatia cãhure tó macainare yũhdore tiro. ³⁶ Masa payu ñano yũhdũina, pjacũoro wahaina ti jichu ñano Jesu tinare pja ñure. Tina oveja pua marieina yoaro sehe ti jichu ñano Jesu tuaro pja ñure tinare. ³⁷ Æ jiro ò sehe nire tiro sãre to buheinare, piti dahre buhero:

—Yo payu ti bucu tuhsucu payu jichu dahraa pjíro jira. Wiho mejeta dahraina sehe mahainacã jira. (Tó seheta noaa buheare tũhohtina payu jichu pjíro jira mari dahraa. To ã jipachuta mahainacã dahrari masa yoaro seheta noaa buheare buhehtina cãhu mahainacã jira.) ³⁸ Æ jina noaa buheare buhehtinare painare to warocahtore siniga Cohamacure —nire Jesu.

10

Jesu doce waro bese dapoha to warocahtinare (Mr 3.13-19; Lc 6.12-16)

¹ Baharo doce sãre to buheinare Jesu pjiroca, tuaare cũre sãre. Watîare sã cohã masihtî cjihtire

jipihtia dohatiare sã cohã masihti cjihtire cüre sãre.

² Õ sehe wama tii sã Jesu to bese cürina: Simo jire. Tiroreta Pedro ni pisure Jesu. Simo bahuro Andre cãhu jire. Santiago cãhu to bahuro João mehne jire. Tina Santiago cãhu pucuro Zebedeo wama tire. ³ Felipe, Bartolomé, Toma, yuhu Mateo jii sã. Yuhu sehe puhto ya cjihtire masare wapa na cohtariro jimai. Sã mehne paio Santiago jire. Tiro sehe Alfeo macuro jire. ã jiro Tadeo cãhu jire. ⁴ Simo cananeo ya curua macariro cjiro, Juda Iscariote cãhu jire. Juda sehe Jesure ñu tuhtiinare ñohtiro jire.

Jesu to buheinare buhe dutiro warocaha
(Mr 6.7-13; Lc 9.1-6)

⁵ ã yoa sãre doce to buheinare warocaro, “Õ sehe musa yoanahca”, ni yahu quihõre sãre Jesu:

—Judio masa jieraina cahapure wahaena tjiga. Ne Samaria yahpai jia macaripu cãhure wahaena tjiga. ⁶ Israe yahpa macaina cahapu sehere wahaga. Tina oveja peri wisia wahaina yoaro sehe Cohamacure masieraina jira. ⁷ “Mhano macariro to sãho jihto mahanocã dãhsara”, ni buhega tinare. ⁸ ã jina cami bũcu baainare, paye payu soro jia dohatiare cjuaina cãhure noaina yoaga. Yariainare masoga. Watia masare ti sãanohorinare cohã wioga tinare. Musare ã wanocai nija ahri tuaare. ã jina musa cãhu yu ã wanocariro seheta masare noaina ã yoanocahga.

⁹ Mhã wahana niñerure ne naaena tjiga. ¹⁰ Ne musa wajure, puaro camisare, puã wahpa dahpo suhtire, musa tjua yucu cãhure naaena tjiga. Mhã

sãano dihtare sãa wahcãga. Paye suhtire naaena tjiga. M̄sa buhena waharop̄u jiina tina sehe m̄sare m̄sa puhi cjihtire waahca. Āta waro cahmana tinare.

¹¹ Tí macarip̄u s̄na, ji coaro mehne carĩnore warirore macaga. Ā jina tí w̄h̄h̄ihta tjuasiniga. P̄u, coã wahanap̄u wijaahga tí w̄h̄h̄ure. ¹² Ā jina w̄h̄h̄p̄u s̄ahna, “¿Jimajari m̄sa?” niga tí w̄h̄h̄u macainare. ¹³ M̄sare noano ti cahmach̄u “Co-hamac̄u mehne noano jiga m̄sa”, niga tinare. M̄sare ti cahmaerach̄u, m̄sa ã niborire niena tjiga. ¹⁴ Ā jina m̄sare ti cahmaerach̄u, ti tuho duaerach̄u tí w̄h̄h̄ure wijaahga. Wijaana, dahpo suhti macaa dihta pohcarire wajã site cūga m̄sa tinare ti ya buhirire masich̄u yoana. Tí maca macaina m̄sare ti cahmaerach̄u āta yoaga tina c̄h̄ure. ¹⁵ Potocã m̄sare niita nija. Ahri dacho pihtich̄up̄ure Sodoma macaina, Gomorra macaina c̄h̄u tuaro buhiri tihtinata jira. Ti ã jipach̄uta tina ȳh̄doro m̄sare cahmaeraina buhiri tihtina jiahca —ni yahure Jesu.

Jesu yainare paina ti ñano yoahore yahuha Jesu

¹⁶ Ā ni tuhs̄u õ sehe ni namore:

—Ȳh̄h̄ure tuhoga m̄sa. Oveja yoaro sehe jijnare m̄sare ñaina watoi warocai nija. Tina ñaina macaroca macaina yaya suaina yoaro sehe jira. Ā jina m̄sa sehe paina wahiquina wacū masiina yoaro sehe jiga. Ā jiina jipanahta buja yoaro sehe ne suaeraina jiga m̄sa. ¹⁷ Noano yoaga m̄sa. Masa m̄sare p̄h̄toare waahca. Tuhs̄u Judio masa mari buhea w̄h̄h̄sep̄u c̄j̄p̄eahca m̄sare. ¹⁸ Ā jia ȳu yaina m̄sa jiri buhiri macari macaina

p̄h̄toa cahap̄u ti bui jiina p̄h̄toa cahap̄u c̄h̄ure naahca m̄sare. ã jina m̄sare t̄op̄u ti naach̄u tinare judio masa jieraina p̄h̄toa c̄h̄ure noaa buheare buhenahca m̄sa. ¹⁹⁻²⁰ M̄sare p̄h̄toare ti wach̄u tinare m̄sa nihtire “Cue, masieraboca”, ni t̄hotuena tjiga. M̄sare ti sinituch̄ta m̄sa nihtire masinahca. ã masina tinare yahuna m̄sa t̄ire m̄sa m̄ s̄uro durucuna nisi. Cohamac̄u sehe m̄sa P̄c̄u to Esp̄ritu mehne m̄sare durucuch̄u yoarohca.

²¹ ’Tí pjare ti wahmis̄ma ti bahanare wajã dutia waahca p̄h̄toare ȳu yaina ti jiri buhiri. Ti p̄c̄s̄ma ti pohnare wajã dutia waahca p̄h̄toare. Ti pohna sehe ti p̄c̄s̄mare wajã dutia waahca p̄h̄toare. ²² Jipihtina masa sehe ȳu yaina m̄sa jiri buhiri m̄sare ñ̄u tuhtiahca. Ti ã yoapach̄ta ahri yahpai m̄sa catisinino puro m̄sare ti ñ̄ano yoarire c̄no pjana ȳh̄ure, ȳu buhea c̄h̄ure duhuerana, ȳhd̄nahca m̄sa. ²³ C̄macai m̄sare ti ñ̄ano yoach̄u pa macap̄u duhti wahc̄ga. Potocã m̄sare niita nija. Israe yahpai jia macarine jipihtia tí macarip̄u m̄sa duhti wahc̄hto pano, ȳh̄u mas̄no Cohamac̄u warocariro ahri yahpap̄u tjua taihtja.

²⁴ ’Ne c̄airo buheriro tirore yahuriro buip̄u jierara. Cahamac̄no c̄h̄u to p̄h̄toro bui cure jierara. ²⁵ ã jiro õ sehe t̄hoturo cahmana buherirore: “Ȳh̄ure buheriro yoaro seheta jiihtja”, ni t̄hoturo cahmana. Cahamac̄no c̄h̄ure ãta ni t̄hoturo cahmana. “Ȳu p̄h̄toro yoaro seheta jiihtja”, ni t̄hoturo cahmana. (“To bui jiihtja. ã jic̄u ȳu p̄h̄toro to ñ̄ano ȳhd̄r̄iro seheta ñ̄ano

yuhdusi yuh sehe”, ni t̄hotueraro cahmana.)
 Yuh sehe wuh p̄ro yoaro sehe jija. M̄sa sehe tí
 wuh̄i dahraina yoaro sehe jira. Ā jia masa yuh̄re
 “Beelzebú jira”, ni yahusã, m̄sa c̄h̄re ȳ yainare
 ñano ni durucuahca tina —ni yahure Jesu.

*“¿Diro barore cuich̄ noajari?” ni yahuha Jesu
 (Lc 12.2-7)*

²⁶ Ā ni tuhs̄ ò sehe ni namore:

—Ā jina m̄sare ñano yoainare cuiena tjiga.
 Masa ti ya s̄ari cjirire baharo paina masiahca. Ā
 jia ti n̄ori cjiri c̄h̄re paina masiahca. ²⁷ M̄sare
 yaroca ȳ yahuri cjirire paȳ masa watoi buhe
 turiaga m̄sa. ²⁸ Mas̄nore wajãina to pjac̄ di-
 htare wajãna. To yajeripohna yariaerara. Ā jina
 m̄sare wajã duainare cuiena tjiga. Cohamac̄
 sehere cuiga. Tiro m̄sa pjac̄r̄re, m̄sa ya-
 jeripohnari c̄h̄re pichac̄p̄ cohã masina. Ā jina
 tiro sehere cui, yuh̄tiga m̄sa.

²⁹ P̄aro siripia wapa mariahna. Ti ã wapa
 mariapach̄ta c̄iroc̄re Cohamac̄ ne boerara.
 Cohamac̄ to dutierach̄ ne yarierara tirocã. ³⁰ Ā
 jiro m̄sa pjoarire ne c̄ pjoada d̄hsaro marieno
 masi pah̄ona Cohamac̄. Tó sehet̄a m̄sa jia
 tia c̄h̄re masi pah̄ona Cohamac̄. Ā masino
 m̄sare ñ̄ wihborucura. ³¹ Siripiare to cah̄no
 yuh̄doro, m̄sa sehere cah̄na Cohamac̄. Ā jina
 pj̄ro t̄hotuena tjiga m̄sa —ni yahure Jesu.

*Jesure m̄sa wac̄u tuari cjirire yahuga masare
 (Lc 12.8-9)*

³² Ā jiro tinare ò sehe ni yahu namore:

—Cũiro “Jesu yairo jija”, masare to ni yahuchũ yũhũ cũhũ tirore “Yũ yairo jira”, ni yahuihtja yũ Pũcũre mũano macarirore. ³³ Wiho mejeta cũiro “Jesu yairo jieraja”, masare to nichũ yũhũ cũhũ “Yũ yairo jierara tiro”, ni yahuihtja yũ Pũcũre —ni yahure Jesu.

Jesu masare tju wachũ yoara
(Lc 12.51-53; 14.26-27)

³⁴ ã ni tuhsũ õ sehe ni yahu namore:

—¿Dohse ni tũhotujari mũsa yũhũre? “Tiro masare to buheri baharo paina tinare ñũ tuhtisi”, ¿ni tũhotujari mũsa? ã jierara. Masare yũ buheri baharo cãina yũ yare tũhoahca. Paina sehe tinare ñũ tuhtiahca. Cũno potori waro jisi masa. ³⁵ Bũcũna yũ buheare ti tũhori buhiri ti pohna yũ buheare cahmaeraa, tinare ñũ tuhtiahca. Bũcũ numia yũ buheare ti tũhori buhiri ti pohna numia yũ buheare cahmaeraa, tinare ñũ tuhtiahca. Ti marechosanumia yũ buheare ti tũhori buhiri ti macũ namosãnumia yũ buheare cahmaeraa, tinare ñũ tuhtiahca. ³⁶ ã jia masa ti coyeare ñũ tuhtiina jiahca.

³⁷ Yũhũre ti cahĩboriro yũhdoro ti pũcũsuma sehere cahĩ yũhdũrũcaa yũ yaina jisi tina. Yũhũre ti cahĩboriro yũhdoro ti pohna sehere cahĩ yũhdũrũcaa yũ yaina jisi tina. ³⁸ ã jia paina crusarũ yũ yariahto seheta yũ yaina ti jiri buhiri ñano yũhdũahca tina cũhũ. Tó sehe ñano yũhdũ duaeraina yũ yaina jisi tina. ³⁹ Masa yũhũre wacũno marieno ti mũ sũro yoaa, pichacarũ wahaahca tina. ã jia yũ yare ã yoarucua jipihtia

dachoripe y_hh mehne jirucuahca tina —ni yahure Jesu.

Mari wapatahtore yahuha Jesu
(Mr 9.41)

⁴⁰ ã ni tuhs_h õ sehe ni yahu namore:

—M_hsare y_h yainare cãiro noano cahmano, y_hh cãh_hre cahmano nina tiro. ã yoa tiro y_hh_hre noano cahmariro y_hh_hre warocariro cãh_hre cahmano nina. ⁴¹ ã jiro Cohamac_h yare yahuriro wapatarohca. Tirore noano yorohca Cohamac_h. ã jiro to yare yahuriro to jich_h ñ_hno pairo tirore noano cahmano, yahuriro yoaro sehetã wapatarohca tiro cãh_h. ã yoa pairo noano yoriro wapatarohca. Tuhs_h, noano yoriro to jich_h ñ_hno pairo sehe tirore noano cahmano noano yoriro yoaro sehe wapatarohca tiro cãh_h. ⁴² Y_h yairo cãiro to jich_h ñ_ha, wiho jiriro to jipach_hta dohse jiina tirore core ti sihõch_h mahanocã ti wapach_hta potocãta tinare noano yorohca Cohamac_h —ni yahure Jesu.

11

João masare bautisariro to buheinare Jesure sinitu ñ_h dutiro warocaha
(Lc 7.18-35)

¹ Sãre to buheinare to ã ni yahuri baharo tó cahaí jia macarip_h buhero wahare Jesu.

² ã yoa to yorire João peresui jiriro tãhorocaha. ã tãhoro João to buheinare Jesure sinitu ñ_h dutiro warocaha. ³ ã jia Jesu cahap_h s_h, sinitu ñ_hre tina João buheina.

—¿João “Y_h baharo paio tarohca”, to niriro tjijari m_hh_h? ¿To niriro m_h jierach_h paire cohtanahcari sã? —ni sinitu ñ_hre tina sehe Jesure.

⁴ Ti ã nich_h t_hhorio Jesu õ sehe ni y_hhtire:

—Mip_hre m_hsa t_hhorire, m_hsa ñ_hrire João_hre yahuna wahaga: ⁵ “Capari bajueraina ñ_hna. Tini masieraina tinina. Cami b_hc_h baina noaina wahara. T_hho bocaeraina t_hhoa wahara. Yariaina masaa wahara. Tina jipih_htinare noaina wahach_h yoahi y_hh_h. Tuhs_h, p_hac_hoinare noaa buheare yahuja. ⁶ Y_hh_hre t_hhorio ‘Potocã tjira’, niriro tiro wahcheriro jira” ni, João_hre yahuna wahaga —nire Jesu.

⁷ João buheina ti wahari baharo, Jesu sehe João to jia tiare yahu d_hcare pay_h masare:

—Masa marienop_h João cahap_h s_hna, tjare wi-hnono to wãroca cohtotach_h yoariro seheta to buheare cohtota m_hjarimore ñ_hna s_herare m_hsa. ⁸ “Noaa suhti tirirore ñ_hna wahajih_hna”, nierare m_hsa João cahap_h masa marienop_h wahana. Noaa suhti tiina wapa b_hj_hare c_hain_h p_hh_htoa ya w_hh_hsep_h jira. ⁹ Masa marienop_h s_hna Cohamac_h yare yahu m_hhtarimore ñ_hna s_hre m_hsa. Potocã tjira. João Cohamac_h yare yahu m_hhtariro jira. Paina Cohamac_h yare yahu m_hhtaina y_hhdoro jiriro jira tiro. ¹⁰ Panop_h Cohamac_h yare ti joari p_hi João_hre õ sehe ni yahu joaa tiha:

“Cohamac_h to mac_hnore õ sehe niha: ‘M_h pano m_hh_hre yahuyuhtirore warocai nija’, niha”,

ni joaa tiha panop_hre João_hre. ¹¹ M_hsare potocã niita nija. Paina jipih_htina bui jira João bautisariro. Ahri turup_hre to ã jipach_hta m_hano macariro

pũhtoro to sũho jiropare jipihtina docapũ jiriro pinihta João bui jira.

¹² João masare bautisariro to buhe, bautisa dũcachũ payũ masa mũano macariro pũhtoro to sũho jirore pihtichũ yoa duaa, ti mũ sũro cahmache, tíre yoa duamana. ¹³ Cohamacũ yare yahu mũhtaina ti joari cjirire, Cohamacũ Moise cjirore to cũri cjiripũ cũhare buhena pũhtoro Cohamacũ to sũho jihtore masija mari. João cũhũ tíreta yahure. ¹⁴ “Elia tarohca”, panopũ ti niriro cjirota jira João sehe. Panopũ macaina ti nirire “Potocã tjira”, ni duana João ti ã niriro cjiro to jichũ masinahca mũsa. ¹⁵ Noano tũhoga mũsa ahrire.

¹⁶ ¿Mipũ macaina masa yabaina yoaro sehe jijari tina, mũsa tũhotuchũ? Tina macanacã yoaro sehe jira. Paina ti cahmano sehe ti yoerachũ tó wahaerara tinacãre. Pache duaropũ pape dujia, õ sehe ni pisurucura tinacã ti basi: ¹⁷ “Mũsa basahti cjihtire sã putipemahi. ¿Dohseana mũsa basaerari sã tíre putipechũ? Sã tuaro ñahacaha tiipe, sañurucumahi. ¿Mũsa sehe dohseana sã mehne tiiperari?” nirucuina yoaro seheta jira mipũ macaina cũhũ. Mipũ macaina ti cahmano seheta sã yoerachũ ñũa tó wahaerara tinare. ¹⁸ Tina yoaro sehe yoana õ sehe yoara mũsa mipũ macaina. João bautisariro Cohamacũre ño payoro taro chũ duhuro vinore sihnierare. To ã sihnierachũ ñũna “Watĩno to sãanohriro, tũho masierariro jira”, nimare mũsa tiro sehere. ¹⁹ Yũhũ masũno Cohamacũ warocariro jicũ yũhũ chũ, sihnija. Yũ ã yoachũ ñũna õ sehe nina mũsa yũhũ sehere: “Ñũga. Ahriro pjíro chũriro, cahariro jira. Wapa na cohtaina, ñano yoaina cũhũ ti piti tiriro jira

ahriri”, nina m̄sa ȳh̄ure. (Ã nina macanacã yoaro sehe durucuina jira m̄sa. M̄sa cahmano sehe sã yoerach̄u tó wahaerara m̄sare. Ne sahsaerara m̄sa.) Ã masierapanahta sã yoarire ñ̄na, Cohamac̄u masiare sã cj̄ach̄u masinahca m̄sa —nire Jesu tinare.

Ti ñ̄aare cahyaeraina ya macari macainare tuhtiha Jesu

(Lc 10.13-15)

²⁰ Baharo macari macainare tuhtire Jesu. Tí macarine paye macari ȳh̄doro Cohamac̄u tuaa mehne yoa ñ̄omare tiro. To ã yoa ñ̄opach̄uta ti ñ̄aare t̄hotumarire duhuerasinire tina. Ã jiro õ sehe ni tuhtire tinare tiro:

²¹ —Corazĩ macaina, m̄sa ñ̄ano ȳh̄d̄nahca. Betsaida macaina, m̄sa c̄h̄u ñ̄ano ȳh̄d̄nahca. M̄sa ya macarip̄ure Cohamac̄u tuaa mehne yoa ñ̄omahi. Tiro wama tiri macare, Sidõ wama tiri maca c̄h̄ure to tuaa mehne ȳu yoa ñ̄och̄u ñ̄ua panop̄u tó macaina sehe ti ñ̄aare cahyaboa. Ã yoaa ti ñ̄aare t̄hotumari cjirire t̄hotu cohtotaboa. Cahyaa suhtire sãa, niti pohcare tina bui dahra site payoboa ti ñ̄aa cahyaare ñ̄oa. ²² M̄sare niita nija. Buhiri dahrehti dacho jich̄u Cohamac̄u Tiro macaina, Sidõ macaina ȳh̄doro ñ̄aina m̄sa jiri buhiri m̄sare ñ̄ano waro buhiri dahrerohca tiro. ²³ Capernau macaina, m̄sa m̄s̄ro m̄nanop̄u waha duamana. M̄sare Cohamac̄u pichac̄ap̄u cohãnohca. M̄sa ya macap̄u Cohamac̄u tuaa mehne yoa ñ̄omahi. M̄sa ȳh̄ure t̄hoerare. Sodoma wama tiri macare Cohamac̄u tuaa mehne ȳu yoa ñ̄och̄u tí maca sehe mip̄u

jisiniboa. ²⁴ Músare niita nija. Buhiri dahrehti dacho jichu Cohamacu Sodoma macainare to yoariro yuhdoro, musa sehere musa ñaa buhiri ñabiaro buhiri dahrerohca —nire Jesu tí macari macainare.

*“Yuh cahapuh sona taga”, niha Jesu
(Lc 10.21-22)*

²⁵ Tí pjare õ sehe nire Jesu to Puchuro mehne durucuro:

—Yuh Puchu, muhu muanu macaina bui puhoro, ahri yahpa macaina bui puhoro jira. Ahri mu buheare “Noano masiina jija sã”, niinare masichu yoarerare muhu. Buhe pahñoeraina sehere mu yare masichu yoare muhu. Mu ã yoachu, “Noana”, nija yuhu muhure. ²⁶ ã tjira. Tina sehere ti masichu cahmare muhu —nire Jesu to Puchore.

²⁷ ã ni tuhsu, masare õ sehe ni yahu namore:

—Yuh Puchu jipihtiare yuhure ware. Tiro dihta yuhure noano masina. ã jina sã dihta yuhu yu masi dutiina mehne yu Puchure masija sã. ²⁸ Músa ñano buhiri tia nuchu yoaro sehe jira. Nuchare mana musa tahrño seheta ñano buhiri tiare pumea wahara musa. ã pumeina jina yuhure cahmaga musa. Musare sochu yoaihtja. Músa ñaa yoare duhuchu yoaihtja. ²⁹ Yuh dutiare yoaga. Yuh yare noano masiga. Yuhu nihi siaro yoariro jija. Yuh ã jiriro jichu yu yare noano masiga musa. ã yoa yuhu mehne sogu musa. ã sona noano yajeripohna tinahca musa. ³⁰ Yuh yare musa yoachu mijoerara. ã yoa musa muri cjiri ti nucheraro seheta yuhu sehe musa bihoro purota yoa dutija musare —nire Jesu.

12

Judio masa ti sori dachoi trigo parorire pahaha Jesu buheina

(Mr 2.23-28; Lc 6.1-5)

¹ Mahanocã to ã ni buheri baharo Sabado jichu sã Jesu mehne trigo wesepu sui. Sã to buheina juca baana, trigo parorire paha, chu tuhsu yuhdu wahcãi sã. ² Sã ã yoachu ñua, fariseo curua macaina Jesure õ sehe nire:

—Tuhosiniga sãre. ¿Dohse yoa tina Sabado mari sori numu to jipachuta dahrajari, trigo parorire ã pahaa? Mari dutiare yuhdurucaa nina —nire tina.

³⁻⁴ Jesu yuhntire. “Yu buheina yuhdurucaa nierare”, ni yahuro taro õ sehe ni yuhntire:

—Davi cjiro tiro mehne macaina mehne juca baaro Cohamacu wuhuru sãa, Cohamacu ya pãore chuha. Tí pãore sacerdotia dihtare chu dutira. Cohamacu dutiare ti joari pũ painare tí pãore chu dutierara. ¿Davi cãhu tíre ti yoari cjiro Cohamacu joari pũru buherari musa? (Tí pãore churo Cohacure yuhdurucaro nieraha. Michare ahri yaparire chua yu buheina cãhu Cohacure yuhdurucaa nierara.) ⁵ ã yoa Cohamacu wuhui dahraina sacerdotia ne soerara mari soa numurine. ã soerapahta Cohamacu dutiare yuhdurucaina jierara. ¿Tíre buherari musa Cohamacu Moise cjirore to cãri pũi? ⁶ Musare niita nija. Cohamacu wuhure ño payona tí wuhui dahraina ti soerachu ñupanahta “Noanohca”, nina musa. Tí wuhu yuhdoro yuhu sehere ño payoro cahmana. ⁷ Cohamacu yare ti joari pũ õ sehe nina: “Wahiquinare wajã, jã moa mehne

yũhũre mũsa ño payochũ cahmaeraja. Painare mũsa pja ñũchũ sehere cahmaja yũhũ”, nina to yare ti joari pũ. To ã nirire mũsa noano tũhona yũ buheinare tuhtieraboa mũsa. Tina tíre chũa yũhdũrũcaa nierare. ã jina tinare tuhtieraboa mũsa. ⁸ Yũhũ masũno Cohamacũ warocariro ahri dacho Sabado dachore masa ti yoahĩre yahurirota jicũ pũhtoro tjija —nire Jesu fariseo curua macainare.

*Wamomaca bũhariro quiti jira
(Mr 3.1-6; Lc 6.6-11)*

⁹ To ã niri baharo waha, judio masa mari buheri wũhũpũ sũi sã Jesu mehne. ¹⁰ Tói wamomaca bũhariro jire. ã jia fariseo curua macaina sehe Jesure yahusãa taa, tirore õ sehe ni siniture:

—Sabado dachoi mari sori dachoi masũnore noariro yoa dutierara Cohamacũ. ¿ã tjijari mũ tũhotuchũ? —ni siniture tina.

¹¹ Jesu õ sehe ni yũhtire tinare:

—¿Mũsa yairo oveja Sabado jichũ copapũ to bora sãachũ tirore na wioerabocari mũsa? Na wionahca mũsa. ¹² Oveja yũhũdoro jira masũno sehe, Cohamacũ to ñũchũ. ã jiro Sabado jichũ masũnore yũhũdochũ noa nina —ni yũhtire Jesu tinare.

¹³ ã ni tuhsũ, wamomaca bũharirore õ sehe nire:

—Mũ wamomacare siõrocaga —nire tiro.

To ã nichũ bũhariro sehe siõroca, noari wamomaca wahare. ¹⁴ Ti sori nũmũi to ã yoachũ ñũa, fariseo curua macaina waha, ti basi õ sehe niha:

—¿Dohse yoa Jesure wajãnahcari mari? —niha tina ti basi.

Cohamacu yare yahu mɔhtariro panopu macariro Jesure yahuha

¹⁵ Jesu ti ã nirire masino, wahaa wahare. To ã wahachu payu masa tirore nuɔnu tire. Ti ã nuɔnu tichu ñuno tiro sehe jipihtina tina mehne macainare dohatiinare noaina wahachu yoare.

¹⁶ ã yoaro dohatiina cjirire tinare to yɔhdorire painare yahu dutierare tiro. ¹⁷ ã dohatiinare noaina wahachu yoaro Cohamacu yare yahu mɔhtariro Isaia cjiro panopu to ni joariro seheta yoaro nire Jesu. Õ sehe ni joaa tiha Isaia:

¹⁸ “Õ sehe nina Cohamacu:
‘Ahriro yu cahamacu no jira.

Tiro yu beseriro jira.

Tirore cahija.

ã jicu tiro mehne wahcheja.

Yu Espiriture tirore waihtja.

ã jiro yu tuaa mehne jipihtina masare yu buheare yahurohca tiro.

¹⁹ ã yahuro tiro ne purino mehne yahusi.

ã yoa nihi siaroca yahuriro jiro sañurucusi.

Tuhsu, maca macari mahai payu masa watoi tiro tuaro sañurucu yahusi.

²⁰ Wɔjɔcu o muquearɔcu sɔchu to nuhnuerachu yoaro seheta masa cɔhure nihi siaro dero yoarohca tiro.

Pjiroca juri pichacare to yaeraro seheta masa cɔhure noano yoarohca tiro.

ãta yoarucurohca tiro watinore to yɔhdurɔcahto pano.

²¹ ã jia payu masa tirore wacũ tuaahca’, nina Cohamacu”,

ni joaa tiha Isaia.

*“Jesu watĩno tuaare cj̃ara”, ni yahusãha masa
(Mr 3.19-30; Lc 11.14-23; 12.10)*

²² Cũ dachoi watĩno to cohtotarirore masa na tare Jesu cahap̃. Tiro sehe watĩno cj̃aro durucu masierare. Tuhs̃, capari ne ñ̃erare. Ti ã na wihich̃ ñ̃, noariro wahach̃ yoare Jesu tirore. To ã yoach̃ watĩno to cohtotariro cjiro ñ̃, durucure.

²³ To ã wahach̃ ñ̃a, masa ñ̃ c̃aa wahare.

—¿Ahriro Davi cjiro panamino masare ỹhdohtiro jijari? —nire tina ti basi.

²⁴ Jesu watĩare to cohãire t̃hoa fariseo curua macaina õ sehe ni t̃hoture:

—Beelzebú watĩa p̃h̃toro to tuaa mehne watĩare cohãna Jesu —ni t̃hoture tina.

²⁵ Ti ã ni t̃hotuch̃ masino, Jesu q̃iti mehne piti dahre yahure tinare:

—Watĩno ya tuaa mehne watĩare cohãi nieraja. Cũ yahpa macaina ti basi cahma wajãa, tí yahpa macaina yaria pihtia wahaboa. Cũ maca macaina ti basi cahmachea tí maca macaina waha pih-tia wahaboa. Cũ w̃h̃ macaina c̃h̃ ãta wahaboa. ²⁶ Æ jia Beelzebú watĩa p̃h̃toro sehe watĩare cohãno, tina watĩa ti basi cahmachea ni-bo. Æ jia tina c̃h̃ waha pihtia wahaboa. ²⁷ Õ sehe ni yahusãna m̃sa ỹh̃are: “Tiro Beelzebú yoadohoa mehne watĩare cohãna”, ni yahusãna m̃sa. M̃sa mehne macaina c̃h̃ watĩare cohãna. ¿Watĩno to tuaa mehne watĩare cohãjari tina c̃h̃, m̃sa ñ̃ch̃? Æ cohãerara. Tíre masina m̃sa. Ỹh̃ c̃h̃ watĩno tuaa mehne watĩare cohãeraja. ²⁸ Æ jic̃ ỹh̃ sehe watĩare cohãc̃ Cohamac̃ to Espĩritu tuaa mehne tinare cohãja. Ỹ ã cohãch̃ ñ̃na õ

sehe masiga m̄usa: Cohamac̄u masa bui p̄hutoro ahri yahpap̄ure ji tuhs̄ura mip̄ure.

²⁹ Ō sehet̄a jira mari piti dahre buhech̄u: Tuariro ya w̄h̄up̄u paio s̄ã s̄u yaca masierara. Tuarirore d̄h̄teraro to ya w̄h̄up̄u s̄ã s̄u yaca masierara. Tirore to d̄h̄teri baharo s̄ã s̄u yaca masina —ni yahure Jesu. (Ā ni yahure wat̄ĩnore to ȳhd̄ur̄carire yahuro. Wat̄ĩno tuariro to jipach̄uta Jesu tirore ȳhd̄ur̄cara wat̄ĩare cohãno.)

Ā ni tuhs̄u ō sehe ni yahu namore Jesu:

³⁰ —C̄ũiro ȳh̄ure cahmaeraro, ȳh̄ure ñ̄u tuhtiriro jira. C̄ũiro ȳh̄ure yoadohoeraro, ȳh̄ure wap̄u tich̄u yoaro nina.

³¹ Ā jic̄u m̄usare potocã niita nija ȳh̄u. Jip-
ihtia ñ̄aare masa ti yoach̄u ti durucuch̄u c̄h̄ure
Cohamac̄u bo masina. Ā boparota Esp̄iritu Santore
ti ñ̄ano ni durucuch̄u tí pinine ne bos̄i. ³² Ȳh̄ure
mas̄ano Cohamac̄u warocarirore ȳh̄ure ti ñ̄ano ni
durucurire bo masina Cohamac̄u. Esp̄iritu Santo
seh̄ere ti ñ̄ano ni durucurire ne bos̄i Cohamac̄u.
Mip̄ure, pihtiri dacho baharop̄u c̄h̄ure ti ã niri
cjirire bos̄i tiro —ni buhere Jesu tinare.

*Masa ti durucuar̄e t̄h̄ona ti jia tiare masija
mari*

(Lc 6.43-45)

³³ Ā ni buhe tuhs̄u, piti dahre buhero ō sehe ni yahu namore tinare:

—Noad̄u yuc̄uc̄u noaare dicha tira. Ñ̄aad̄u yuc̄uc̄u ñ̄aare dicha tira. Yuc̄uc̄u dichare masina “T̄u dichata jira”, ni masija mari. (Mari ã masino sehet̄a masa ti durucuar̄e t̄h̄ona ti jia tiare masija mari.) ³⁴ Agã ñ̄ima tiina yoaro sehe ñ̄aina jira

musa. Musa ñaina jina, noaare ni masierara musa. Mari wacũarũ mari tũhoturiro seheta mari dũseroi wijara. ³⁵ Noariro noaare tũhotura. ã jiro noaare durucura. Ñariro ñaare tũhotura. ã jiro ñaare durucura. ³⁶ Musare niita nija. Noano tũhotu durucuina jiga musa. Noano durucuerana, buhiri dahrehti dacho jichũ musa ã nimacanocarire Cohamacũre yahu yũhdũnahca. ³⁷ Quihõno musa durucurire masino “Noaina jira”, ninohca Cohamacũ. Tuhsũ, ñano musa durucurire masino “Ñaina jira”, ninohca tiro —nire Jesu tinare.

Masa ñaina Jesure Cohamacũ tuaa mehne yoa ño dutiha

(Mr 8.12; Lc 11.29-32)

³⁸ To ã niri baharo mari judio masare buheina, fariseo curua macaina cãhũ tirore õ sehe nire:

—Buheriro, Cohamacũ warocariro jicũ Cohamacũ tuaa mehne yoa ñoga sãre —nimare tina.

³⁹ Jesu õ sehe ni yũhtire:

—Mipũ macaina ñaina, Cohamacũre cahmaeraina Cohamacũ tuaa mehne yũ yoa ñochũ ñũ duamana. Ti ã ñũ duapachũta Cohamacũ yare yahu mũhtarirore Jona cjiro panopũ macarirore Cohamacũ to tuaa mehne to yoari dihtare yoa ñonohca masare. ⁴⁰ Jona tia dacho waro pjiriro wahi pjaro puhichapũ jiha. To ã wahariro seheta yũhũ cãhũ masũno Cohamacũ warocariro tia dacho waro masa copapũ jiihca. ⁴¹ Nínive macaina sehe Jona Cohamacũ yare to yahurire tũhoa ti ñaa yoarire cahya, Cohamacũ mehne macaina tjuaha. ã tjuaina jia buhiri dahrehti dacho jichũ

tina mip_u macainare ti ñaare t_uhotumari cjirire duhuerainare “Ñaina jira”, ni yahusãahca. Jona cjiro tinare Cohamac_u yare to yahuch_u t_uhoa noaare cahmaha tina sehe. ã cahmaa noano yoaa niha mip_u macaina y_uhdoro. ã jia tina mip_u macainare “Ñaina jira”, ni yahusãahca. M_usare niita nija. Mip_u m_usare y_u buhea Jona cjiro to buheri y_uhdoro jira. ⁴² ã yoa buhiri dahrehti dacho jich_u p_uhtorocoro sur macaricoro panop_u macaricoro ducu, mip_u macainare “Ñaina jira”, ni yahusãanohca ticoro cãh_u. Ticoro Salomo panop_u macariro to masiare t_uho duaro yoarop_u ahri yahpa pa buh_useh_u jiricoro Salomoro t_uhoro taha. ã yoaro noano yoaro niha mip_u macaina y_uhdoro. ã jiro ticoro “Ñaina jira”, ni yahusãanohca mip_u macainare. M_usare niita nija. Mip_u m_usare y_u buhea to buheri y_uhdoro jira —nire Jesu tinare.

Watĩno pari turi mas_unore to sãari quitire yahuha Jesu
(Lc 11.24-26)

⁴³ ã ni tuhs_u, pari turi Jesu to t_uhotua mehne õ sehe ni piti dahre buhere tinare:

—Watĩno mas_unore cohtotariro cjiro waha, tiro co marieni yahpai tini, to jihto cjihtore macamaha. ⁴⁴ ã bocaeraro, õ sehe ni t_uhotuha tiro. “Mas_uno y_u cohãriro cjiro mehneta pari turi jii wahaihtja”, ni t_uhotuha tiro. ã ni t_uhoturo tiro tjuaa waha, to cohãriro cjiroreta bocaaha. ã to bocach_u mas_uno sehe noariro jimaha. ⁴⁵ ã jiro watĩno paina siete watĩare to y_uhdoro ñainare pjiro wahaha. To ã pjich_u tina jipihtina tiro mehne jiha.

Masano sehe tó pano cãiro watĩno to cohtotariro jiro, ñariro jimaħa. Mip̄ sehere paȳ watĩa ti cohtotariro jiro, tó pano to jiriro ȳhdoro ña ȳhd̄ariro jiħa. Mip̄ macaina Cohamacure masimarina tirore cohãa, tina c̄ħ̄ ñaa ȳhd̄uina warota wahaahca —nire Jesu tinare.

*Jesu coyea tiro mehne s̄ħ̄du duaha
(Mr 3.31-35; Lc 8.19-21)*

⁴⁶ Masare to ã ni durucuro watoĩ to pocoro to bahana mehne sopacai ducu, tiro mehne s̄ħ̄du duare. ⁴⁷ ã jiro cãiro Jesure õ sehe ni yahure:

—M̄ poco m̄ bahana mehne sopacai ducura, m̄ħ̄re s̄ħ̄du duaa —nire.

⁴⁸ To ã nich̄ t̄ħoro tirore yahurirore õ sehe nire Jesu tinare buhero taro:

—¿Noa jijari ȳ poco, ȳ bahana c̄ħ̄, m̄sa ñ̄ch̄? —nire.

⁴⁹ ã nino, sãre to buheinare ñ̄uipuro, õ sehe nire:

—Ahrina jira ȳ poco ȳ bahana yoaro sehe jina. ⁵⁰ Tina ȳ P̄c̄ m̄ano macariro to cahmaare yoara. Tó sehe yoaina ȳ bah̄, ȳ baho, ȳ poco yoaro seheta jira —nire Jesu tinare.

13

*Jesu wesere toari masano quitire yahuha
(Mr 4.1-9; Lc 8.4-8)*

¹ Tí dachoihta Jesu w̄ħ̄i jiriro wijaare. Wi-jaa, b̄c̄parirop̄ waha, b̄c̄pariro d̄ħ̄t̄ cahai dujire. ² To ã dujich̄ ñ̄a paȳ masa tiro cahap̄ cahmachu wahpata ȳhd̄a, bihsaro yoare Jesure. ã bihsach̄ ñ̄no dohoriai samu, tiap̄ dujire tiro. Masa sehe pad̄roi ducure. ³ ã jiro paȳ to t̄ħotua

mehne piti dahre yahure tinare buhero taro. Õ sehe nire tiro:

—Toari masuno toaro, to toaa yaparire doca site cūno wahaha. ⁴ To ã doca site cū wahcãchũ paye yapari maha duhtũ cahai bora caha sũha. Æ bora caha sũare tí yaparire minichahca duji ta, chũnocaha.

⁵ Æ yoa paye yapari sehe tãa wapa buicã bora caha sũha. Tãa wapa buicã dihta mariea cureroi dóihta dumaha. ⁶ Æ duri jipahta, sũ to tuaro sichũ, nuhcori mariaa, ñaia wahaha. ⁷ Paye yapari sehe tja watoi bora caha sũha. Tja sehe dia yũhdũa waha, toaa sehere wajãnocaha. ⁸ Paye yapari sehe noari yahpai bora caha sũha. Noano dua jia noano dicha tiha. Paye yucũ cien yapari, paye yucũ sesenta yapari, paye yucũ treinta yapari dicha tiha. ⁹ Ahrire tũho duaina noano tũhoga mũsa — nire Jesu.

Jesu quitu mehne to buherire yahuha

(Mr 4.10-12; Lc 8.9-10)

¹⁰ To ã niri baharo sã to buheina tiro cahai sũ, sinitui sã tire:

—¿Ne, dohseacũ masare quitu mehne piti dahre buhejari mũhũ? —ni sinitui sã.

¹¹ Jesu õ sehe ni yũhtire:

—Mũano macariro masa bui pũhtoro masare to noano sũho jiare panopũ macaina ti masierari cjirire mũsare yũ buheinare masichũ yoara Cohamacũ. Paina sehere ã yoerara tiro. ¹² Æ jiro masiinare masi namochũ yoarohca tiro. Æ jia tina sehe noano masiahca. Masieraina sehe mahanocã ti masipachũta tina sehere masierachũ

yoarohca tiro. ¹³ ã jicꝰ quti mehne buheja. Õ sehe jira. Mipꝰ macaina ñꝰpahta, ñꝰeraina cjiri yoaro sehe tjuara. ã jia tꝰhopahta masierara. Tíre tꝰhoeraina yoaro sehe jira tina. ¹⁴ ã jiina jia Isaia cjiro panopꝰ macariro to ni joariro seheta yoara tina. Õ sehe ni joaa tiha:

“Õ sehe nina Cohamacꝰ: ‘Yꝰ yare tꝰhonahca mꝰsa. ã tꝰhopanahta, ne masisi mꝰsa.

¹⁵ Mꝰsa dapu bꝰtiina tjuara.

Tuhsꝰ, mꝰsa cahmo coparire bihara mꝰsa, “Tꝰhori”, nina.

Mꝰsa caparire wihmitjiahna mꝰsa, “Ñꝰri”, nina.

ã yoaerana noano ñꝰna masiboa mꝰsa.

ã yoa tꝰhona, masiboa mꝰsa.

Mꝰsa wacũapꝰ noano masiboa.

ã masiina baro jina, mꝰsa tꝰhotumari cjirire tꝰhotu cohtota, yꝰhꝰre macaboa.

Mꝰsa ã macachꝰ ñꝰno, yꝰhꝰ sehe mꝰsa buhiri tiare cohãboa’, nina Cohamacꝰ”, ni joaha Isaia cjiro.

¹⁶ Mꝰsa sehe mꝰsa capari mehne ñꝰna, masina. Mꝰsa cahmo mehne tꝰhona, masina. ã jina wahcheina jira mꝰsa. ¹⁷ Mꝰsare niita nija. Mipꝰ mꝰsa ñꝰare mꝰsa tꝰhoare panopꝰ macaina Cohamacꝰ yaina cjiri tuaro ñꝰ duamaha. Cohamacꝰ yare yahu mꝰhtaina cjiri cũhꝰ tíre tuaro ñꝰ duamaha. Wiho mejeta ne ñꝰeraha. Mipꝰ mꝰsa tꝰhoa cũhꝰre tuaro tꝰho duamaha tina. ã masi duapahta tíre masieraha —ni yahure Jesu sãre to buheinare.

*Jesu wesere toari masuno quitire yahu pahñoha
(Mr 4.13-20; Lc 8.11-15)*

¹⁸ Baharo Jesu sãre õ sehe ni yahu namore:

—Tuhoga masa. Wesere toari masuno quitire masare yahuihtja. Yuhure tuhona, noano masiga.

¹⁹ Doca site cña yapari noaa buhea yoaro sehe jira. ã jia maha dũtu cahai bora yapari noaa buhea yoaro sehe jira. Masa noaa buheare tuhopahta ne masierara. Noaa buheare masa ti tuhochũ ñũno watĩno sehe ta, tí buheare noaa buheare masi dutierara masare. Minichahca tí yaparire ti dota nariro seheta yoara watĩno. ²⁰ ã yoa tãa wapa buicã bora yapari noaa buhea yoaro sehe jira. ã jia masa noaa buheare tuho, wahchea mehne dóihta tíre tuho nana. ²¹ ã tuho napahta tãa wapa buicã jia yucũ nuhcori mariea yucũ yoaro seheta ahrina masa cũhũ tuaerara. ã tuaeraa ñano yũhdũa, yũ yaina ti jiri buhiri paina tinare ti ñano yoachũ ñũa yũ ya sehere duhunocahna. Paina tinare ti ñano yoachũ tíre cũno pjaeraa, yũ yare duhunocahna. ²² ã yoa tja watoi bora yapari noaa buhea yoaro sehe jira. ã jia masa noaa buheare tuho, ahri yahpa macaare pjíro cahya tuhotua, niñerure cahĩna. Ti ã yoachũ tí sehe noaa buheare dũcatara. Ti ã dũcatachũ masa noaa sehere yoerara. ²³ ã yoa noari yahpai bora yapari noaa buhea yoaro sehe jira. Masa noaa buheare tuhoa, tíre noano masina. ã masiina jia, Cohamacũ to cahmano seheta noare yoara tina. Cãina pjíro noare yoara cien yapari dicha tiro seheta. Paina doca curero noare yoara sesenta yapari dicha tiro seheta. Paina mahanocã noare yoara treinta

yapari dicha tiro seheta —ni yahure Jesu sãre.

Trigo watoi tja diari quitire yahuha

²⁴ ã yoa pari turi to tũhotua mehne piti dahre buhere Jesu:

—Mũano macariro masa bui pũhtoro to sũho jiro õ sehe jira. Wese pũro to wesepũ noaa yaparire to toariro seheta jira mũano macariro masa bui pũhtoro to sũho jiro. ²⁵ Wese pũro jipihtina tiro mehne maçaina cãhũ ti carĩno watoi tirore ñũ tuhtiro tara. ã taro trigore ti toariroi tjare toaha. Toa tuhsũ wahaa wahaha. ²⁶ Baharo trigo duha. ã jiro ti dicha tia cahachũ waro diaa wahaha. ²⁷ ã jia wese pũrore dahra cohtaina tiro cahapũ sũ, yahua: “¿Pũhtoro, noaa yapari dihtare mũ wesere mũ toapachũta, dohse yoa tja cãhũ diajari tí wesere?”, niha tina. ²⁸ “Yũhũre ñũ tuhtiro jia tí tjare toaro”, niha wese pũro. “¿Tjare sã curechũ cahmajari mũhũ?” nimaha tirore dahra cohtaina. ²⁹ “Tjare curena tjiga, tjare curemahna ‘Trigo sehere cureri’, nina. ³⁰ Trigo tja mehneta bũcũawahnosinijaro. Dicha ñaini pja jichũ, trigo dicha nainare õ sehe nihtja: ‘Tjare cure mũhtaga. Tuhsũ mũsa curerire jũga. Baharo trigore pahaga. Paha pahño, tíre yũ wihbori wũhũpũ cũga’, nihtja tinare”, niha wese pũro —nire Jesu, quitu mehne yahuro.

Mostaza yapa quitire yahuha Jesu

(Mr 4.30-32; Lc 13.18-19)

³¹ ã yoa paye quitu mehne sãre õ sehe ni buhere tjoa:

—M̄ano macariro masa bui p̄h̄toro to s̄ho jiro mostaza yapacã yoaro sehe jira. Tí yapacã mahabiari yapacã jira. ³² Tí yapacãre wesep̄u to toari baharo, noano dura. ã jiro p̄ji curedu wahara. ã wahach̄u minichahca peri t̄u d̄up̄rip̄u suhti suhara. (Tó seheta m̄ano macarirore mari p̄h̄torore masiina mahainacã ti ji m̄htapach̄uta baharop̄u tina paȳu wahaahca) —ni yahure Jesu.

*Pão b̄nc̄aro quitire yahuha Jesu
(Lc 13.20-21)*

³³ ã yoa paye quiti mehne sãre õ sehe ni buhere tjoa:

—M̄ano macariro masa bui p̄h̄toro to s̄ho jiro pão b̄nc̄aro yoaro sehe jira. Tíre numino cã wajuru trigo pohcare co mehne noano tíre dahra morena pão b̄nc̄ahtore. To ã yoach̄u pão b̄nc̄aro sehe trigore noano sahser̄uc̄u s̄ura. (Tó seheta pão b̄nc̄aro to sahser̄uc̄u s̄uro seheta m̄ano macarirore mari p̄h̄torore paȳu masa jipihtiro macaina masiahca) —nire Jesu.

*Quiti mehne Jesu to buherire yahuha
(Mr 4.33-34)*

³⁴ Ahri jipihtiare buhero, quiti mehne yahure Jesu. Quiti marieno yahuerare tiro tinare. ³⁵ ãta yoare tiro Cohamac̄u yare yahu m̄htariro cjiro to ni joariro seheta. Õ sehe ni joaa tiha panop̄u: “Quiti mehne yahuihtja.

Cohamac̄u ahri yahpare to bajuamehneri baharo ne masare to yahuerari cjirire yahuihtja”, ni joaa tiha Cohamac̄u yare yahu m̄htariro cjiro.

Trigo watoi tja diari quitire yahu pahñoha

³⁶ Ñ yoa masare coha siti, wuhupũ sãa wahare Jesu. Ñ jina sã to buheina tiro cahapũ sũ, sinitui sã:

—Trigo watoi tja diari quitire yahu pahñoga sãre —nii sã tirore.

³⁷ Jesu õ sehe ni yũhtire sãre:

—Wese pũro noaa yaparire toariro yoaro sehe jija yũhũ. Yũhũ masũno Cohamacũ warocariro jija.

³⁸ Wese sehe ahri yahpa yoaro sehe jira. Noaa yapari dua mũano macariro pũhoro to sũho jiropũ jĩhtina cjihti yoaro sehe jira. Tja sehe watĩno yaina yoaro sehe jira.

³⁹ Wese pũrore ñũ tuhtiriro tjare toariro watĩno yoaro sehe jira. Tĩ ñaini pja sehe pihtiri dacho yoaro sehe jira. Ñ jia trigore naina anjoa yoaro sehe jira.

⁴⁰ Tjare ti cure jũriro seheta pihtiri dacho jichũ watĩno yainare, pichacapũ jũ cohãahca tinare.

⁴¹ Yũhũ masũno Cohamacũ warocariro yũ anjoare warocaihtja. Yũ ã warocachũ anjoa sehe ñaare yoa dutiinare, ñaare yoainare pũhoro yũ sũho jiropũre jimarinare na wioahca.

⁴² Na wio tuhsũ pichacapũ cohãahca tinare. Tórpũ tina tuaro tii, cahyaa mehne bahca dihoahca.

⁴³ Ñ jia Cohamacũ yaina ti Pũcũro pũhoro to sũho jiropũ jahca. Tóĩ jia, sũ dacho macariro yoaro sehe noano buhriaahca tina. Ahrire noano tũhoga mũsa —ni yahure Jesu.

Noa yũhdũare to mũorire to bocari quitire yahuha

⁴⁴ Ñ yoa paye quiti mehne õ sehe ni yahure tjoa:

—Mũano macariro masa bui pũhoro to sũho jiro niñeru to mũori yoaro sehe jira. Masũno tíre wesepũ wacũeno boca, pari turi tíre mũo namona.

Ã yoaro tuaro wahcheha tiro. Ã jiro to bocari cjiire nano taro, tí wesere nuch_u duaha. Ã nuch_u duaro to yare dua pahño, tí wesere nuch_uha. M_uano macariro p_uhtoro to s_uho jiro to bocari cjiiri yoaro sehe jiha. (To bocarire to cahma y_uhd_uariro seheta m_uano macarimore masa bui p_uhtorore noano ti masini baharo masa tuaro cahmana tirore) —ni yahure Jesu.

Wapa b_uj_uri yapa quitire yahuha

⁴⁵ Ã yoa paye quití mehne õ sehe ni yahure tjoa:
—M_uano macariro masa bui p_uhtoro to s_uho jiro wapa b_uj_ua yaparire perla wama tia yaparire nuch_uriro yoaro sehe jira. ⁴⁶ Tí yaparire macano noa y_uhd_uri yapare bocaha. Ã bocaro, tí yapare nuch_u duaro, jipihtia to yare dua pahño_o wahaha. Ã dua tuhs_u tí yapare wapa b_uj_uri yapare nuch_ura. (Tí yapare tuaro to cahmariro seheta m_uano macarimore masa bui p_uhtorore noano ti masini baharo masa tuaro cahmana tirore) —nire Jesu.

Wañ_uno quitire yahuha

⁴⁷ Ã yoa paye quití mehne Jesu õ sehe ni yahure tjoa:
—M_uano macariro masa bui p_uhtoro to s_uho jiro wañ_uno ti docañod_u yoaro sehe jira. T_u wañ_uno mehne pay_u wahi soro jiinare ñahana. ⁴⁸ T_u to wahpaa wahach_u wahi wajãina sehe t_ure pad_urop_u waja maja, noaina wahire besera. Noainare ti p_uh_usep_u bese sãana. Ñaina wahire cohãnocahna. ⁴⁹ Pihtiri dacho jich_u õ sehe jirohca. Anjoa sehe masare beseahca. Ñainare na wioahca

noaina cahap_u jimarinare. ⁵⁰ Na wio, tinare pichacap_u cohãahca. Tóí tina tii, tuaro cahyaa mehne bahca dihoahca ñaina sehe —ni yahure Jesu.

M_una buheare, wahma buhea cãh_ure yahuha

⁵¹ To ã ni yahuri baharo tiro õ sehe ni siniture sãre:

—¿Ahri jipihtiare tãhojari masa? —ni siniture tiro.

—Tãhoja sã —ni yahtii sã.

⁵² Sã ã nich_u tiro yahure sãre:

—Judio masare buheina m_uano macariro masa bui pãhtoro to sãho jirore buhea, pãaro buheare yahura. (Panop_u ti buhea cãh_ure mip_u ti buhea cãh_ure yahura.) Tina, Judio masare buheina wãh_u pãro yoaro sehe jira. Tiro to wãh_uni jiare noare na wioro, wahmaare, m_unaa cãh_ure na wiora tiro —nire Jesu sãre.

Jesu Nazarep_u wahaha

(Mr 6.1-6; Lc 4.16-30)

⁵³ Tí quitire to buheri baharo, wahai sã tiro mehne. ⁵⁴ Waha, to bucari macap_u sãhi. Tóru su, judio masa mari buhea wãh_usep_u buhere tiro. To ã buhech_u tãhoa, tãho cãaa wahare tina.

—Cuenah, ¿ahriro nohop_u tãhoari ahri buheare? ¿Dohsearo noano masi pahñojari ahriro? Cohamac_u tuaa mehne yoa ñona tiro to basi. ⁵⁵ Ahriro taboa dahrari mas_uno mac_uno jimanaro. ã yoa to pocoro María jimanaro. ã yoa Santiago, José, Simo, Juda, to bahana jimanab_u. ⁵⁶ Mip_ure to bahana numia ahri macai jira. ã jiro tiro mari yoaro sehe jiro tjira. ¿ã jiparota nohop_u tãhoari tiro ahri buheare? —ni durucure tina ti basi.

57 ã jia tina tirore cahmaerare. Ti ã cahmaerachũ ñũno õ sehe nire Jesu tinare:

—Cohamacũ yare yahu mũhtarirore paina ño payora. Ti ã ño payopachũta to ya maca macaina, to coyea tirore ño payoerara. ã jina yũhũre ño payoerara mũsa õi yũ bũcũariro jichũ —nire tiro tinare.

58 ã jiro tirore ti wacũ tuaerachũ ñũno “Cohamacũ macũno jira”, ti ni duaerachũ ñũno, tí macai Cohamacũ tuua mehne payũ tahari yoa ñoerare Jesu.

14

João bautisariro cjiro to yariarire yahuha

(Mr 6.14-29; Lc 9.7-9)

¹ Tí pjare Herode Galilea macariro pũhtoro Jesu to yoirire tũhorocaha. ² ã tũhoro õ sehe nimaha:

—João masare bautisariro yariariro cjiro pari turi bajuaro nica. ã jiro mipũre to bajuari baharo ahri tuaare cũara tiro bajuamehneare yoaro —nimaha Herode to cahamacare. (Jesure “Joãota jira”, ni tũhotumaha tiro Joãore ti wajãri baharo.)

³⁻⁵ Joãore to wajã dutihtõ pano Herode to bahũro Felipe namonore namo tiha. To ã yoachũ ñũno João bautisariro Herode sehere õ sehe nia timaha:

—Mũ bahũ namonore namo ticũ Cohamacũ dutiare yũhdũrũcai nina mũhũ —nia timaha João.

To ã niri buhiri Herode tirore wajã duamaha. “João Cohamacũ yare yahu mũhtariro jira”, ni tũhotura judio masa” nino, tina sehere cuiha Herode. “Joãore yũ wajãchũ tina suaboca” nino, tinare cuiha. ã cuiro Joãore wajã duaeramaha.

Ã wajã duaeraparota Herode tirore ñaha duhte duti, peresu yoaha. To namono Herodia to dutiro mehne ã yoaha. ⁶ Ã yoa Herode to masa bajuari dacho jichu bose namu yoaha tiro. Tói Herodia macono bose namu wihiina ti ñurocaroi basa ñoha. To ã basa ñochu ñuno Herode wahcheha. Å wahchero ticorore õ sehe niha:

⁷ —Cohamacu mehne potocã niita nija. Yuhure mu sinino purota waihtja yuhu mähure —niha juna Herode sehe Herodia maconore.

⁸ To ã nichu tuhoro Herodia to maconore to sinihore yahuha ticorore. To ã yahuchu to macono sehe õ sehe ni siniha Herodere:

—João masare bautisariro dapure cjã ta dutiga. Å yoacu waparo mehne tí dapure waga yuhure —niha ticoro.

⁹ To ã nichu tuhoro Herode tuaro cahyaha. Masa ti ñurocaroi “Waihtja mähure”, niha tiro. Å jiro tiro buo tiro “Mähure to dapure waeraja”, ni masieraha ticorore. Å jiro ticoro to dutiro seheta Herode sehe to cahamacare Joãoe wajã dutiha.

¹⁰ João dapure cjã taroca dutiha juna. ¹¹ Å cjã ta tuhsu, waparo mehne to dapure na taha tina. Herodia maconore to dapure ti wachu, ticoro sehe to pocorore yuhdoha tjoa.

¹² Ti ã yoari baharo João buheina ta, to pjacure masa copamu na cüha. Å cü tuhsu, tina tíre Jesure yahua tare.

*Cinco mil bui masare chüa waha Jesu
(Mr 6.30-44; Lc 9.10-17; Jn 6.1-14)*

¹³ Ti ã ni yahuchu tuhoro, Jesu sã mehne dohoriai samu, masa marienopu sühö wahare. Jesu

tópu to wahachu tuhóa, masa ti ya macaripu jirina ta, mahapu tirore nanu ti wahcãre. ¹⁴ Tuhsu, sã wahã suri baharo tiro payu masare ñuno, pja ñure tinare. Æ pja ñuno tina mehne macaina dohatinare noaina wahachu yoare. ¹⁵ Ñamichahapu sã to buheina tirore õ sehe nii:

—Ñamichahapu jira. Õ masa marienopu jira. Æ jicu macaripu masare ti chũhtire nuchũ dutiga ti puhi tihti cjihtire —nimai sã tirore.

¹⁶ Jesu yũhtire sãre:

—Wahaea tjjaro tina. Mũsa basita chũare waga tinare —nire sãre.

¹⁷ —Cũ wamomaca pihtia pão curi, puaro wahi mehne jira sãre. Tí dihtare cjuaja sã —ni yũhtii sã.

¹⁸ —Tíre yũhũre na tahga mũsa —nire sãre.

¹⁹ To ã nichũ tuhona na wahcãhi sã to cahai. Sã na suri baharo tja bui masare tiro duji dutire jũna. Ti dujichũ cinco pão curire, puaro wahire na, mũanopu ñũ mũo, Cohamacũre “Noana”, nire. Æ ninota pão curire nuha, sãre to buheinare ware. To ã wachu sã sehe tíre masare witii. ²⁰ Æ jia jipihtina noano chu, yapi yũhdũa wahare. Ti yapi wahyorire doce puũse waro na cahmachu, wahpo dapoi sã to buheina. ²¹ Tóí tíre chũrina mũa dihtare mari quihõchu cinco mil mũa jire. Numia, macanacã cãhũ jire.

Jesu co bui ducu wahcãha

(Mr 6.45-52; Jn 6.16-21)

²² Baharo sãre to buheinare Jesu buũpariro pa buũsehe coapu pahãyu dutire masare to coha sitiro watoi. ²³ Coha siti tuhsu, tũcũpu mũja, Cohamacũre sinino wahaha. Ñamine tóí tiro cãirota

jiha. ²⁴ Tí pjahta bꝛꝛpariro dacho macai do-
 horia mehne pahãrucuna nimai sã. Wihnono tu-
 aro ta, pahcõri bꝛjꝛa wahcã, dohoriare cjã sãare.
²⁵ Wihnono tuaro to wãchꝛ bohrea mꝛja tahto
 pano Jesu co bui ducu tare sã cahapꝛ jꝛna. ²⁶ Sã ca-
 hapꝛ to tachꝛ ñꝛna cui nii sã. ã cuina sañurucumai
 sã:

—Yariariro cjiro pjacꝛ jira —ni sañurucumai sã.

²⁷ Sã ã cuichꝛ ñꝛno Jesu õ sehe nire:

—Ne yũhũre ñꝛ cuaena tjiga. Yũhũta jija —nire
 sãre.

²⁸ To ã nichꝛ tũhoro Pedro õ sehe nire tirore:

—Pũhtoro, potocãta mũhũta jicꝛ, co bui yũhũre
 mꝛ cahapꝛ ducu wahcã dutiga —nire tiro.

²⁹ —Taga —ni yũhtire tiro sehe.

To ã nichꝛ Pedro dohoriapꝛ jiriro co bui dꝛꝛ sꝛ
 Jesu cahapꝛ ducu wahcãmare. ³⁰ Wihnono tuaro
 to tachꝛ ñꝛno cuire tiro. ã cuiro diha boraa
 wahamare.

—Yũhũre yoadohoga pũhtoro —ni sañurucure
 tiro Jesure.

³¹ To ã nichũta to wamomacare ñãha:

—Mahanocã wacũ tuara mũhũ yũhũre.
 ¿Dohseacꝛ yũhũre wacũ tuaerajari mũhũ? —nire
 tiro Pedrore.

³² To ã niri baharo dohoriapꝛ samu tare tina. Ti
 ã samu tari baharo wihnono yũsꝛ borare. ³³ ã jina
 sã to buheina dohoriapꝛ jiina na tuhucua caha sꝛ,
 Jesure ño payoi:

—Potocãta mũhũ Cohamacꝛ macũnota jira —nii
 sã tirore.

*Genesare macaina dohatiinare yũhdoha Jesu
 (Mr 6.53-56)*

34 Ñ yoarina cjiri pahã, Genesare wama tiri yahpapꝫ sui. 35 Tó macaina Jesure ñꝫ masire. Ñ masia tó cahai jiinare Jesu to wihirire yahu site pahñore. Ñ ti yahu sitechꝫ tuhoina payꝫ dohatiinare tiro cahapꝫ na tare.

36 —Mꝫ suhtiro dꝫhtꝫ caha dihtare sãre ñaha ñꝫ dutiga —ni sinire tina Jesure. Ñ jia to suhtirore ñaha ñꝫinape tópeinata noaina wahare.

15

Masa ñaina wahachꝫ yoaare yahuha Jesu (Mr 7.1-23)

1 Ñ yoa Jerusalẽ macaina, fariseo curua macaina, marine judio masare buheina mehne Jesu cahapꝫ wihia, õ sehe ni siniture tirore:

2 —¿Dohse yoa mari ñꝫchꝫsꝫma cjiripꝫ ti yoa dutiriro seheta yoaerajari mꝫ buheina sehe? Tina ti chꝫhto pano ti dutiriro seheta wamo cosaerara —nire tina Jesure.

3 Jesu õ sehe ni yꝫhtire tinare:

—¿Mꝫsa sehe dohse yoana Cohamacꝫ dutia sehere yoaerajari mꝫsa? ¿Dohse yoana mari ñꝫchꝫsꝫma cjiri panopꝫ macaina ya dutia dihtare yoajari mꝫsa sehe? 4 Õ sehe nina Cohamacꝫ: “Mꝫsa ꝫꝫsꝫmare ño payoga”, nina. “Cãiro to ꝫꝫsꝫmare ñaare quití dahreriro jiro tí buhiri paina ti wajãhtiro cjĩhto jirohca”, nina Cohamacꝫ.

5 To ã nipachꝫta õ sehe ni dutira mꝫsa sehe ti ꝫꝫsꝫmare yoadoho dutierana: Ti ꝫꝫsꝫmare ti waborire Cohamacꝫ sehere wa dutira mꝫsa. Ñ ni buhemana mꝫsa. 6 Ñ buhena ti ꝫꝫsꝫmare ño payochꝫ yoaerara mꝫsa. Mꝫsa ã yoana Cohamacꝫ

dutiare yuhdurucana nina m̄usa, mari ñuchusuma
cjiri panop̄u macaina ya dutia dihtare yoana.

⁷ Masa ti baharo buhusehei ñano yoa cohtaina jira
m̄usa. Cohamacu yare yahu m̄htariro Isaia cjiro
m̄sare potoc̄ata yahu joaa tiha panop̄ure:

⁸ “Ahrina masa yuhure noano durucupahta ti
tuhotuare yuhure ne ño payoerara.

⁹ Ñ jia yuhure ti ño payoa ne yaba cjihti jierara.

‘Cohamacu ya dutia jira ahri’, ni mahño buhera ti
ya buhea sehere”,

ni joaa tiha Isaia cjiro —nire Jesu fariseo cu-
rua macainare, mari coyea judio masare buheina
c̄uhure.

¹⁰ Ñ ni tuhsu to cahap̄u paina c̄uhure pjiroca, ñ
sehe nire:

¹¹ —Yuhure tuhona taga. Tuhsu, yu niare noano
tuhõ ñahaga m̄usa. M̄usa d̄userihi s̄aa sehe m̄usa
chua sehe m̄sare buhiri tichu yoerara. M̄usa
ñaa durucua sehe m̄usa d̄useri wijaa sehe m̄sare
buhiri tichu yoara —nire Jesu.

¹² To ñ ni buheri baharo s̄a to buheina sehe
tirore yahui:

—M̄u ñ nichu tuhõa fariseo curua macaina suaa
nire —ni yahui s̄a tirore.

¹³ Tíre tuhoro, ñ sehe ni yuhtire s̄are:

—Tina fariseo curua macaina toaa yucu yoaro
sehe jira. Yu Puc̄u m̄uano macariro jipihtia toaa
yucure to toaerari cjirore nahcori mehmeta cure,
cohãnohca. Ñta yoarohca tinare. ¹⁴ Tinare ñ
ñnocahga m̄usa. Tina capari ñneraina ti ñu
masieraro seheta ne Cohamacu yare masierara.
Ñ jia pichacap̄u wahaahca. Ñ masierapahta
paina masierainare buhe duamana. Ñ jia tina, ti

buheina cūh_u soro jia buheare cahmaahca, capari ñheraina painare tūã wahcã, jipihtina copap_u ti borariro seheta —nire Jesu.

¹⁵ To ã nich_u tūhoro Pedro õ sehe nire:

—Ahri quitire masa ti duseroi wijaa quitire yahu namoga sãre tjoa —nire tiro Jesure.

¹⁶ Jesu õ sehe ni yūhtire:

—¿Ne, tūhoerasinijari mūsa? ¹⁷ Masa ti chūare chūch_u tí ti duseroi sãahna. ã jia ti pjarop_u sãa s_u, yūhd_u wijaa wahara. Wiho waro jira. Mari chūa marine buhiri tich_u yoaerara, Cohamac_u to ñūch_u. ¿Ahrire masierajari mūsa? ¹⁸ Masa ti duseroi wijaa, tí durucua sehe ti tūhotuap_u tara. Tí durucua sehe ñaa jia masare buhiri tich_u yoara. ¹⁹ Ñaa tūhotua, masare wajãa, paio namono mehne ñano yoaa, ñano yoaa numia mehne ñano yoaa, yacaa, mahñoa, masare ñano quiti dahrea masa ti tūhotuap_u tara. ²⁰ Tí ñaa sehe masare buhiri tich_u yoara. Wiho mejeta mari ñūchūsuma cjiri ti yoaa tiriro cjiro seheta masa wamo cosaerapahta ti chūch_u tí masare buhiri tich_u yoaerara —nire Jesu.

*Judio masono jieraricoro Jesure wacū tuaha
(Mr 7.24-30)*

²¹ ã ni buhe tuhs_u, sãre sūho wahare tjoa. Tiro wama tiri maca cahap_u Sidõ wama tiri maca cahap_u sui sã. ²² Sã tórp_u sūch_u Canaa yahpa macaricoro tói jiricoro Jesu cahap_u wihiro, sañurucure:

—Pūhtoro, Davi panamino masare yūhdūch_u yoah tiro, yūhūre pja ñūga mūh_u. Yū macore

yuhdũchũ yoabasaga mũhũ. Yũ maco watĩno to cohtotaricoro, ñabiaro yuhdũara ticoro —ni sañurucure to pocoro.

²³ To ã nipachũta Jesu ticorore yũhtierare. To ã yoachũ ñũna sã to buheina sehe tirore õ sehe nimai:

—Waha dutiga ticorore. Nu cariboro bisica —nimai sã.

²⁴ Sã ã nichũ tũhoro Jesu õ sehe ni yũhtire ticorore:

—Israe masare Cohamacũre masieraina dihtare yoadoho dutiro warocare yũ Pũcũ yũhũre —nire tiro.

²⁵ To ã nipachũta Jesu dahpori cahai na tuhũa caha sũre ticoro tirore ño payoro.

—Pũhtoro, yoadohoga yũhũre —nire ticoro.

²⁶ Jesu õ sehe ni yũhtire ticorore:

—Õ sehe jira ahri: Wahmanore wũhũ pũro pohna ya chũare dieyacãre yũ wa mũhtachũ tó wahaerara. (Israe masa yare pa yahpa macainare yũ wa mũhtachũ tó wahaerara) —nire Jesu ticorore piti dahre yahuro.

²⁷ —Ã tjira pũhtoro. ã jipachũta dieyacã cũhũ wũhũ pũro mesa docai ti chũ site boroare chũ cohtara tinacã cũhũ. (Pa yahpa macaricoro yũ jipachũta yũhũ cũhũre yoadoho masina mũhũ) —ni yũhtire ticoro.

²⁸ To ã nichũ tiro õ sehe ni yũhtire:

—Ne numino, mũhũ yũhũre tuaro wacũ tuara. Mũ cahmano seheta ã waharohca —nire Jesu ticorore.

To ã nichũta dóihta noaricoro wahare to macono.

Payu dohatinare noaina wahachu yoaha Jesu

²⁹ Æ ni tuhsu sãre suho waha, Galilea wama tiri bucupariro duhtu cahapu suho sure tjoa. Su, mahaducã tucure muja, tu buipu dujire. ³⁰ Tói to jichu payu masa tini masierainare, capari ñerainare, cã buhusehe ñano dahporo tiinare, durucu masierainare, payu paina dohatinare tiro cahapu na wihire masa. Na wihi tuhsu Jesu dahpori cahai duhu cüre tina. Ti ã duhu cüri baharo noaina wahachu yoare Jesu tinare. ³¹ To ã yoachu ñua masa ñu cüaa wahare. Durucu masieraina ti durucuchu ñua, cã buhusehe ñano dahporo tiina noaina ti wahachu ñua, tini masieraina ti tinichu ñua, capari ñeraina ti ñuchu ñua, cüaa wahare tina. Æ jia õ sehe nire:

—Israe masa mari puhtoro, Cohamacu tuariro, noariro jira —ni ño payore tina Cohamacure.

Cuatro mil masare chure waha Jesu

(Mr 8.1-10)

³² To ã yoari baharo Jesu sãre to buheinare to cahapu pjiroca, õ sehe nire:

—Ahrina masa yahu mehne tia dacho waro ji tuhsura. Æ yoa tinare ti puhi mariahna. Ti puhi mariachu ñucu tinare pja ñuja. “Tinapu jüca baaina, mahai borari”, nicu tinare chua marieno ti wuhusepu waha duti duaeraja. Æ jicu tinare puhi wa duaja —nire tiro.

³³ To ã nichu sã to buheina tirore sinitu ñui:

—¿Dohse yoa mari õre masa marienopure pãore boca wabocari mari? —nii sã tirore.

³⁴ —¿Nohope curi pão curire cjuajari musa? — nire Jesu.

—Siete curi, wahi cãhure mahainacã cjuaja —ni yũhtii sã.

³⁵ Sã ã nichu tiro masare yahpai duji dutire.

³⁶ Tuhsu siete pão curire, wahicã cãhure na, Cohamacure “Noana”, nire. ã ninota pão curire nuha, sãre to buheinare ware. ã jina sã sehe tí chure masare witii. ³⁷ ã jia masa tíre chu, yapi yũhdũa wahare. Ti yapi wahyorire siete pãhuse waro wahpo dapoi sã. ³⁸ Tói churinare mũa dihtare mari quihõchu cuatro mil waro mũa jire. Numia, macanacã cãhu jire. ³⁹ Ti ã chu tuhsuchu Jesu masare waha dutire. ã ni tuhsu dohoriapũ samu, Magadãn wama tiri yahpapũ sãre sũho sure.

16

Fariseo curua macaina, saduceo curua macaina cãhu Cohamacu tuaa mehne Jesu to yoa ñochu ñũ duamaha

(Mr 8.11-13; Lc 12.54-56)

¹ ã yoa fariseo curua macaina, saduceo curua macaina mehne Jesu cahapũ wihire. To ñano yoachũ ñũ duamare tirore yahusã duaa. ã jia tina tirore Cohamacu tuaa mehne yoa ño dutimare to masierachũ ñũ duaa, “Cohamacu warocariro jierara”, nia taa. ² Ti ã yoa dutichũ Jesu õ sehe ni yũhtire tinare:

—Ñamichahapũ sũ sãachũ to noano sohãchu ñũna “Noari ñami jirohca”, nina mũsa. ³ Tuhsu, bohrearo ñichuri dacho to jichũ ñũna “Coro tarohca”, nina mũsa. ã noano masiina jipanahta Cohamacu tuaa mehne mũsare yũ yoa ñochũ ñũpanahta ne tíre noano masierara mũsa. ⁴ Mipũ

macaina ña yãhdũina Cohamacũre cahmaeraina Cohamacũ tuaa mehne yũ yoa ñochũ ñũ duamana. Yoa ñosi yũhũ. Cohamacũ yare yahu mũhtariro cjiro Jona cjiro to dohse waharirore masi tuhsũre mũsa. Tí dihtare ñoihtja mũsare —ni yũhtire Jesu.

Ã ni yahu tuhsũ sũho wahaa wahare tjoa.

Fariseo curua macaina, saduceo curua macaina ti ñaa buheare yahuha Jesu

(Mr 8.14-21)

⁵ Bũcũparirore sã pahãna, pãore bo pahã tari jilhti sã. ⁶ Ã jiro Jesu sãre õ sehe ni yahure:

—Noano yoanohbũ. Fariseo curua macaina, saduceo curua macaina ti pão bũcũarore ñũna noano yoaga. Cua nina tí —ni yahure.

⁷ To ã nichũ tũhona tũho wisia wahana, sã basi tíre õ sehe ni durucui:

—Mari pãore mari na taerachũ ñũno ã nipũcũ tiro —nimai sã, sã basi.

⁸ Sã ã nirire masino, sãre õ sehe ni siniture:

—¿Dohse yoana pão sehere wacũjari mũsa? Mahanocã waro yũhũre wacũ tuara mũsa.

⁹ ¿Masierasinihari mũsa? ¿Cinco mil mũare cinco pão curire yũ nuha warire numia cũhũre yũ warire wacũerajari mũsa? ¿Ti yapi wahyorire doce pũhũse waro mũsa wahpo daporire wacũerajari mũsa?

¹⁰ ¿Ã jicũ siete pão curire nuha, cuatro mil mũare yũ warire numia cũhũre yũ warire wacũerajari mũsa? ¿Nohope pũhũse waro mũsa wahpo daporire wacũerajari mũsa? ¹¹ ¿Ã jina pão bũcũarore yũ yahuchũ dohse yoana noano tũhoerari mũsa? ã nicũ pão warore nicũ nieraja. Fariseo curua macaina, saduceo curua macaina ti

pão bucuarore ñana noano yoaga. Cua nina tí —ni yahure sãre tiro.

¹² To ã ni yahuchupu sã masii. “Pão bucuaro” nino, pão warore nino nierare. ã nino fariseo curua macaina, saduceo curua macaina ti buheare nino niri jimare sãre. “Ti ya buheare tãhoena tjiga”, nino nire.

*Jesu potocã Cristo to jiare Cohamacu warocariro to jiare yahuha Pedro
(Mr 8.27-30; Lc 9.18-21)*

¹³ ã yoa Jesu mehne wahana, Cesarea Filipino wama tiri maca cahai jia macaripu sui sã. Tuhsu, macapu sã suri baharo Jesu sãre to buheinare siniture:

—¿Diro baro jicari yuhu masa yuhure ti tãhotuchu? —ni siniture tiro.

¹⁴ —“João masare bautisariro jira”, nina mähure. Paina “Elia jira”, nina. ã yoa paina sehe tjoa, “Jeremía jiboca o paio Cohamacu yare yahu mãhtariro cjiro jiboca”, nina —ni yãhtii sã tirore.

¹⁵ —¿Musa sehe musa tãhotuchu diro baro jicari yuhu? —ni sinitu ñure tjoa.

¹⁶ Simo Pedro õ sehe ni yãhtire:

—Muhu Cristo Cohamacu warocariro jira. Cohamacu catiriro waro macunota jira mähü —ni yãhtire Simo Pedro.

¹⁷ To ã nichu tãhoro Jesu tirore õ sehe nire:

—Simo Jona macuno mähü wahcheriro jira. Õ sehe ni yuhure m yãhtichu masa ti ni yahuri jierara. Yu Pucu mãano macariro sehe tíre mähure

masichu yoare. ¹⁸ Mũhũre niita nija. Mũhũ Pedro wama tiriro jira. (Pedro nino, “tãca”, nino nina.) Ahri tãa wapa bui pjiri wũhũre yũ yoaboriro seheta yũ yaina sehene pjiri curua jichũ yoaihca yũhũ. ã jia watĩno to yaina mehne ne yũ yainare yũhdũrũcasi. ã jia yũ yaina ne pichacaru wahasi. ¹⁹ Mũano macariro mari puhtoro to sũho jiro macari sawire mũhũre waihtja. ã jicũ ahri yahpare ñaare mũ yoa dutierachu mũanorũ cũhũre yoa dutisi. Ahri yahpare noaare mũ yoa dutichũ mũanorũ cũhũre yoa dutia jahca —nire Jesu.

²⁰ To ã niri baharo sãre to buheinare õ sehe nire: —Yũhũre “Cristo jira tiro”, ni yahu sitesiniena tjiga painare —ni dutire sãre.

Jesu to variahtore, to masa wijaahto cũhũre yahuha

(Mr 8.31–9.1; Lc 9.22–27)

²¹ Tĩ pjata Jesu sãre to buheinare noano yahu pahũo dũcare:

—Jerusalẽru yũhũre waharo cahmana mipũre. Tõru mari coyera judio masa bucuua, sacerdotera puhtoa, marine judio masare buheina cũhũ yũhũre ñano yoaahca. Yũhũre wajãahca. ãta ñano yũhdũro cahmana yũhũre. ã jicũ tia dacho wahaboroi masa wijaaahca —ni yahure sãre tiro.

²² To ã nichũ tũhoro Pedro sehe pa sehe curerocã Jesure narũcu su, tirore õ sehe nire:

—Puhtoro, mũ nino sehe ã wahaero tjijaro. Mũhũre tina wajãea tjijaro —nimare tiro Jesure.

²³ To ã nichũ tũhoro Jesu majarerũca, tirore õ sehe nire:

—Satana yoaro sehe durucui nina m̄h̄h̄. ã nii tjiga. M̄h̄ t̄h̄otua masa ya jira. Cohamac̄h̄ ya jierara. ã jic̄h̄ ȳh̄ yoah̄tore d̄h̄cata duara m̄h̄h̄ — nire Jesu Pedrore.

²⁴ To ã niri baharo s̄ãre yahure:

—Cũiro ȳh̄ yairo ji duaro, to cahmano yoa duamarine duhunocanōh̄ca. Crusap̄h̄ ȳh̄ ñano ȳh̄d̄h̄tiro seheta ȳh̄ yairo to jiri buhiri ñano ȳh̄d̄h̄parota ȳh̄h̄re duhusi. ã jiro ȳh̄ yare yoarucuriro jiroh̄ca. ²⁵ Mas̄h̄no ȳh̄h̄re wac̄ũno marieno to m̄h̄ s̄h̄ro to cahmano seheta yoariro pichacap̄h̄ waharoh̄ca. Tuhs̄h̄, mas̄h̄no ȳh̄ yare ã yoarucuriro jipihtia dachoripe ȳh̄h̄ mehne m̄h̄anop̄h̄ jirucuroh̄ca tiro. ²⁶ ¿Cũiro mas̄h̄no ahri yahpa macaare jipihtiare c̄h̄ariro Cohamac̄h̄re cahmaeraro pichacap̄h̄ waharo, yabare wapatajari tiro? ã jiriro ne wapataerara. Pichacap̄h̄ to wahach̄h̄ ne dohse wapa wiohto basioerara. ²⁷ Ȳh̄h̄ mas̄h̄no Cohamac̄h̄ warocariro ȳh̄ yaina anjoa mehne ahri yahp̄ap̄h̄ tjua tac̄h̄ ȳh̄ P̄h̄c̄h̄ to si sitea mehne tjua tac̄h̄ jipihtina masare ti ñaa yoari buhiri buhiri dahreihtja. Noaa sehere ti yoach̄h̄ noano yoaihtja tinare. ²⁸ Potocã m̄h̄sare yahuihtja. Cãina m̄h̄sa õp̄ure j̄ina m̄h̄sa variahto pano ȳh̄h̄re ȳh̄ tach̄h̄ ȳh̄ p̄h̄to s̄ãach̄h̄ c̄h̄h̄re ñ̄h̄nah̄ca —ni yahure Jesu.

17

Jesu to p̄jac̄h̄re cohtotaha
(Mr 9.2-13; Lc 9.28-36)

¹ ã yoa seis dachori baharo Jesu Pedrore, Santiagore to bah̄ro João c̄h̄h̄re m̄h̄adu t̄ãc̄ap̄h̄ tina dihtare p̄ji m̄h̄jare. ² M̄h̄anop̄h̄ ti s̄h̄ri baharo ti

ñurocaroi to pjacare cohtotaha. To wuhdua sũ dacho macariro yoaro sehe si siteha. Tuhsu, to suhtiro buhriaro yoaro seheta yehsea tiha. ³ To ã cohtotachu Jesu Moise cjiro, Elia cjiro mehne ti sahuduchu ñuha tina tiaro Jesu buheina. ⁴ ã jiro Pedro Jesure õ sehe nimaha:

—Puhtoro, mari õi jichu noa duara. Mu cahmachu tia wuhcã yoaihtja. Mu ya wuhcã, Moise ya wuhcã, Elia ya wuhcã yoaihtja —nimaha tiro.

⁵ To ã nino watoi me curua noano si sitea me ti bui duji pja wihiha. To ã duji pja wihichuta, me curua watoi õ sehe nino coa taha:

—Ahriro yu macu yu cahñiro jira. Tiro mehne wahcheja. Tirore tuhoga —nino coa taha.

⁶ ã nino coa tachu tuhoa to buheina cuaa waha, yahpai doca caha suha. ⁷ Ti ã wahari baharo Jesu tina cahapu su, tinare bua carerota, õ sehe niha:

—Wahcãrucaga musa. Mipare musa ñurire, musa tuhori cãhure cuiena tjiga —niha tiro tinare.

⁸ To ã nichu tina ñuroca, Jesu dihtare ñuha. Ti ñurina cjiri sehe marieraha juna.

⁹ ã jia tãcupu ti duji tachu Jesu tinare tuaro mehne õ sehe niha:

—Michapucacã yu ã waharire painare yahuena tjiga. Yuhu masano Cohamacu warocariro yu yaria masa wijaari baharo tãre painare yahuga musa —niha Jesu.

¹⁰ To ã niri baharo Pedro cãhu tirore õ sehe ni sinituha:

—“Cristo masare yuhdohtiro to tahto pano Eliare ta muhtano cahmana”, nina marine judio masa buheina. ¿Dohse jiro baro ã nijari tina? —ni sinituha tina tirore.

11 Jesu ò sehe ni yũhtiha:

—Potocã tjira. Eliare ta mahta dutire Cohamacu, jipihtiare cahno mahtahtirore. 12 Ò sehe nicu musare nii nija. Elia wihi tuhsure. To ã wihipachuta tina tirore ne ñu masierare. ã jia ti dohse yoa duaro ñano yoari jire tirore. Ata yoahca yũu cãhure. Yũu masuno Cohamacu warocariro jija. Ti ã yoachu ñano yũhdũihca yũu —niha Jesu.

13 To ã ni yahuchu tina noano tahoha. “Elia” nino, João bautisarirore nino niha. Tíre masiha tina.

*Jesu ñama yaria munare dohatirirore yũhdoha
(Mr 9.14-29; Lc 9.37-43)*

14 ã yoa payu masa cahapu ti duji tachu ñuno cãiro muno Jesu cahapu su, na tuhcuca caha sure.

15 —Puhtoro, yu macucãre pja ñuga. Tiro ñama yaria munare dohatiriro jira. ã jiro tiro ñabiaro yũhdura. Payu tahari pichacapu bora su caha mujana tiro. Cãa tahari diapu bora ñoja mujana.

16 ã jicu mu buheina cahapu tirore na samahi. Tina tirore noariro wahachu yoa masierare —nire tiro Jesure.

17 Jesu ò sehe ni yũhtire:

—Mipu macaina, musa ñaa buhiri tiina jira. Yũhure ne wacũ tuaerara. Yoabiari pja musare buhemaja yũu. ¿Noho puro yoari pja yũhure musa caribobocari? Tirore na tahga yũhure —nire Jesu.

18 ã jiro watĩnore to tuhtichuta watĩno sehe masunocãre sãariro cjiro wahaa wahare. To ã wahari baharocãta noariro wahare tiro.

19 Baharo sã to buheina sã sahsero jina Jesure õ sehe ni sinitui:

—¿Dohse yoana sã sehe ahriro sehere watĩnore cohã masierari, m̄ t̄hotuch̄? —ni sinitui sã.

20 Jesu õ sehe ni ȳhtire:

—Ȳh̄ure mahanocã wacũ tuara m̄sa. Potocã m̄sare yahuita nija. Mostaza yapacã mahari yapacã jiparota durop̄ p̄jid̄ wahara. To ã wahariro seheta Cohamac̄ure wacũ tuana õ sehe wahach̄ yoa masinahca m̄sa. Ahd̄ t̄c̄ure “Sohõp̄ wahaga”, m̄sa nich̄, waharohca. Cohamac̄ure tó seheta wacũ tuana, jipihtiare yoa masina m̄sa. 21 [Wiho mejeta ahriro baro watĩnore m̄sa cohã duana Cohamac̄ure tuaro sinino cahmana m̄sare. ã yoa duana ch̄ duhuro cahmana m̄sare Cohamac̄ure sinina tana] —nire Jesu sãre.

Pari turi Jesu to yariahtore, to masahtore yahuha

(Mr 9.30-32; Lc 9.43-45)

22 ã yoa Galilea yahpap̄ sã tinich̄, Jesu sãre õ sehe ni yahure:

—Ȳh̄ mas̄no Cohamac̄ warocariro jija. Masa ȳh̄ure ñaha, painap̄ure ȳh̄ure waahca. 23 ã ti wari baharo ȳh̄ure wajãahca tina. ã ti wajãric̄ tia dacho wahaboroi masa wijaaihca —ni yahure tiro sãre.

To ã ni yahuch̄ t̄hona tuaro cahyai sã.

Cohamac̄ w̄h̄ macaa wapa cjihtire sinituha paina

24 ã jina Capernaup̄ sã s̄ch̄, Cohamac̄ w̄h̄ macaa cjihtire wapa na cohtaina Pedro cahap̄ s̄, tirore õ sehe ni sinitu ñ̄re:

—¿M̄sare buheriro Cohamac̄ w̄h̄ macaa wapa cjihtire wapajari tiro? —ni siniture tina.

²⁵ —Wapara tiro —ni ȳhtire Pedro.

To ã niri baharo w̄h̄p̄ to s̄ach̄ Jesu õ sehe ni sinitu m̄htare Pedre:

—¿Simo, dohse ni t̄hotujari m̄h̄? ¿Ahri yahpa macaina p̄h̄toa yabaina sehere wapa cahmajari, m̄ t̄hotuch̄? ¿Tina mehne macainare wapa cahmajari? ¿O pa yahpa macaina sehere wapa cahmajari, m̄ t̄hotuch̄? —ni siniture tiro Pedre.

²⁶ —Pa yahpa macaina sehere wapa cahmana —ni ȳhtire Pedro.

To ã nich̄ Jesu õ sehe ni yahure:

—Ã jiro p̄h̄toro to ya yahpa macainare wapa cahmaerara. ²⁷ ã jipach̄ta wapa na cohtainare suach̄ yoa duaeraja mari. ã jina wapanahca tinare. Вѣс̄парирор̄ wahaga. Тóр̄ с̄, yohgari canore doca ñoga. ã yoac̄ wahi m̄h̄re ch̄rirore t̄ãga. To d̄serop̄ niñeru t̄re bocaihca m̄h̄. Тí t̄ quihõno wapa tiri t̄ jirohca. Ȳh̄re, m̄h̄ c̄h̄re Cohamac̄ w̄h̄ macaina ti wapa cahmach̄ noano quihõno m̄ s̄rohca tí t̄. Тí t̄re bocac̄ mari wapamonore wapai wahaga —nire Jesu Pedre.

18

Jesu buheina tina mehne macarirore p̄h̄toro s̄o duaa nimaha

(Mr 9.33-37; Lc 9.46-48)

¹ Тí pjare s̄a to buheina Jesu cahap̄ с̄, õ sehe ni sinitui tirore:

—¿Mũano macariro pũhtoro to sũho jiropure sã mehne macariro diro baro sehe wahabocari pũhtoro? —ni sinitui sã.

² Sã ã nichũ Jesu nijinocãre pjiroca, tirocãre sã panoi duhu dapore. Duhu dapu tuhsũ, sãre õ sehe nire:

³ —Potocã mũsare yahu bahrañoihtja. Ahrina macanacã Cohamacure ti pũhtoro waro tũhotura. ã jina mũsa cũhũ pano mũsa tũhotumari cjirire cohtotaerana, tinacã yoaro sehe tũhotuerana mũano macariro pũhtoro to sũho jiropure wahasi mũsa.

⁴ ã jiro mũano macariro pũhtoro to sũho jiropure niji siaroca yoariro painare yũhdũrũca duaerariro ahriro nijinocã yoaro sehe tũhoturirota paina bui pũhtoro wahara. ⁵ ã jina yũ yare yoana tana õ sehe jiinacãre cahmana, yũhũ cũhũre cahmana mũsa — ni yahure Jesu.

Ñaare yoachũ cua nina

(Mr 9.42-48; Lc 17.1-2)

⁶ ã ni yahu tuhsũ, tinare õ sehe ni yahu namore:

—Ahrirocã sehe jiriro yũhũre wacũ tuarirocãre yahuihtja mũsare. Pairo ahrirocã sehe jirirore ñaare yoa dutiro tiro ñabiaro yũhdũrohca. Cũirore to wamũare pjiria tãcare dũhte yo, pjiri mapũ tirore ti cohãchũ ñano wahaboa tiro. ã jiro ahrirocã sehe jirirore ñaare yoa dutiriro tiro sehe pjiri mapũ ti cohãriro yũhgoro ñano yũhdũrohca.

⁷ Masare ñaare yoachũ yoaa jira. Tĩre yoaa ahri yahpa macaina ñano yũhdũra. Ñaare yoarucura masa. Ti ã yoachũ tinare ñaare yoachũ yoaina sehe ñabiaro yũhdũahca.

8 'M_u wamomaca mehne ñano yoac_u tí wamomacare m_u dute cohãboro seheta tí m_u ñaa yoaa sehere duhuga. Tíre duhuerac_u pichacap_u wahaihca. Tópr_ure ne pichaca yatierara. M_u wamomacare m_u cohãch_u tí si dihta butiboa. Tuhs_u, m_uh_u sehe ã si jipaihta baharo Cohamac_u mehne jiihca. P_ua wamomaca mehne pichacap_u wahac_u m_u ã wahach_u ñaa y_uhd_uaboa m_uh_ure. ã jic_u tí m_u ñaa yoaa sehere duhuga.

'M_u dahporo mehne ñano yoac_u tí dahporo cãh_ure m_u dute cohãboro seheta tí m_u ñaa yoaa sehere duhuga. Tíre duhuerac_u pichacap_u wahaihca. Tópr_ure ne pichaca yatierara. M_u dahporore m_u cohãch_u tí si dihta butiboa. Tuhs_u, ã si jipaihta baharo Cohamac_u mehne jiihca. P_ua dahporo mehne pichacap_u wahac_u m_u ã wahach_u ñaa y_uhd_uaboa m_uh_ure. ã jic_u tí m_u ñaa yoaa sehere duhuga.

9 'M_u capariaca mehne ñano yoac_u tiare orewe m_u cohãboro seheta tí m_u ñaa yoaa sehere duhuga. Tíre duhuerac_u pichacap_u wahaihca. Tópr_ure ne pichaca yatierara. Tiare m_u cohãch_u tia dihta butiboa. Cã b_uh_usehe capariaca mariapaihta baharo Cohamac_u mehne jiihca. P_ua capariaca mehne pichacap_u wahac_u m_u ã wahach_u ñaa y_uhd_uaboa m_uh_ure. ã jic_u tí m_u ñaa yoaa sehere duhuga —ni yahure Jesu.

Oveja butiriro quitire yahuha Jesu
(Lc 15.3-7)

10 ã ni tuhs_u, tinare õ sehe ni yahu namore:
—Ne, ahrinacãre macanacãre ñ_u yabiena tjiga. M_usare niita nija y_uh_u. Tinacãre ñ_u wihboina

anjoa m̄anop̄u jiina sehe ȳu P̄uc̄u cahap̄u ã jirucura. ¹¹ [Ȳuh̄u mas̄no Cohamac̄u warocariro ahri yahp̄ap̄u pichac̄ap̄u wahaborinare ȳuh̄d̄uch̄u yoai tai nii ȳuh̄u] —ni yahure Jesu.

¹² ã ni tuhs̄u to t̄ahotua mehne õ sehe ni quti dahre buhere s̄ãre:

—Ovejare ñ̄u wihboriro cien ovejare cj̄uariro c̄ãiro oveja butia wahach̄u õ sehe yoarohca tinare ñ̄u wihboriro sehe. Paina ovejare noventa y nueve ovejare ti ch̄ari campop̄u duhu dapo, butirirore macano waharohca. ¹³ Potocã niita nija m̄sare. Tirore bocaro wahcherohca tiro. Paina noventa y nueve d̄ahsaina mehne wahchera tiro. Tinare to wahcheriro ȳuh̄doro butiriro sehere bocaro tuaro wahcherohca. ¹⁴ Tó seheta ñ̄u wihboriro oveja to butich̄u cahmaeraro seheta m̄usa P̄uc̄u m̄ano macariro ahrina wiho jiina c̄ãh̄ure pichac̄ap̄u ti wahach̄u cahmaerara —ni yahure Jesu.

M̄u coyeyiro m̄h̄ure ñ̄ano to yoach̄u õ sehe yoa dutiha Jesu

(Lc 17.3)

¹⁵ ã ni tuhs̄u õ sehe ni yahu namore:

—M̄u coyeyiro m̄h̄ure ñ̄ano to yoach̄u tiro mehne s̄h̄udui wahaga. M̄usa sahsero tíre s̄h̄uduga. M̄u ã yoach̄u tiro m̄h̄ure t̄ahoboca. To t̄ahoch̄u “M̄h̄ure ne pari turi õ sehe yoasi ȳuh̄u”, to nich̄u m̄u coyeyirore pari turi piti tii nica m̄h̄u. ¹⁶ M̄h̄ure to t̄aho duaerach̄u pinihta c̄ãiro mehne waha duac̄u o p̄h̄aro mehne waha duac̄u tinare piti ti wahcã, pari turi tirore s̄h̄uduna wahaga. M̄usa ã yoach̄u m̄sare p̄h̄aro o tiarore to t̄ahoeraputiach̄u ñ̄una paina Jesu yainare tirore yahusãga, Cohamac̄u yare ti joari p̄u to niriro seheta. ¹⁷ ã jina

musa mehne macaina cãhure to tãho duaerachũ jipihtina Jesu yaina cahmachuinare yahusãna wahaga. ã jina Jesu yaina cahmachuinare to tãho duaerasinichũ ñna Cohamacũre cahmaerarirore musa yoaboriro sehe yoaga tirore. Wapa na cohtarirore musa yoaboriro sehe yoaga tirore.

18 'Potocã musare niita nija. Ahri yahpai musa Jesu yaina ñaare musa yoa dutierachũ mũanopũ cãhure yoa dutisi. Ahri yahpai musa noaare yoa dutichũ mũanopũ cãhure yoa dutia jiahca.

19 'Pari turi musare yahuihtja ahrire: Mũsa pũaro Cohamacũre sinichũ, musa pũaro musa sinirire cãno potori musa tãhotuchũ yũ Pũcũ mũano macariro tíre yoarohca. 20 Pũaro o tiaro yũ yaina yũ yare yoahntina cjihti ti cahmachuchũ yũhũ tina mehne jija —ni yahure Jesu.

Cahamacũno paio to wapamonore to bo duaeri quitire yahuha Jesu

21 Baharo Pedro Jesu cahapũ sũ, õ sehe ni siniture:

—¿Pũhtoro, yũ coyeyiro mũ yairo payũ tahari yũhũre ñano to yoachũ ñũcũ nohope tahari tíre boihcari yũhũ? ¿Siete tahari boihcari yũhũ? —ni siniture Pedro.

22 Jesu õ sehe ni yũhtire:

—Siete tahari dihta mũhũre paio to ñano yoarire mũ bochũ tó wahaerara. Payũ tahari mũhũre ñano to yoachũ cãhure boga.

23 'Mũano macariro masa bui pũhtoro to sũho jiro ahri quiti yoaro sehe jira. Jipihtina masa bui pũhtoro jiriro tirore dahra cohtainare tirore wapamoinare wapa pahño duti dutimaha. 24 Ti wapamori cjirire to quihõ dũcachũ, tirore dahra

cohtaina sehe pjíro wapamorirore tiro cahapũ na taha. Wapamoriro pjibiario wapamoha to pũhtorore. ²⁵ ã jiro tiro to wapa masierachũ ñũno to pũhtoro tirore, to namonore, to pohñare cahamaca sũ, tinare painare dua dutimaha. ã yoa jipihitia to cjũaa cũhũre dua duamaha, to wapamonore wapa dutiro. ²⁶ To ã dua dutichũ pjíro wapamoriro sehe na tuhcuca caha sũ, to pũhtorore tuaro siniha: “Pũhtoro, yũhũre pja ñũcũ cohtasiniga. Mũhũre wapa pahñoihca”, niha tiro to pũhtorore. ²⁷ To ã nichũ tũhoro, tirore pja ñũno to wapamorirore ãta bonocaha.

²⁸ To ã yoari baharo pjíro wapamoriro cjiro sehe waha, paio dahra cohtarirore tirore mahanocã wapamorirore boca sũha. ã boca sũro wamũa ñahaha tirore. “Yũhũre mũ wapamonore wapa bahrañoga”, niha tiro tó mehne macarirore to yoaro sehe dahra cohtarirore. ²⁹ To ã nichũ paio dahra cohtariro sehe na tuhcuca caha sũ, tirore tuaro sinimaha. “Yũhũre pja ñũcũ mahanocã cohtasiniga. Mũhũre wapa pahñoihca”, nimaha paio dahra cohtariro tirore. ³⁰ To ã ni sinipachũta tó mehne macariro tirore yũhtieraha. Tuhsũ, tiro paio dahra cohtarirore peresu yoa dutiha. Pũ to wapa pahñochũpũ wiorohca tirore. ³¹ Pjíro wapamoriro cjiro mahanocã wapamorirore to ñano yoachũ ñũ, susini, paina dahra cohtaina sehe ti pũhtorore yahusãa wahaha. ³² Ti ã ni yahusãchũ tũhoro ti pũhtoro ti yahusãrirore pjiroca, õ sehe niha: “Mũhũ ñabiariro jira. Mũ yũhũre tuaro sinichũ mũ wapamorirore bo pahñomahi yũhũ. ³³ Mũhũre yũ ã yoapachũta mũhũ sehe mũhũre

wapamorirore boerayuhti. M_u wapamoriro sehere y_u boriro seheta tiro m_uh_ure to wapamoriro c_uh_ure m_u boch_u noabiaboa. ¿Dohseac_u tirore pja ñ_uerari m_uh_u ã yoac_u?” niha to p_uhtoro tirore. ³⁴ Ñ nino tuaro sua, peresu yoaha tirore dahra cohtarirore. P_u to wapa pah_uoch_up_u wiorohca — ni yahure Jesu.

³⁵ Ñ ni tuhs_u, ò sehe ni ahri quitire yahu batoare: —Tó seheta yoarohca y_u P_uc_u m_uano macariro m_usare. M_usa jipih_utina m_usa coyea m_usare ti ñano yoarire noano m_usa bo pah_uoerach_u tiro m_usare buhiri dahrerohca —nire Jesu.

19

Ti namosãnumiare cohãare yahuha Jesu (Mr 10.1-12; Lc 16.18)

¹ Tíre to ã ni yahuri baharo tiro Galileai jiriro Judea yahp_up_u sãre s_uho wahare. Jordão pa buh_usehe coap_u s_ui sã. ² Tó_u sã wahach_u pay_u masa sãre n_un_u ti wahcãre. Tina mehne macainare dohatiinare noaina wahach_u yoare tiro.

³ Ñ yoa cãina fariseo curua macaina Jesure yahusã duaa, ñano to durucuch_u t_uho duaa, tirore ò sehe ni sinitu ñ_ure:

—¿Mari cahmano seheta mari namore cohãch_u noabocari? ¿Mari dutia sehe tó seheta yoa dutijari, m_u t_uhotuch_u? —ni sinitu ñ_ure tina.

⁴ Jesu ò sehe ni y_uhtire:

—¿Cohamac_u yare ti joari p_ui ne ahrire buherasiniri m_usa? Ò sehe ni joaa tiha: “Wahmanop_ure ahri yahpare bajuamehneriro m_uno, numino c_uh_ure yoaha”, ni joaha. ⁵ Tuhs_u

õ sehe ni joa namoha: “Mũno to pũcũsumare cohã wija, to namono mehne jirohca. ã jia tina pũaro jipahta cũ pjacũ yoaro seheta jira”, ni joa namoa tiha. ⁶ ã jia tina pũaro yoaro sehe jierara. Cũ pjacũ yoaro sehe jia nina. Cohamacũ to wamomaca dũhte dutiina jira. ã jia tinare duhueraro cahmana —nire Jesu tinare.

⁷ To ã nichũ fariseo curua macaina õ sehe ni siniture tjoa:

—Mũ ã ni yahupachũta õ sehe ni joaa tiha Moise cjiro sehe: “Mũ namore cohã duacũ papera pũi tíre joaga. ã joacũ tí pũre mũ namore mũ wari baharo ticorore cohã masina mũhũ”, ni joaa tiha Moise cjiro. ¿Mũ nino sehe jipachũta Moise cjiro sehe dohsearo õ sehe ni joari? —ni sinitu namore tina tire.

⁸ Jesu õ sehe ni yũhtire tinare:

—Cohamacũre mũsa ñũchũsuma ti tũho du-aerachũ ñũno ti namosãnumiare ti cohãchũ, “Áta yoawahnojaro”, ninocaa tiha Moise. To ã nipachũta wahmanopũre ahri yahpare ã jierare. ⁹ Mũsare niita nija. Masũno to namono to ñano yoerapachũta ticorore cohãno, pacorore namo tiro, tiro pacoro mehne ñano yoaro nina. [Tũhũ, ahriro to cohãricorore namo tiriro cũhũ ticoro mehne ñano yoariro jira] —nire Jesu.

¹⁰ To ã nichũ tũhona, sã to buheina sehe tire õ sehe nii:

—Tó sehe mũno to namono mehne ti cahma cohãerachũ mari sehere mari namo tierachũ noaboca —nii sã.

¹¹ Jesu õ sehe ni yũhtire:

—Musa nino seheta jira. ã jiro cãinare namo ti dutierara Cohamacu. ¹² Mhare namo ti dutieraa cãa jira. Cãina musa numiare cahmaeraina masa bajuara. Paina musa masa ti wapãri tãhoca ti warina sehe namo ti masierara. Paina musa musano macariro ti puhtoro yare yoadoho duaa, namo tierara. ã jia ahrina namo ti duaeraina ãta tuhotunocaina, tó seheta ti ji sohtori tichu noana —nire Jesu sãre.

Macanacã ya cjihtire Cohamacure sini payoha Jesu

(Mr 10.13-16; Lc 18.15-17)

¹³ ã yoa masa macanacãre Jesu cahapu na wihire. ã na wihia, tina Jesure to wamomacare tinacã bui ña payo duti duamare. ã yoa tinacãre Cohamacure sini payo duti duamare Jesure. Ti ã yoachu ñuna sã to buheina tinare tuhtimahi. ¹⁴ Sã ã tuhtichu ñuno, sãre Jesu õ sehe nire:

—Macanacã yu cahapu tajaro. “To cahai wahaena tjiga”, niena tjiga tinacãre. Tinacã Cohamacure ti puhtoro tuhotura. puhtoro Cohamacu to suho jiina ahrinacã yoaro sehe tuhotuina baro dihta jira —nire Jesu sãre.

¹⁵ ã ninota to wamomacare tinacã bui ña payo tuhsu, wahaah wahare.

Pache puero Jesure sinitu ñuha

(Mr 10.17-31; Lc 18.18-30)

¹⁶ To ã yoari baharo cuero masuno Jesu cahapu wihi, siniture tirore:

—¿Ne, buheriro, jipihtia dachoripe Cohamacu mehne ã jirucu duacu, noaare yoa duacu di baro sehere yoabocari yuhu? —nire tiro.

17 —¿Dohse jiro baro yũhũre noaa barore ni sini-tujari mũhũ? Cohamacũ dihta noariro jira. Jipih-tia dachoripe Cohamacũ mehne ã jirucu duacũ to dutiare yoaga —nire Jesu.

18 —¿Di baro dutia sehere nii nijari? —ni sinitu namore tiro.

Jesu õ sehe ni yũhtire:

—Masare wajãecũ tjiga. Namu tiriropũ paye numia manũ tia numia mehne jiecũ tjiga. Yacaecũ tjiga. Mahñoa mehne painare yahusãecũ tjiga. 19 Mũ pũcũsumare ño payoga. Mũ basi mũ cahĩno seheta mũ cahai jiriro cũhũre cahĩga. Ahri dutiare yoaihca mũhũ —nire Jesu.

20 —Ahri dutiare ne yũhdũrũcaera tihi yũhũ. ¿Dohse yoa namoihcari yũhũ jipih-tia dachoripe Cohamacũ mehne jirucu duacũ? —nire tiro Jesure.

21 To ã nichũ tũhoro Jesu õ sehe ni yahu namore:

—Mũhũ ñaa buhiri marieriro ji duacũ mũ ya jipihtiare duai wahaga. ã duacũ jipih-tia mũ wapatari niñerure pjacũoinare waga. Mũ ã yoachũ payũ mũ wapataa mũanopũ, Cohamacũ cahapũ jiyuahca. Mũ ã yoari baharo yũhũ mehne macariro cjihto taga —ni yahure Jesu.

22 To ã nichũ tũhoro tuaro cahyare. Tiro payũ pache cjariro jiro, tíre pjacũoinare wa duaeraro, cahya, wahaa wahare.

23 To ã wahari baharo Jesu sãre to buheinare õ sehe ni yahu namore:

—Potocã mũsare niita nija. Pache pũro pũhtoro Cohamacũ to sũho jiropũre to waha duachũ mijobiara. 24 Mũsare yahu namoihtja: Camello sehe awicã copapũ to sãa nuhri wijaa duachũ basioerara tirore. To ã jiro yũh-doro pache pũro pũhtoro

Cohamacu to suho jhtopu to waha duachu mijo-
biara —nire tiro.

²⁵ To ã nichu tuhona sã cuaa waha, sã basi õ sehe
nii:

—Cue, to nino seheta jichu, ne cūiro masuno Co-
hamacu cahapu waha masieraboca —nii sã basi.

²⁶ Sã ã nichu Jesu sãre ñuroca õ, õ sehe ni yahure:

—Masa ti basi ti mu suro yuhdu masierara. Wiho
mejeta Cohamacu sehe masare pichacapu waha-
borinare yuhdo masina. Tiro jipihtiare noano yoa
masi pahñoriro jira —nire tiro sãre.

²⁷ To ã nichu Pedro tirore õ sehe nire:

—Tuhosiniga. Sã sehe sã ya jipihtiare cūnocaa
tii muhu mehne wahana tana. ¿Sã õ sehe yoana,
dohse jiare wapatanahcari sã? —nire tiro.

²⁸ To ã nichu tuhorõ õ sehe nire Jesu:

—Musare niita nija: Pihtiri dacho jichu jipih-
tia wahma dihta cohtotaahca. Tí pjarure yuhu
masuno Cohamacu warocariro yuhu puhtoro yu
dujiroi si siteroi dujiihca yuhu. Tói yu dujichu
musa cūhu doce dujia pahtarihi puhtoa ti du-
jia pahtarihi dujinahca. ã jina Israe masare
doce curuari macainare besenahca musa noaina,
ñainare. ²⁹ ã yoa yu yare yoana tana musa
wuhusere, musa bahanare, musa pucsumare,
musa pohinare, musa weserire cūnocarina jina,
pjíro wapatanahca. Tuhsu, jipihtia dachoripe
Cohamacu mehne jirucunahca. ³⁰ Wiho mejeta
mipure payu puhtoa jirina cjiri tí pjarure wiho
jiina tjuanocaahca. Tuhsu, mipure payu wiho jiina
jirina cjiri tí pjarure puhtoa cohtotaahca tjoa —ni
yahure Jesu sãre to buheinare.

20

Se wesere dahraina quitire yahuha Jesu

¹ ã yoa Jesu pari turi to tũhotua mehne piti dahre õ sehe ni yahu namore tjoa:

—Mũano macariro masa bui pũhtoro jira. Wese pũro quiti mehne pũhtoro Cohamacũ to sũho jirore yahuihtja mũsare. Tiro wese pũro bohrea parĩcaroi to wesere dahrahtinare pjĩro wahaha.

² “Cũ tũ niñeru tũ wapaihtja cũ dachore”, niha tinare. “Jai”, niha dahrahtina. Ti ã nichũ wesepũ dahra dutiro warocaha tiro tinare. ³ ã yoa dachopũ nueve hora jichũ pache duaropũ wahaha tiro. Tópũ sũro, paina dahraerainare ñũha. ⁴ ã ñũno tinare õ sehe niha: “Mũsa cũhũ yũ wesere dahrana wahaga. Noano wapaihtja”, niha tiro tinare. ⁵ To ã nichũ tũhoa, tina cũhũ wesepũ dahraa wahaha. ã yoa wese pũro cohari pja jichũ, ñamichapũ tres hora jichũ cũhũre painare dahra dutiha. ⁶ ã yoa ñamichapũ cinco hora jichũ pache duaropũ tiro wahaha tjoa. Tópũ sũ, paina dahraerainare ñũno, tinare õ sehe niha: “¿Ne yaba barore yoaerapanahta cũ dacho ñũrucu nahñoajari mũsa?” ni sinitu ñũha tinare. ⁷ “Ne, sãre dahraa mariaha”, ni yũhtiha tina. “Mũsa cũhũ yũ wesere dahrana wahaga”, niha tinare. ã jia to niriro seheta to wesere dahraa wahaha. ⁸ ã yoa ñamichapũ dahra duhuri pja jichũ wese pũro to yaina dahrainare cohtarirore õ sehe niha: “Dahrainare pjiga. Ti wihichũ tinare wapaga. Ti baharopũ yũ dahra dutirinare wapa mũhtaga. Tinare wapa tuhsũ, paina cũhũre wapa tuhsũ, yũ

dahra duti m̄htainare wapa batoaga juna”, niha tiro. ⁹ Ñ yoa cinco hora jichu dahra ducainare cū tu niñeru tu wapaha. ¹⁰ To ã wapachu ñha, “Sãre bui curero waparohca”, ni t̄hotumaha to duti m̄htaina cjiri sehe. Tina cūhare cūno potori wapanocaha. ¹¹ Ñ jia niñerure to wapachu ti p̄htoro mehne susinia ti basi õ sehe cahma niha: ¹² “Ahrina sã baharopu to dahra dutirina sehe cū horata dahrahe. Sã sehe cū dacho noano dahra nahñoamahi. Ñano sū sihre sãre. Sã ã yoari pja dahrapachuta sã baharopu dahra ducaina cūhare cūno poterita wapanocahre tiro”, ni suaha tina ti basi. ¹³ Cūiro tina mehne macariro to ã nichu t̄horo, wese p̄ro ȳhtiha tirore: “Ne coyeiro, ‘Cū tu niñeru t̄re wapaihtja’, nimahicu m̄sare. Yu ã nichu ȳhtihre m̄sa. Ñ jicu yu niriro seheta m̄sare wapaihtja ȳhu. Quihõno wapaihtja m̄sare. Ne yacaerahi m̄sare. ¹⁴ Ñ jicu yu waparire na, m̄ w̄hupu tjuahga. Ahriroro baharo yu dahra dutiriro cūhare m̄sare yu wapariro purota wapaihtja. ¹⁵ Yu ya niñeru jira ahri. Ñ jicu yu cahmano seheta ahri mehne wapaihtja. ¿Painare yu noano wapachu ñu tuhtijari m̄hu?” niha tiro wese p̄ro —ni yahure tí quitire Jesu.

¹⁶ Ñ nino, õ sehe ni yahu namore tiro:

—Ahri quiti ti nino seheta baharo macari curua wiho jiina yoaro sehe ya curua ji m̄htari curua p̄htoa ya curua jirohca m̄hanopu. Ñ yoa ji m̄htari curua p̄htoa ya curua cjiro sehe ti baharopu macari curua wiho jiina ya curua tjuarohca m̄hanopu —ni yahure Jesu.

Pari turi Jesu to yariahtore, to masa wijahtore

*yahuha**(Mr 10.32-34; Lc 18.31-34)*

¹⁷ Æ yoa Jerusalēpɥ wahana cūnoihta waharucuma, sãre doce to buheinare pjiroca tuhsɥ, pa sehɥpɥ sã dihtare naahre Jesu. Sã sahsero sã jichɥ sãre õ sehe ni yahure:

¹⁸ —Tɥhoga yɥhɥre. Mipɥre Jerusalēpɥ wahana nija mari. Tópɥ yɥhɥre masɥnore Cohamacɥ warocarirore ñaha, painapɥre yɥhɥre waahca. Sacerdotea pɥhtoare, mari coyea judio masare buheina cɥhɥre yɥhɥre waahca. Æ jia yɥhɥre wajã dutiahca tina. ¹⁹ Æ wajã dutia, judio masa jieraina sehere yɥhɥre waahca. Ti ã wari baharo tina sehe yɥhɥre bɥjɥre, tjana, crusapɥ cã puhaahca yɥhɥre. Æ jii yɥ yariari baharo tia nɥmɥ wahaboroi masa wijaaihca —ni yahure Jesu sãre.

Santiago, João mehne ti pocoro tinare sinibasaha Jesure

(Mr 10.35-45)

²⁰ Æ yoa Zebedeo namono pɥaro to pohna mehne Jesu cahapɥ sɥ, na tuhcuca caha sɥha tirore sinino taro:

²¹ —¿Dohse yɥ yoachɥ cahmajari mɥhɥ? —niha Jesu ticorore.

—Mɥhɥ pɥhtoro sãacɥ yɥ pohnare dutiina sōga. Æ yoacɥ mɥ pɥ bɥhɥseheri batoi dapoga tinare —ni siniha ticoro.

²² Jesu õ sehe ni yɥhtiha:

—Mɥsa ñano yɥhdɥhtore masierapanahta ã sinina mɥsa. ¿Mipɥre yɥ ñano yɥhdɥhto seheta mɥsa cɥhɥ ñano yɥhdɥna cãno pɥabocari mɥsa? —niha Jesu ticoro pohnare.

—Cũno pjanahca —ni yũhtiha Santiago, João mehne.

²³ —Potocã tjira. Yũ ñano yũhdũhto seheta ñano yũhdũnahca mũsa cũhũ. Wiho mejeta yũhũ mehne dutihtinare, yũhũ mehne dujihtinare bese masieraja yũhũ. Yũ Pũcũ sehe cahno tuhsũre tíre. ã jia to besehtina dihta yũ poto bũhũsehei yũ cõ bũhũsehei dujiahca —niha Jesu tinare.

²⁴ ã jina sã paina diez to buheina sehe Santiago, João ahrina pũaro mehne susinii sã. Jesure ti pocoro to sinibasarire tũhona susinii tina mehne.

²⁵ Sã ã susinichũ ñũno, Jesu sãre jipihtina to buheinare pji cahmachu, õ sehe ni yahure sãre:

—Cohamacũre masieraina pũtoa sehe ti masare dutia, purĩno mehne dutira. ²⁶ Mũsa sehe ne ã yoasi mũsa basi. Mũsa mehne macariro pũhtoro jĩ duaro, jipihtina tiro mehne macaina cahamacũno jiro cahmana tirore. ²⁷ ã yoa jipihtinare dutiro jĩ duariro paina cahamacũno jiro cahmana tirore. ²⁸ Tó seheta jiriro jija yũhũ cũhũ. Yũhũ masũno Cohamacũ warocariro ahri yahrapũre masare yoadohocũ tacũ tai. Tuhsũ, payũ masa ya buhirire yariai tai nii. ã yoa masare pichacarpũ wahaborinare yũhdũchũ yoai tai nii —nire Jesu sãre.

*Pũaro capari bajuerainare ñũchũ yoaha Jesu
(Mr 10.46-52; Lc 18.35-43)*

²⁹ ã yoa Jericórpũ jirina sã wahachũ payũ masa Jesure nũnũ tire. ³⁰ Ti ã nũnũ tichũ Jesu to yũhdũchũ pũaro capari ñũeraina maha dũhtũ cahai dujiina tũhore. ã tũhoa, õ sehe ni sañurucure:

—Sã pũhtoro, Davi cjiro panamino masare yũhdohtiro, sãre pja ñũga —ni sañurucure.

³¹ Ti ã ni sañurucuchũ masa sehe tinare tuhtire: —Dihta mariahga —nire masa tinare.

Ti ã tuhtichũ tũhoa, ti pano sañurucuriro yũhdo curero sañurucu namore tjoa:

—Sã pũhtoro, Davi cjiro panamino, sãre pja ñũga —ni sañurucure.

³² Ti ã nichũ tũhoro Jesu sũrũca, tinare pjiroca, õ sehe ni sinitu ñũre:

—¿Dohse mũsare yũ yoachũ cahmajari mũsa? —ni sinitu ñũre.

³³ —Sã pũhtoro, sãre ñũchũ yoaga —ni yũhtire tina.

³⁴ Ti ã nichũ Jesu tinare pja ñũre. ã pja ñũno ti caparire ña payore. To ã ña payochũta tina sehe ñũa wahare. ã ñũa, tirore nũnũ ti wahcãre.

21

Jerusalẽpũ sũha Jesu

(Mr 11.1-11; Lc 19.28-40; Jn 12.12-19)

¹ ã yoa Jerusalẽpũ sã sũhto pano Betfagẽ wama tiri macapũ sũ mũhtasinii sã Jesu mehne. Betfagẽ tũcũ Olivo wama tidũ cahai jire. Tõpũ sũro, sã mehne macainare pũaro to buheinare Jesu to pano waroca mũhtare. ² Õ sehe ni yahure tinare:

—Sĩ macapũ burroare nana wahaga. Tõpũ sũna, dõihã burrore to macũnocã mehne ti dũhte daporicorore boca sũnahca. Tinare boca, yuta dare pjã, na tabasaga yũhũre. ³ Mũsa pjãchũ ñũno, cãiro dohse jiriro, “¿Dohseana tana burroare pjãjari mũsa?” to nichũ tũhona õ sehe ni yũhtiga: “Mari

p̄h̄toro burroare cahmarocasinire. Michapucacã tinare wiarohca tiro”, ni yãhtiga tirore —ni duti warocare Jesu to buheina p̄harore.

⁴ ã yoare Cohamac̄u yare yahu m̄h̄tariro cjiro to ni joariro seheta. Õ seheta ni joaa tiha panop̄u:

⁵ “Jerusalẽ macainare õ sehe ni yahuga: ‘Ñ̄nga m̄sa.

M̄sa p̄h̄toro m̄sa cahap̄u tara.

Tiro masa noariro jira.

Burro mac̄nocã bui pisariro tarohca’, ni yahuga Jerusalẽ macainare”,

ni joaa tiha panop̄u.

⁶ Jesu to dutirocaina p̄haro tí macap̄u s̄u, to dutiriro seheta yoaha tina. ⁷ Burrore, to mac̄nocã c̄h̄ure na ta, ti bui s̄aa suhtire tjuwe na, burrocã bui p̄j̄paha payore tina. Ti ã yoari baharo Jesu tirocã bui m̄ja p̄jare waharo taro. ⁸ M̄ja p̄ja tuhs̄u, tirocã bui Jerusalẽp̄u wahare. To tach̄u ñ̄ua masa paȳu ti bui macaa suhtire tjuwe na, saño c̄u m̄htare to wahahti mahai, Jesure ñ̄o payoa. Paina sehe p̄uri tia d̄p̄urire mahai duhu c̄u m̄hta wahcãre tirore ñ̄o payoa. ⁹ ã yoa to pano wahaina, to baharo n̄n̄n̄ tiina mehne õ sehe ni sañurucure:

—Davi cjiro panaminore marine yahdohtirore wahche payojihna. Ahriro Cohamac̄u to warocariro noano jijaro. M̄ano macarirore “Tuariro jira”, ni wahche payojihna —ni sañurucure masa.

¹⁰ ã jia Jerusalẽp̄u ti s̄ch̄u tó macaina sehe ñ̄u c̄uaa wahare.

—¿Cue, diro baro jijari ahriro? —ni cahma siniture tina.

¹¹ Paina masa õ sehe ni yãhtire:

—Ahriro Cohamacu yare yahu m̄htariro Nazare Galilea yahpai jiri maca macariro Jesu wama tiriŋo jira —ni yahure tina masare.

*Cohamacu w̄h̄p̄u s̄ha Jesu
(Mr 11.15-19; Lc 19.45-48; Jn 2.13-22)*

¹² Baharo Cohamacu w̄h̄p̄u suŋe Jesu. Tí w̄h̄p̄u s̄, s̄a wahare. Tí w̄h̄p̄u duainare, nuchina c̄h̄re coh̄a wiore tiro. ã yoaro niñeru cohtotaa mesarire na majareroca doca c̄u m̄jare. Bujaare duaina ti dujia pahtari c̄h̄re ãta yoare.

¹³ ã yoaro tinare õ sehe nire:

—Cohamacu yare ti joari p̄i õ sehe nina: “Ȳu w̄h̄ Cohamacu mehne durucuri w̄h̄ wama tirohca”, nimare to joari p̄i. M̄sa sehe ahri w̄h̄i duana m̄sa basi cahma yacara m̄sa —nire tiro tinare.

¹⁴ To ã yoari baharo capari ñ̄eraina, tini masieraina c̄h̄ Cohamacu w̄h̄p̄u tiro cahap̄u wihire. Ti ã wihich̄u tinare noaina wahach̄u yoare tiro. ¹⁵ ã noaare to yoach̄u ñ̄a, sacerdotea p̄h̄toa, marine judio masare buheina c̄h̄u suare tiro mehne. ã yoa macanacã Jesure “Davi cjiro panamino masare ȳh̄dohtiro, tuariro jira m̄h̄u”, ti ni ño payoch̄u t̄hoja tó c̄h̄re tina suare. ¹⁶ ã suaã õ sehe nire Jesure:

—¿Ti ã nich̄u t̄hoerajari m̄h̄u? ã niea tjijaro —ni tuhtire tina Jesure.

Ti ã tuhtich̄u t̄horo Jesu tinare õ sehe ni ȳhtire:

—Tina ti ã nich̄u t̄hoja. ¿Cohamacu yare ti joari p̄i ahrire ne buherari m̄sa?

“Macanacãre, wih̄inacãre Cohamacure noano ño payoch̄u yoare m̄h̄u”,

nina Cohamacu yare ti joari pui —nire Jesu (“Macanacã yuhare ti ño payochu noana”, nino).

¹⁷ Ñ ni tuhsu tinare cohã wahcã, Betania wama tiri macapu su, tí ñamine tói jire.

Jesu higueraçure yaria dutiha
(Mr 11.12-14, 20-26)

¹⁸ Pa dachoi bohrearopu Jerusalẽpu tjuaaro, juca baare Jesu. ¹⁹ Ñ juca baaro, maha duhtu cahai jidu higueraçu wama tidare ñano, tu dichare macano wahamare. Dicha mariahare tu sehe. Puri dihta jire. Tu ã jichu ñano Jesu tare õ sehe nire:

—Ahdu ne pari turi dicha tisi —nire tiro.

To ã nichuta dóihta tu sehe ñaia wahare. ²⁰ Tu ã wahachu ñana sã to buheina ñu cã wahai.

—Cue, ¿dohsearo ahdu dóihta ñaia wahajari? —ni sinitui sã.

²¹ Jesu õ sehe ni yuhtire:

—Potocã nii nija musare. Cohamacu noano wacũ tuaga. “Potocã ã yorohca tiro”, nina ahdure yu yoriro seheta yoa masinahca musa cãhu. Tuhsu, ahdure yu yaria dutiriro yuhdoro yoa masinahca musa. Ahdu tãcure “Duha na, pjiri mapu cohãdu jijaro”, musa nichu duha cohãdu jirohca. ²² Cohamacu musa wacũ tuachu, “Yu siniriro seheta ã waharohca”, musa ni wacũchu musa siniriro seheta ã waharohca —nire Jesu sãre.

Jesure dutirirore sinituha paina
(Mr 11.27-33; Lc 20.1-8)

²³ Ñ yoa Cohamacu wuhupu tju su, buhere tiro. To ã buhechu sacerdotia puhto, mari coyey judio masa bucuna mehne tiro cahapu wihi, õ sehe ni siniture:

—¿Dohseacu canure ã yoari mahu? ¿Noa mahure tíre ã yoa dutiri? —ni siniture tina.

²⁴ Ti ã nichu Jesu õ sehe ni yuhtire:

—Musa sehere sinitu mahhtaihtja. Noano yuhure musa quihõno yuhtichu musare yahuihtja yuhu cãhu. ²⁵ ¿João masare to bautisachu diro baro sehe tirore bautisa dutia tiari, musa tuhotuchu? ¿O Cohamacu dutiera tiari? ¿O masa sehe dutia tiari, musa tuhotuchu? —ni siniture Jesu tinare.

To ã nichu tina sehe ti basi õ sehe nire:

—¿Dohse ni yuhtinahcari mari? “Cohamacu Joãoire dutia tiri jire”, mari nichu, “¿Dohseana Cohamacu Joãoire to dutipachuta tirore tuho duaerari musa?” niboca Jesu marine. ã jina “Cohamacu Joãoire dutia tiri jire”, ni yuhti masieraja mari. ²⁶ Ahrina masa sehe “Potocãta João Cohamacu yare yahu mahhtariro jire”, ni tuhotura tina. ã ni tuhotua “João to bautisachu Cohamacu sehe tirore dutierari jire”, mari nichu tuhoa masa suaboca mari mehne. ã jina tí cãhure yahu masieraja mari —nire tina ti basi.

²⁷ Ti ã niri baharo Jesure õ sehe ni yuhtire tina:

—Joãoire bautisa dutirirore sã masieraja —nire tina.

Ti ã nichu tuhorõ õ sehe nire Jesu:

—Tí pja pinihta yuhu cãhu musa sinitu mahhtarire yahueraja musare. Yu yoarire dutirirore yahueraja musare —nire tiro tinare.

Puaro puaro quitire yahuha Jesu

²⁸ To ã niri baharo Jesu to tuhotua mehne paye quiti mehne piti dahre buhe namore tinare:

—¿Ne, dohse ni t̃hotujari m̃sa ahri quitire? P̃aro p̃c̃ro jia. Wahmino sehere ò sehe niha to p̃c̃ro: “Mac̃, wesep̃ dahrai wahaga”, niha. ²⁹ “Wahaeraja”, ni ỹtimaha to mac̃no wahmanore. ã niparota baharop̃re wesep̃ waha duaro jia tirore. ã jiro wahaha tiro. ³⁰ Tuhs̃, ti p̃c̃ro to mac̃no d̃hsariro cahap̃ s̃, to wahminore to dutiriro seheta wesep̃ waha dutimaha. “Jai”, nimaha d̃hsariro sehe. ã niparota wahaeraha tiro. ³¹ ¿Diro sehe to p̃c̃ro to dutiriro seheta yoari? —ni siniture Jesu.

—To wahmino sehe yoaha —ni ỹtire tina.

Ti ã nich̃ Jesu ò sehe ni yahure:

—M̃sare niita nija. Wapa na cohtaina, m̃a mehne ñano yoarucua numia ti buip̃ waro m̃sa sehe ñabiaina jira. ã jia p̃horo Cohamac̃ to s̃ho jirop̃re m̃sa s̃borirore tina sehe m̃sare m̃ c̃ s̃ m̃htaahca. ³² João bautisariro buhero m̃sare “Noano yoaga”, ni yahumare. ã to yahuch̃ d̃hsariro to p̃c̃rore to ỹtierariro seheta tirore t̃hoerare m̃sa. ã yoa tirore ỹtierare. Wapa na cohtaina sehe, m̃a mehne ñano yoarucua numia c̃h̃ tirore t̃hore. Ti ã t̃hoch̃ ñ̃re m̃sa. M̃sa ã ñ̃panahta tirore ne t̃ho duaerare m̃sa. Tuhs̃, t̃hoerare m̃sa —nire Jesu sacerdotea p̃htoare, mari coyea judio masa b̃c̃na c̃h̃re.

*Ñaina dahra cohtaina quitire yahuha Jesu
(Mr 12.1-12; Lc 20.9-19)*

³³ ã yoa Jesu pari turi to t̃hotua mehne ò sehe ni piti dahre tinare buhe namore:

—Ahri quitire tãhoga m̄usa. Yahpa p̄uro jiha. Tiro to ya yahpai se dari cjihtire toaha. Toa tuhs̄u, sahr̄ĩnore dapo, sere ti t̄u m̄utohti copare saha, m̄uari w̄uh̄ucã dahreha.

’Ã jiro tí wesere painare c̄ũ b̄uh̄usehe coa pahma c̄ũha. ã pahma c̄ũno tí wesere tinare ñ̄u wihbo duti, pa yahpap̄u wahaha tiro. ³⁴ ã yoa se ñ̄iri pja jich̄u wese p̄uro tirore dahra cohtainare wesere ñ̄u wihboina cahap̄u warocaha. Wese macaa to toaa dichare to ya coa macaa dichare na dutiro warocamaha. ³⁵ To ã warocach̄u wesere ñ̄u wihboina sehe tirore dahra cohtainare ñ̄ano yoaha. C̄ũirore tuaro cjã, pairore wajã, pairore tãa mehne docaha. ³⁶ Baharo wese p̄uro pari turi tirore dahra cohtainare to waroca m̄ahtarina bui curero p̄ahtoa jiri curuare warocaha tjoa. To ã warocach̄u wesere ñ̄u wihboina tina c̄ũhare m̄ananota yoaha tjoa.

³⁷ ’Ã yoa to waroca batoariro to mac̄no jiha. “Ȳu mac̄u sehere ñ̄o payoahca”, nino tirore warocamaha. ³⁸ To ã ni t̄uh̄otupach̄uta wesere ñ̄u wihboina to mac̄no to tach̄u ñ̄ua, õ sehe niha: “Wese p̄uro mac̄no jira ahriro. Tirore wajãjihna mari. Mari ã wajãch̄u ahri wese mari ya wese tjuarohca”, nimaha tina ti basi. ³⁹ ã niata tirore ñ̄aha, wese d̄uht̄u cahai na wahcã, wajãha tina tirore.

⁴⁰ ’¿Ne, wese p̄uro taro dohse yoarohcari tiro wesere ñ̄u wihboinare, m̄usa t̄uh̄otuch̄u? —ni siniture Jesu sacerdote p̄ahtoare, b̄uc̄na c̄ũhare.

⁴¹ To ã nich̄u tina õ sehe ni yahtire:

—Tiro painare wesere ñ̄u wihbohtinare cohtotarohca ji m̄ahtainare ñ̄abiainare wajãno taro.

Ti rore quihõno dichare tju wahtina sehere ñu wi-
hbo dutirohca —ni yuhtire tina.

⁴² Ti ã nichuta Jesu yahu namore tinare:

—¿Cohamacu yare ti joari pui ahrire yuhare to ni
joari cjirire ne buherari musa?

“Ahrero Cristo tãca yoaro seheta jira.

Tãcare wuhu dahreina ti cohãno seheta masa ti rore
cohãahca.

Ti ã yoapachuta mipare wuhu dahreina wuhare
yoaa ti cū mūhtari tãcare ti cūno seheta Co-
hamacu ti rore puhto sōre.

Cohamacu sehe ahrire yoare.

To ã yoachu ñuna, ‘Noa yuhduara’, ni tuhotuja
mari”,

ni joaa tiha panoru. ¿Tire ne buherari musa?

⁴³ Musare niita nija yuhu. puhtoro Cohamacu
to suho jiro musa jihto cjihto jiboa. To puhtoro
jirore paina sehere musa jiborirore warohca Co-
hamacu. Paina masa sehe to dutiro seheta
yoaahca. ⁴⁴ [Jipihtina tia tãca bui bora pjainare
payu dihicã peri yihsorohca tia tãca. Tuhsu, tia tãca
sehe masuño bui bora pjaro tahãnocanohca ti rore.
To pjacu cjirore daa manaricã wahachu yoaro-
hca. (Tó seheta yuhare cahmaeraina yu buhiri
dahrehtina ñano yuhduahca) —nire Jesu sacer-
dotea puhtoare, mari coyea judio masa bucana
cãhure.]

⁴⁵ Tí quitire to ã nichu tuhoa, “Sohõ to yahu
mūhtari quitu wesere ñu wihboina quitu mehne
marine nino nica tiro”, ni tuhoture tina. ⁴⁶ Ñ
ni tuhotua, ti rore ñaha duamare. Masa sehe
Jesure ño payo “Cohamacu yare yahu mūhtariro

jira tiro”, niina jia tiha tina. Tíre masia, sacerdotea p̄h̄toa, b̄uc̄na mehne masare cuia, Jesure ñahaerare.

22

Pjiri bose n̄m̄ macaa quitire yahuha Jesu

¹ ã yoa pari turi to t̄hotua mehne paye quitu mehne tinare buhe d̄care Jesu:

² —M̄ano macariro p̄h̄toro to s̄ho jiro ahri quitu yoaro sehe jira. C̄ yahpa macaina bui p̄h̄toro jiha. ã yoa to mac̄no ya n̄m̄ bose n̄m̄ yoaha. To wamomaca d̄h̄teri bose n̄m̄ jiha. ³ ã yoa p̄h̄toro tirore dahra cohtainare bose n̄m̄re ñ̄a tahtinare p̄ji dutiro warocamaha. Tina sehe ta duaeraha. ⁴ ã jiro painare p̄ji dutiro warocamaha t̄joa tirore dahra cohtainare. “Ȳ p̄jirocainare ò sehe ni yahuga. ‘Mari ch̄htire dahre tuhs̄h̄re. Wach̄are, wach̄ac̄a dihi tinac̄a c̄h̄re waj̄a tuhs̄h̄re. ã yoa jipihtiro bose n̄m̄ macaa c̄ihtire cahno tuhs̄h̄re. ã jina bose n̄m̄ macaare ch̄na taga’, ni yahuga tinare”, ni warocamaha p̄h̄toro tirore dahra cohtainare. ⁵ Dahra cohtaina ti ã yahuri baharo to p̄jirocarina c̄jiri ã t̄hotunocaha. Bose n̄m̄re ñ̄a wahaeraha. C̄iro to wesep̄ waha waha. Pairo to dahraare ñ̄no waha. ⁶ Paina sehe tirore dahra cohtainare ñ̄a, tinare ñ̄ano yoa, waj̄nocaha j̄na. ⁷ Ti ã yoach̄ t̄horo, p̄h̄toro sehe suaha. Sua, ti ã waj̄ari buhiri buhiri dahre dutiro to surarare warocaha. ã jia surara tinare waj̄ pah̄ño, ti ya macare j̄nocaha. ⁸ Ti ã yoari baharo, p̄h̄toro tirore dahra cohtainare

õ sehe niha: “Bose numma macaa cjihtire cahno tuhsamahre. Wiho mejeta yu pjiroca muhtarina cjiri yu bose nummare nuaborina jierara. Naina jira tina. ⁹ ã jina macare jia maharipu dohse juina masa boca suinare bose nummare nuhtinare pjiga”, niha tirore dahra cohtainare. ¹⁰ To ã nichu tirore dahra cohtaina maharipu waha, jipihtinare ti boca suinare, naina, noaina cuhare yahuha. Ti ã pjiri baharo to cahapu ssha tina peri. Noano ti bose numma ti yoari tahtiare masa wahpata yuhdua wahaha.

¹¹ Tõi ti dujichu puhtoro sehe cuirore wamomaca duhteri numma macari suhtirore saerarirore nuha. ¹² “¿Ne coyeiro, dohse yoacu wamomaca duhteri numma macari suhtirore saerapaihta sa tari muhu?” ni sinituha puhtoro. To ã sinituchu masano sehe yuhtieraha. ¹³ To ã yuhtierachu nuano tirore dahra cohtainare õ sehe niha: “Ahrirore to wamomacarine duhtega. To dahpori cuhare duhtega. Duhte tuhsu na wijaa, sopacapu cohãga tirore nahitianoru. Tõru tiro tuaro tii, cahyaro mehne bahca dihorohca”, niha puhtoro —ni yahure Jesu.

¹⁴ To ã niri baharo õ sehe ni batoare tiro:
—Ahri quitu jiro seheta Cohamacu payu masa to pjirocarina ti jipachuta mahainacã tiro mehne tjuahca —ni yahu batoare Jesu.

*Puhtoa ya wapare paina sinituha Jesure
(Mr 12.13-17; Lc 20.20-26)*

¹⁵ To ã niri baharo fariseo curua macaina waha, Jesure ti yahusãhtore ti basi durucuha tina. To nuano yuhtichu tuho duaa nimaha tirore yahusãa taa. ¹⁶ ã durucua tina mehne macainare, Herode

ya curua macaina cãhure Jesure sinitu dutia warocaha. Tina sehe Jesu cahapũ wihi, tirore mahño cũ sinitu ñamare:

—Buheriro, potocã durucuriro mahñoa mari-eriro mũ jichũ masija sã. Cohamacũ yare quihõno mũ yahuchũ cãhure sã masija. ã jicũ cãiro pũhtoro waro to jipachata tiro cãhure dõrero marieno potota yahura mũhũ. ¹⁷ ã jicũ sãre yahuga. ¿Roma macariro jipihtina bui pũhtoro jirirore go-bierno macaare marine waparo cahmajari, mũ tũhotuchũ? ¿Mari dutia tirore wapa dutijari? —ni siniture tina Jesure.

¹⁸ Ti ã nichũ tũhoro tirore ti yahusã duaare masino õ sehe nire:

—Mahñopeina jira mũsa. ¿Dohseana yũ ñano durucuchũ tũho duajari mũsa? ¹⁹ Mipũre niñeru tũre pũhtoare wapahti tũre na tahga. Tí tũre ñũjihna — nire tiro.

To ã nichũ tũhoa niñeru tũre na tare tina.

²⁰ Ti ã na tachũ õ sehe ni siniture tiro tinare:

—¿Diro baro masũ wahãjari ahri tũre? ¿Diro baro wama wahãjari? —ni siniture.

²¹ —César, masa bui pũhtoro masũ, to wama cũhũ wahãna —ni yũhtire tina.

Ti ã nichũ tũhoro Jesu õ sehe ni yahure:

—Tí pja pini masa bui pũhtoro yare tiro sehere waga. Cohamacũ yare Cohamacũ sehere waga — nire Jesu.

²² To ã nichũ tũhoa, tũho cũaa waha, wahaa wahare Herode ya curua macaina.

Saduceo curua macaina Cohamacũ to masoare sinituha Jesure

(Mr 12.18-27; Lc 20.27-40)

23 Ñ yoa tí dachoihta cãina saduceo curua macaina Jesu cahapũ wihire. Saduceo curua macaina sehe “Cohamacũ yariainare masosi”, ni tũhotuina jire. Ñ jia õ sehe nire tirore tina:

24 —Buheriro, õ sehe ni buhea tiha Moise cjiro: “Cũiro to wahmino namo tirore pohna mariaparota to yariachũ to bahũrore to wahmino namono cjirore nũoano cahmana. Ñ yoaro to wahmino mũnanao to pohna tiboro seheta pohna tiro cahmana to bahũrore. Ñ jia to pohna to wahmino mũnanao pohna yoaro sehe jiahca”, ni joaa tiha Moise cjiro —nire tina saduceo curua macaina.

25 Tíre ã ni yahu tuhsũ ahri quitire yahu namore tina Jesure:

—Cũiro masũno jiha. Seis to bahana jiha. Ti wahmino sehe namo ti, pohna marieriro yariaa wahaha. Tuhsũ, paio to bahũro cũhũ to wahmino namono cjirore nũoaha. 26 To ã nũoari baharo to wahmino yoaro seheta pohna mariaparota yariaa wahaha tjoa. Ñ yoa ahriro bahũro to wahmino mũnanao yoaro seheta pohna mariaparota yariaa wahaha. Ñ dihta wahaha cũiro pohna waro. Ne pohna mariapahta yaria pihtia wahaha tina. 27 Ti namono cjiro cũhũ ti baharota yariaa wahaha jũna. 28 ¿Ne, Cohamacũ jipihtinare yariaina cjirire to masochũ diro baro namono jibocari ticoro? Tina jipihtina ticorore namo tirina cjiri jiha. ¿Ñ yoa diro namono sehe jibocari ticoro pototi? —ni siniture tina.

29 Jesu õ sehe ni yũhtire tinare:

—Cohamacũ yare ti joari pũre, to masia cũhũre ne masierara mũsa. Ñ yoa mũsa tũhotua sehe

ne potocã jierara. ³⁰ Yariarina cjiri ti masa m̃jari baharo tina anjoa yoaro sehe jira. Tina namo marieina, mañ mariea numia jira tópr̃e. ³¹ Yariarina cjiri ti masa wijaah̃to sehere m̃sare yahuihtja. ¿Cohamac̃ m̃sare to niri c̃jirire ne buherari m̃sa? Õ sehe niha tiro: ³² “Ỹh̃h̃ Abrahã, Isaa, Jacobo ti p̃h̃toro tjija”, nina Cohamac̃”, ni joaa tiha panop̃re. Ti yariari baharo “Ti p̃h̃toro tjija”, ni yahuha Cohamac̃. ã ni-parota yariarina cjiri p̃h̃toro jierara Cohamac̃. “Ti p̃h̃toro tjija”, to nia mehne catiina ti jich̃ masija mari. Tiro catiina p̃h̃toro jira —ni yahure Jesu tinare.

³³ To ã ni buhech̃ t̃hoã paỹ masa t̃ho c̃aa wahare.

*C̃no noa ỹhd̃aro to dutiare yahuha Jesu
(Mr 12.28-34)*

³⁴ ã yoa saduceo curua macaina Jesure ti ỹhti masierach̃ t̃hoã, fariseo curua macaina sehe tiro cahap̃ cahmachure. ³⁵ Cahmachu, tina mehne macariro marine judio masare buheriro sehe Jesu to ñano nich̃ t̃ho duaro mah̃no c̃ sinitu ñ̃mare tirore.

³⁶ —¿Buheriro Cohamac̃ ya dutia noa ỹhd̃aro di baro sehe j̃jari, m̃ t̃hotuch̃? —ni siniture tiro.

³⁷ Jesu tirore ñ̃ sehe ni ỹhtire:

—“Tuaro m̃sa yajeripohna mehne, m̃sa tuã mehne, noano m̃sa wac̃ã mehne Cohamac̃re cah̃ga”, nina Cohamac̃. ³⁸ Ahri dutiata paye dutia ỹhd̃oro noa ỹhd̃ara. ³⁹ Ahri dutia baharo paye dutia noa ỹhd̃ara: “M̃ basi m̃ cah̃no seheta m̃ cahai j̃ina c̃h̃re cah̃ga”, nina Cohamac̃.

⁴⁰ Ahri p̄aro dutiare yoana, jipihtia paye dutiare yoa pahñona nija mari. Cohamac̄u yare yahu mahtaina cjiri panop̄u ti joari c̄h̄ure yoa pahñona nija mari —ni yahure Jesu.

¿Diro baro coyero jijiari Cristo?

(Mr 12.35-37; Lc 20.41-44)

⁴¹ ã yoa fariseo curua macaina tói cahmachuina ti jich̄u ⁴² Jesu tinare õ sehe ni siniture:

—“Cristo, Mesia mari ni pisuriro Cohamac̄u to warocahtiro jira”, nina m̄usa. ¿Diro baro jijiari Cristo ñ̄ch̄ano cjiro panop̄u macariro, m̄usa t̄hotuch̄u? —nire tiro.

—Cristo Davi cjiro panamino jirohca —ni yahtire tina.

⁴³ Jesu õ sehe ni yahure tinare:

—¿Cristo Davi cjiro panamino to jich̄u dohsearo Davi sehe p̄htoro tiari Cristore? ¿Dohsearo ã p̄htoro ti dutiri Espíritu Santo tirore? Õ sehe niha Davi cjiro:

⁴⁴ “Cohamac̄u ȳu p̄htorore õ sehe nire:

‘Õi ȳu poto b̄h̄usehei dujiga.

ã jic̄u m̄h̄ure ñ̄u tuhtiinare m̄h̄ure ȳuh̄d̄r̄cabasaihca ȳuh̄u’, nire Cohamac̄u ȳu p̄htorore”,

ni joaha Davi cjiro. ⁴⁵ ã ni joarota Davi cjiro p̄htoro tiha Cristore. ¿Davi cjiro Cristo ñ̄ch̄ano cjiro jiro dohsearo tiro p̄htoro tiari Cristore? (Cristo Davi cjiro p̄htoro tjira) —ni yahure Jesu.

⁴⁶ To ã ni yahuch̄u tina tirore ne yahti masierare. ã jia tó purota sinitu duhunocare tina tirore. Tuhs̄u tirore cuia pari turi sinitu ñ̄erare tirore j̄na.

23

Judio masare buheina, fariseo curua macaina cãhũ ti ñano yoaare yahuha Jesu

(Mr 12.38-40; Lc 11.37-54; 20.45-47)

¹ Æ yoa payũ masare sã cãhũre Jesu õ sehe ni yahure tjoa:

² —Marine judio masare buheina fariseo curua macaina cãhũ Cohamacũ dutia Moise cjirore to cũri cjirore yahuina jira tina. ³ Ti ã yahuina jichũ mũsare ti yahuriro seheta tíre yoa pahñoga mũsa. Æ yoapanahta tinare ñũ cũena tjiga mũsa. Ti buheriro seheta yoaerara tina. ⁴ Masare payũ dutira tina. Æ dutipahta ti dutiro sehe masa ti yoaerachũ ñũa tinare yoadohoerara. ⁵ Masa ti ñũrocaro dihta noano yoa ñomana tina. Cohamacũ yare ti joari pũre ti duhu sãa caa pocacãre, bũju curea caa pocacãre ti wũhdũa poca bui dũhte yohre tina masare ñũ dutia. Ti yachũri cãhũre dũhte yohre. Æ yoa ti suhtipũ ti duhu yoaa bocari bũjũbia bocari jira. Cohamacũre ti ño payorire masa sehere yoa ñoa nimana tina. ⁶ Tuhsũ, bõse numũri jichũ pũhũa ti dujiapũ duji duara. Judio masa mari buhea wũhũsepũ cãhũre noaa dujia pahtari dihtare jicoara tina. ⁷ Æ yoa mahapũ ño payoa mehne paina tinare ti noano piti bocasinichũ cahmana tina. Tinare “Buheriro”, masa ti ni pisuchũ cahmana.

⁸ ’Paina mũsare pisua “Buheriro”, niea tjiaro. Mũsa jipihtina cãno potori jina nina. Æ yoa mũsare buheriro cãirota jija yũhũ Cristo. ⁹ Ahri yahpa macainare “Mari pũcũ”, nina tinare ño payona nica. Ne ã niena tjiga. Mũano macariro dihta

mari Pucá jira. Tiro dihtare ño payoro cahmana marine. ¹⁰ Ñ yoa masunore “Pũtoro”, niena tjiga. Mũsa pũtoro yũhũ Cristo sehe cãirota jija. ¹¹ Cahamacũno yoaro sehe mũsare yoadohoriro tiro tjica mũsa pũtoro jihtiro. ¹² Cãiro pũtoro ji duaro tirore wiho jiro yoaro sehe jiro cahmana. “Wiho jiro jija yũhũ”, ni tũhoturiro painare yũhdũrũca duaerariro tiro sehe pũtoro jirohca —ni yahure Jesu.

Judio masare buheina, fariseo curua macaina mehne ti mahñopeare yahuha Jesu

¹³ To ã niri baharo tinare õ sehe ni yahu namore:

—Mũsa judio masare buheina, fariseo curua macaina cũhũ ñano yũhdũnahca. Mahñopeina jira mũsa. Soro mũsa buhechũ tũhoa mũsare tũhorina sehe pũtoro Cohamacũ to sũho jiroprẽ wahasi. Mũsa cũhũ tóprẽ wahasi. Ñ buhena tóprẽ waha duainare dũcatana nina mũsa.

¹⁴ [’Mũsa judio masare buheina, fariseo curua macaina cũhũ ñano yũhdũnahca. Mahñopeina jira mũsa. Wapewahya numia ya wũhũsere manocahna mũsa tí numiare. Tuhsũ, yoari pja masa ti ñũrocaroi Cohamacũre sini ñomana mũsa masare. Mũsa ã yoari buhiri paina bui curero Cohamacũ pjiro buhiri dahrerohca mũsare.]

¹⁵ ’Mũsa judio masare buheina, fariseo curua macaina cũhũ ñano yũhdũnahca. Mahñopeina jira mũsa. Pjiri mapũ pahã, yoaro macaa yahparipũ wahara mũsa, mũsa dutiare yoah tirore macana tana. Mũsa dutiare yoah tirore boca, tirore buhera. Mũsa ã yoachũ tiro sehe mũsa yũhoro pichacapũ wahahtiro jirohca.

16 'Musa ñano yñhdñnahca. Capari ññeraina ti ññ masieraro seheta masieraina jira musa. Ñ jipanahta painare buhemana musa. Ñ sehe ni buhemana musa: “ ‘Cohamacñ wñññ mehne yñ nino seheta yoaihtja’, niriro to niriro sehe to yoaerapachñta noanohca”, ni buhemana musa. “ ‘Cohamacñ ya wñññ macaa uru mehne yñ nino seheta yoaihtja’, niriro tiro sehere to niriro seheta yoa sohtori tiro cahmana” ni, tí cñññre buhemana musa. 17 Capari ññeraina ti ññ masieraro seheta masieraina jira musa. Tñho masieraina jira. ¿Di baro sehere ño payoro cahmajari? Urure ño payoeraro cahmana. Cohamacñ sehe tí uru to wñññi jichñ noaa jichñ yoara tíre. Ñ jina to wñññ sehere ño payoro cahmana musare. Ñ jia musa buhea sehe tó wahaerara. 18 Ahri cñññre buhemana musa: “ ‘Cohamacñ wñññ macari mesa mehne yñ nino seheta yoaihtja’, niriro to niriro seheta to yoerachñ noanohca”, ni buhemana musa. “ ‘Tí mesa bui jia mehne Cohamacñre ño payoa ti wari mehne yñ nino seheta yoaihtja’, niriro tiro sehere to niriro seheta yoa sohtori tiro cahmana”, ni buhemana musa. 19 Capari ññeraina ti ññ masieraro seheta masieraina jira musa. ¿Di sehe tí waro jijari, musa tñhotuchñ? Cohamacñre masuno to ño payoro to wari cjiri tí waro jiera curera. Tí mesa bui Cohamacñre to wachñ, noaa wahara tí mesa bui jia. Ñ jiro tí mesa sehe wiho jiri mesa jierara. Cohamacñre ño payoa ti wari bui curero noari mesa jira. 20 Ñ jiro “Cohamacñ wñññ macari mesa mehne yñ nino seheta yoaihtja”, cñññro nino, tí mesa bui macaa to wari mehne tiro

ã nino nica. ã jia m_{usa} buhea sehe tó wahaerara.
²¹ “Cohamac_u w_hh_u mehne y_u nino seheta yoaihtja”, cãiro nino, potocãta Cohamac_u mehneta ã ninota nica. Cohamac_u tí w_hh_u macariro jira.
²² ã jiro “M_hano mehne y_u nino seheta yoaihtja”, cãiro nino, Cohamac_u to jirop_u mehneta ã nino nica. ã jiro Cohamac_u mehneta ã nino nica. Tiro sehe tó macariro jira. ã jia m_{usa} buhea sehe tó wahaerara.

²³ ’M_{usa} judio masare buheina, fariseo curua macaina c_uh_u ñano y_uhd_unahca. Mahñopeina jira m_{usa}. Moa yoaro sehe jiare ch_uare coach_u yoaare c_uhana mahanocã wamana m_{usa}. Cohamac_ure ño payona tana sacerdoteare wamana m_{usa}. Mahanocã wamana m_{usa}. Menta, anis, comina wama tia coach_u yoaare wamana m_{usa}. ã wapanah_tja noaare yoaerara m_{usa}. Tuhs_u, masare p_{ja} ñ_uerara m_{usa}. ã yoa Cohamac_ure wac_u tuaerara m_{usa}. Toaa dichare m_{usa} narire mahanocã sacerdoteare m_{usa} wach_u noa nina. ã wana õ sehe yoa namoga: Noaare yoaga. ã yoa p_{ja} ñ_uga masare. Tuhs_u, Cohamac_ure wac_u tuaga. ²⁴ Capari ñ_ueraina ti capari ñ_ueraro seheta masieraina jira m_{usa}. Õ sehe yoara m_{usa}: M_{usa} ya dutiare yoa dutina, wiho jia waro dutiare yoara m_{usa}. ã yoapanah_ta Cohamac_u to pototi to dutia warore yoaerara m_{usa}.

²⁵ ’M_{usa} judio masare buheina, fariseo curua macaina c_uh_u ñano y_uhd_unahca m_{usa}. Mahñopeina jira m_{usa}. M_{usa} waparire, m_{usa} sihnia wahwarire bui m_{usa} cosaro seheta noaare yoa ñomana m_{usa} buicã warohna. ã yoapanah_ta

Cohamacu yare quihõno yoaerara musa. Paina yare maina, musa basi dihta bujmare na duaina jina, a dihta tãhotura musa. ²⁶ Capari ñueraina ti ñu masieraro seheta masieraina jira musa fariseo curua macaina. Ñaare musa tãhotuare cohtotaga. MUSA a yoana masa ti ñurocaroi noaina jinahca mUSA.

²⁷ MUSA judio masare buheina, fariseo curua macaina cãhu ñano yãhdãnahca. Mahñopeina jira mUSA. Masa copa, yehsea mehne ti wisõri copa yoaro sehe jira mUSA. Masa tí copare ti ñuchu noari copa bajura. To a bajupachuta, puhicha macariro baarirore, to cohãrine, ñaare ñuerara tina. ²⁸ Tó seheta mUSA cãhu masa ti ñurocaroi noaina sehe bajumana mUSA. A noaina sehe bajumana mUSA jipachuta mUSA tãhotuapã ñaa, mahñoa ji yãhdãara yariaina yoaro seheta —ni yahure Jesu.

Judio masare buheina, fariseo curua macaina cãhure to buhiri dahrehtore yahuha Jesu

²⁹ A ni tuhsu õ sehe ni namore tinare:

—MUSA judio masare buheina, fariseo curua macaina cãhu ñano yãhdãnahca. Mahñopeina jira mUSA. Cohamacu yare yahu mãhtaina cjiri panopã macaina ti masa coparire noano cahnomana mUSA. Tuhsu, noano yoaina cjiri ti masa coparire noano cahnomana mUSA. ³⁰ A yoana õ sehe nirucumana mUSA: “Panopãre sã ñuchusuma cjiri ti yoariro sehe sã sehe yoaeraboã. Tí pjarã jĩinare Cohamacu yare yahu mãhtaina cjirire sã wajãeraboã”, nirucumana mUSA. ³¹ A nina mUSA ñuchusuma cjiri Cohamacu yare yahu mãhtainare

wajārina cjiri ti jiri cjirire bajuro wana nica. Tinare wajārina cjiri panamana ji turiaina m̄sa jia c̄hure bajuro wana nica m̄sa. ³² M̄sa ñuch̄suma cjiri ti yoariro seheta yoa sohtori ti-wahnoga.

³³ Agãa ñima tiina yoaro sehe ñabiaina jira m̄sa. M̄sa ñaa t̄hotumari cjirire cohtota duaerana Cohamac̄ m̄sa ñaa buhirire pichac̄ap̄ m̄sare to cohãhto pano duhti masierara m̄sa. ³⁴ ã jii m̄sare niita nija. Cohamac̄ yare yahu m̄htainare, paina noano masiinare, paina m̄sare buhehtinare m̄sa cahai warocaihtja. Ȳ ã warocach̄ m̄sa sehe cãina tinare wajānahca. Painare crusap̄ cjã puhanahca. Painare m̄sa buhea w̄h̄sep̄ tjananahca. ã yoana macaripep̄ tinare ñano yoa, m̄roca n̄n̄ tinahca m̄sa. ³⁵ M̄sa ã yoana jipihtina ñaa marieinare m̄sa wajāri buhiri buhiri tinahca. Noariro Abe cjirore Caĩ to wajāri buhiri jipihtina m̄sa c̄h̄ buhiri tinahca. Jipihtina to baharo j̄inare noainare ti wajāri buhiri c̄h̄re buhiri tinahca m̄sa c̄h̄. ã yoa Cohamac̄ w̄h̄ cahai wahiquinare ti wari mesa cahai Zacariare wajāre tina. Tiro sehe Berequias mac̄no jire. ã jina Zacaria c̄h̄re ti wajāri buhiri buhiri tinahca m̄sa c̄h̄. ³⁶ Potocã m̄sare yahuita nija. Tina jipihtinare ti wajāri buhiri mip̄ macaina c̄h̄ m̄sa buhiri tinahca —ni yahure Jesu.

*Jerusalẽ macainare tuaro cahĩha Jesu
(Lc 13.34-35)*

³⁷ ã ni tuhs̄ ã sehe ni namore:

—Cue, Jerusalē macaina, Cohamacu yare yahu m̄htaina cjirire wajārina jira m̄sa. M̄sa coyea panopu macaina cjiri cūhu āta yoarina cjiri jiha. Ā yoa m̄sa cahai to warocaina cjirire t̄a mehne doca wajārina jira m̄sa. Caracacoro to pohñare to cjã m̄a d̄puri mehne to moha coãno seheta payu tahari cah̄rucumahi m̄sare. M̄sare cahmamahi. M̄sa sehe yuh̄re ne cahmaerare. ³⁸ Mip̄re m̄sa ya maca coh̄ri maca cjiro jirohca. ³⁹ Potocã m̄sare niita nija. Baharopu taihtja yuh̄. Ā yu tach̄ ñna m̄sa yuh̄re “Cohamacu tuaa mehne tariro noano tajaro”, ninahca. Yuh̄re m̄sa tíre nihto pano yu tjuã tahto pano pari turi yuh̄re ñsi m̄sa —nire Jesu tinare.

24

“Cohamacu wuh̄ coh̄ri wuh̄ jirohca”, niha Jesu

(Mr 13.1-2; Lc 21.5-6)

¹ Ā yoa Cohamacu wuh̄i jiro Jesu to wijaa wihich̄ sã to buheina tí wuh̄re tí wuh̄ cahai jia wuh̄se cūh̄re ñna:

—Ahri wuh̄se jira. Ñga m̄hu cūhu —nii sã tirore.

² Jesu õ sehe ni yuh̄tire:

—Ahri wuh̄sere mip̄re ñmana m̄sa. M̄sare yahuita nija. Ahri wuh̄sere jipihtia m̄sa ñri cjiri ahri wuh̄se macaa t̄a cūhu coh̄ pihtia wa-haahca. Ne c̄ria t̄ca tjuasi —nire tiro sãre.

Pihtiri dacho cjihtore yahuha Jesu

(Mr 13.3-23; Lc 21.7-24; 17.22-24)

³ Baharo Olivo wama tidu tūcūpū sū, tópu dujire Jesu. Tóto dujichū sã to buheina sã sahsero tiro cahapū sū, õ sehe ni sinitu ñahi:

—Yahuga sãre. ¿Dohse jichū ã waharohcari mū niriro sehe waharo? ¿Pihtiri dacho panocãre to jichū cãhure, mū tjua tahto cãhure dohse to waha ducachū ñahcari sã? —ni sinitu ñhi sã.

⁴ Jesu õ sehe ni yũhtire:

—Noano yoaga mūsa. Mūsare paina ti mahñoare tũhoena tjiga. ⁵ Payū masa “Cristo jija yũhū”, ni mahñoina taahca. Ti ã mahñochū tũhoa payū masa Cohamacū yare duhuahca. ⁶ Mūsa cahacãi masa paina ti cahma wajãchū tũhonahca mūsa. Tuhsū, yoaropū cãhure ti cahma wajãchū tũhorocanahca mūsa. ã tũhopanahta ne tíre pjíro tũhotuena tjiga. ã waharohca. Ti ã yoachū pihtiri dacho cjihto dũhsasininohca mini. ⁷ Tí pjare cū yahpa macaina pa yahpa macaina mehne cahma wajãahca. ã yoa cãiro pũhtoro yaina pairo pũhtoro yaina mehne cahma wajãahca. Tuhsū, payū masa jūca mehne yariaahca. ã yoa dohatia payū jiahca. Tuhsū, pjaró yahpa ñuhminohca. ⁸ To ã wahachū ahri yahpa macainare ti ñano yũhdū namohto dũhsasinina mini. Ñano yũhdũsiniahca.

⁹ Tí pjare paina mūsare ñaha, ñano yoa dutia waahcū mūsare paina pũhtoapure. Ti ã wachū mūsare wajãahca. Yū yaina mūsa jiri buhiri jip-
ihtina mūsare ñū tuhtiahca. ¹⁰ Tí pjare payū yū yaina jimarina cjiri yũhure cohãahca. ã jia tina mehne macainare tina ñū tuhtiahca. ã yoaa tina mehne macaina ti jipachũta tinare ñano

yoahinare waahca tina. ¹¹ Tí pjare pay_u “Cohamac_u yare yahu mahtaina jija”, ni mahñoina jiahca. ã jia pay_u masa ti mahñoare t_uhoahca. ¹² Tí pjare ñabiaro yoahca masa. ã yoaa tina mehne macainare cahĩ namosi. ¹³ ã jina m_usa tuaina jina, ahri yahpai m_usa catisinino puro c_uno pjarucuna, y_uhd_unahca m_usa. ¹⁴ Tuhs_u, ahri noaa buhea jipihtirop_u ahri yahpare ti yahua buhea jiahca. P_uhtoro Cohamac_u to s_uho jiare yahuri buheare ti yahu siteri jiahca, jipihtina tí buheare ti masihto sehe. Ti ã yahuri baharo pihtiri dacho d_ucarohca.

¹⁵ Cohamac_u yare yahu mahtariro Daniel cjiro panop_u macariro ñabiarore Cohamac_u yare ñano yoarore yahua tiha panop_ure. Tí pjare tiro ñariro sehe Cohamac_u w_uh_up_u to ducuch_u ñ_unahca m_usa. Ahri y_u nirire noano masiga m_usa. ¹⁶ Tói to ducuch_u ñ_ua, Judea yahpar_u jiina sehe t_uyuc_u cahap_u m_uroca duhtijaro. ¹⁷ Soaro mehne m_uroca duhtijaro. Tí pjare ti w_uh_useri bui macaa w_uparip_u jiina w_uh_u puhichap_u jiare ti yare na w_uhaea tjijaro ti waha bahrañohto sehe. ¹⁸ Tuhs_u, tí pjare paina ti weserip_u jiina ti bui macaa suhti w_uh_up_u jia suhtire na wahaea tjijaro ti waha bahrañohto sehe. ¹⁹ Tí pjare nijipocosanumia, ti poh_unare p_ua numia c_uh_u pjac_uoro wahaahca. ²⁰ ã jina Cohamac_ure õ sehe ni siniga: “Puhiro jich_u judio masa sã soa num_uri jich_u c_uh_ure sã m_uroca duhtihti dacho jiero tjijaro”, ni siniga m_usa Cohamac_ure. ²¹ Tí dachorire masa nu ñano wahaahca. Ahri yahpare to bajuamehneri baharo masa ñano ti y_uhd_ua jisinia tiha. Ti ã jipach_uta jipihtia tí pur_uã y_uhdoro pihtiri dacho panocã

ñabiaro yuhduahca masa. Ñã ñano ti yuhduri baharo pari turi tó sehe ñabiaro yuhdusi ahri yahpai juna. ²² Cohamacu tí dachorire mahaa dachoricã jisnichu yoarohca. To ã yoerachu ne cãiro masuno yuhdueraboca. Ñã jiro to beserina ti yuhduhti cjihtire mahaa dachoricã ã cãsininohca Cohamacu.

²³ Tí pjare paina musare “Ñãga. Õi jira Cristo”, ti nichu tinare tuhoena tjiga. “Tó i jira Cristo”, ti nichu tinare tuhoena tjiga. ²⁴ “Cristo jija”, ni mahñoina, “Cohamacu yare yahu mautaina jija”, ni mahñoina jiahca tí pjare. Ñã jia Cohamacu to beserinare mahñoa, tina bajuamehneare yoa ñoahca. Ti ã yoa ñochu ñã, Cohamacu yaina cãina tinare tuhoa “Potocã tjira” nia, Cohamacu yare pa tehe nia duhuboca. ²⁵ Ahri jipihtiare musare yahuyuja musare to ã wahahto pano. Ñã jina tuhoga musa. ²⁶ Paina masa musare “Ñãga. Masa marienopu jira Cristo”, ti nichu tópu ñãna wahaena tjiga. Ñã yoa tina “Õi ahri tahti pocali jira tiro”, ti nichu tinare tuhoena tjiga. ²⁷ Yuhu masuno Cohamacu warocariro wacũenoca tjua taihtja. Oroca sitero manore sũ mija taropu, sũ sanopu wacũenoca to oroca siterocaró sehetá wacũenoca tjua taihtja yuhu. ²⁸ Yucaare mari ñãna, yariariro to pjacu cjiro jichu mari noano masinahca. (Tó sehetá ahri musare yu yahuyurire musa ñãna noano masinahca ahri yahrapu yu tjua tahto mahanocã to duhsachu cãhure) —ni yahure Jesu.

*Cristo ahri yahrapu to tjua tahtore yahuha tiro
(Mr 13.24-37; Lc 21.25-33; 17.26-30, 34-36)*

²⁹ Ñã yahu tuhsaro tinare õ sehe ni yahu namore:

—Tí dachori masa ti ñano yũhdũa dachori baharo sũ dacho macariro, ñami macariro cũhũ buhria duhua wahaahca. Ti ã wahachũ ñahpichoha poca mũanopũ jia poca bora wahaahca. Tuhsũ, mũano macaa yahpari tuaro ñuhmiahca. ³⁰ Tí pjata yũhũ masũno Cohamacũ warocariro mũanopũ yũ bajuamehnenore yũ ñochũ ñnahca masa. Á ñna jipihtia curuari macaina tiiahca. Tuhsũ, yũ tuaa mehne, yũ si sitea mehne mũano macaa me bui ahri yahpapũre yũ tjua tachũ ñnahca tina. ³¹ Corneta bisiro coa tarohca. To ã coa tachũ yũ yaina anjoare jipihtiropũ ahri yahpapũ warocaihtja. Tuhsũ, jipihtiropũ yũ yaina yũ beserinare tina naahca.

³² Mipũre higueraçũre tũhotuga mũsa. Tũ quti mehne mũsare piti dahre buheihtja. Tũ yucũcũ pũri tichũ ñna, cũhma mahanocã to dũhsachũ masina mũsa. ³³ Tó seheta ahri jipihtia yũ niri cjiire ti ã wahachũ ñna, yũ tjua tahto mahanocã to dũhsachũ masinahca mũsa. ³⁴ Potocã niita nija mũsare. Tí pja macaina ti yariahto pano jipihtia yũ niriro seheta ã waharohca. Mũano, ahri yahpa cũhũ pihtia wahaahca. ³⁵ Mũano cũhũ ahri yahpa cũhũ pihtia wahaahca. Yũ durucua sehe ne cohtotasi. Jipihtia yũ niriro seheta ã waha sohtori tiarohca.

³⁶ Tí dachore yũ tjua tahti dachore, tí ora cũhũre masieraja yũhũ. Anjoa cũhũ tíre masierara. Masa cũhũ masierara. Yũ Pũcũ dihta tíre masina.

³⁷ Noé to jiri pja macaina ti jiri seheta ahri yahpapũ yũ tjua tahto panocãre tó seheta jiahca masa. ³⁸ Yahpa to minihto pano masa chũ, sihni, yoaha. Tuhsũ, mũa, numiare namo tiha. Noé cũhũ

ti dohoriap_u ti samuhto pano ã yoaa timaha masa. ³⁹Dóih_ta tuaro coró ta, wacũenoca yahpa minia wahaha. Masa cãh_u mini pihtia wahaha. Wacũenoca to miniro sehta yãh_u mas_uno Cohamac_u warocariro ahri yahpap_ure wacũenoca tjua taihtja. ⁴⁰Tí pjare wesep_u p_uaro dahraina ti jich_u cãiro yãh_ure cahmarirore naaihca. ã yoa yãh_ure cahmaerariro tói tjuarohca. ⁴¹Tí pjare p_uaro numia cãnoi ti yore arẽa numia jich_u cãcoro yãh_ure cahmaricorore naaihca. ã yoa yãh_ure cahmaeraricoro tóih_ta tjuarohca.

⁴²'Noano wacũ masi cohtaga. Yãh_u m_usa p_uhtoro, y_u tjua tahti dachore ne masierara m_usa. ⁴³Ahrire wacũga m_usa. Yacariro to wãh_up_u to sãa yacahto panore wãh_u p_uro masino, tí ñamine tiro carĩeraboa, yacarirore cohtaro taro. ã yoa yacarirore to wãh_up_u sãa dutieraboa. Yãh_u yacariro to wacũenoca to tariro sehta wacũenoca taihtja. ⁴⁴ã jina y_u yare ã yoarucuna yãh_ure cohtaga. Yãh_u mas_uno Cohamac_u warocariro ahri yahpap_u tjua tai wacũenoca taihtja —nire Jesu.

*Dahra cohtariro to p_uhtorore ño payorirore, ño payoerariro cãh_ure yahuha
(Lc 12.41-48)*

⁴⁵ã yoa Jesu to tãhotua mehne õ sehe ni piti dahre buhe namore tjoa:

—Dahra cohtariro to p_uhtorore ño payoriro tãho masiro jira. To ã jich_u ñ_uno paina dahra cohtaina bui cũna tirore to p_uhtoro sehe waharo taro. ã tirore cũ tuhs_u wahaa wahara p_uhtoro.

To ã wahachu ñuno, churi pja jichu dahra cohtariro painare chure witira. ⁴⁶ Baharo puhtoro to ya wahu tju wihira. To tju wihichu ñuno dahra cohtariro sehe to puhtoro to dutiro seheta yoa pahñoriro jiro, wahcheriro jirohca. ⁴⁷ Potocã masare niita nija. To ã noano dahrachu ñuno to puhtoro jiphtia to yare ñu wihbohtiro cūnohca tirore. ⁴⁸⁻⁴⁹ Wiho mejeta ñariro dahra cohtariro sehe “Yu puhtoro so bajuerara” nino, paina dahra cohtainare cjape, pjíro chu, sihni, cahaina mehne caharohca. ⁵⁰ Baharo to puhtoro wacūenoca tjua tarohca. Tí dachore ne masierara dahra cohtariro. ⁵¹ Puhtoro sehe tjua taro ñariro to yoirire tūhoro, tirore tuaro buhiri dahrerohca. Ñ buhiri dahrero, masa ti baharo buhusehei ñano yoa cohtaina ti waharopu cohānohca tirore. Tópure tiro tuaro tii, cahyarō mehne bahca dihorohca —ni yahure Jesu.

25

Diez nuhmia quiti mehne buheha Jesu

¹ Ñ yoa Jesu pari turi to tūhotua mehne ñ sehe ni piti dahre buhe namore tjoa:

—Mūano macariro masa bui puhtoro to sūho jia ahri quiti yoaro sehe jira: Diez nuhmia jiha. Cū ñami tina ti sihāa poca mehne wamomaca dūhtehtirore piti boca wahaha. ² Tina mehne maca numia cinco numia tūho masiera numia jiha. Paye numia sehe cinco numia tūho masia numia jiha. ³ Tūho masiera numia sehe ti sihāa pocare, posa tia pocare naamaha. Paye pocare se posa tia pocare ti pihtichu ti pioborire naaeraha.

4 Tũho masia numia sehe ti sihãa poca se posa tia pocare naaha. Paye se poca cũhare naaha. 5 ã jia wamomaca dũhtehtiro to bajuerachũ tí numiare wũjo purĩchũ carĩa wahaha. 6 ã ti carĩni baharo ñami dacho macai sañurucuro coa taha: “Tũhoga. Wamomaca dũhtehtiro taro coa tara. Tirore piti bocana taga”, ni sañurucuro coa taha. 7 To ã nino coa tachũ tũhoa tí numia wahcã, ti sihãa pocare cahnoha. 8 ã yoaa tũho masiera numia sehe paye numia tũho masia numiare õ sehe niha: “Sã sihãa poca yatia nina. ã jina mahanocã mũsa ya sere waga sãre”, ni sinimaha tí numia. 9 Ti ã sini-pachũta tũho masia numia õ sehe ni yũhtiha: “Sã ya se mari jipihtinare mũ sũeraboca. ã jina se cjuainare mũsa basi nuchũna wahaga”, ni yũhtiha tũho masia numia sehe. 10 Ti ã nichũ tũhoa, tũho masiera numia sere nuchũa wahaha. Ti ã wa-hari baharo wamomaca dũhtehtiro wihiha. ã to wihihũ ñũa ti yare cahno tuhsũri numia tũho masia numia tirore piti boca. Piti boca, to wamomaca dũhteri bose numũpũ tiro mehne ñũa wahaha. Tuhsũ, bose numũre ti yoari wũhũpũ paina mehne tí numia ti sãari baharo, sopacare bihanocaha. 11 Baharopũ tũho masiera numia sehe wihimaha. “Pũhtoro, sãre pjõohga”, nimaha tí numia. 12 “Potocã mũsare niita nija. Mũsare masieraja yũhũ”, niha tiro tí numiare.

13 ã jina tũho masia numia ti yare ti noano cahno tuhsũ ti cohtariro seheta yũ tahtore noano cohtaga mũsa cũhũ. Yũ tjua tahti dachore tí hora cũhare ne masierara mũsa —ni yahure Jesu.

Niñeru tũri uru tũri quitire yahuha Jesu

14 Ñ ni yahu tuhsu to tuhotua mehne õ sehe ni piti dahre buhe namore tjoa:

—Tí pja yu tjua tahti pja ahri quitu yoaro sehe jirohca. Wuhu puro jiha. Tiro pa sehepu tinino waharo taro, tirore dahra cohtainare pjirocaha. Ñ yoaro tinare to yare cohta dutiha.

15 Ñ cohta dutiro ti wihbo masino puro tinare niñeru tũrire waha. Cũirore cinco tũri wapa bujua tũri uru tũrire waha. Pairore puu tu waha. Pairore cũ tu waha. Tinare wa tuhsu, wahaa wahaha.

16 Ñ yoa cinco tũri to wariro dõihca to wahari baharota tí tũri mehne paye barore nuchaha. To nuchũrire painare duaha. To duari wapa diez tũri waro wapataha tiro. Ñ jiro diez tũri cjuaha. 17 Ñ yoa puu tu to wariro dõihca to wahari baharota tí tũri mehne paye barore nuchaha. To nuchũrire painare duaha. To duari wapa pititia tũri waro wapataha tiro. Ñ jiro pititia tũri cjuaha. 18 Cũ tũre to wariro sehe copa saha, tí tũre yaha, tí copapu nuõõõ.

19 Yoari pja baharo ti puhtoro wihaha. Ñ wihoro to niñeru tũri mehne ti ñaha namorire quihõõõ taro tirore dahra cohtainare pjirocaha. 20 Ñ to pirocachu cinco tũri to wariro cjiro to puhtoro cahapu su, diez tũri wiaha tirore. “Cinco tũri yuhare ware mahu. Ñjũta. Tí tũri mehne paye cinco tũrire ñaha namohi”, niha tirore. 21 “Noano yoari jire mahu. Mahu noariro, yu dutiro sehetu yoariro jira. Mahanocã mehne noano yoare mahu. Ñ jicu mipare mahare pjiro mu dahrahtore cũihtja. Ñ jicu yuhu mehne wahchega mahu”, niha to puhtoro.

22 Ñ yoa puu tũre nariro cjiro to puhtoro cahapu su,

yahuha tirore: “Pua tu yuhure ware mahu. Nijuta. Tí tari mehne paye tari pua tu ñaha namohi”, niha tiro. ²³ “Noano yoari jire mahu. Mahu noariro, yu dutiriro sehe yoariro jira. Mahanocãre noano yoare mahu. ã jicu mipure pjíro mu dahrahtore cūihtja. ã jicu yahu mehne wahchega mahu”, niha to puhtoro. ²⁴ ã yoa cū tare nariro cjiro to puhtoro cahapu su, yahuha tirore: “Puhtoro, mahu paina sehere tuaro dahra dutiriro jira. ã tuaro dahra dutiriro jicu toaa maerariro jipaihta tí dichare mahu nana. ²⁵ Mu ã jiriro jichu mahure cuihi. ã cuicu copa saha, tí copapu mu niñeru tare nuohi. Nijuta. Oi jira mu niñeru tu”, niha tiro. ²⁶ To puhtoro to ã nichu tūhoro tirore ò sehe niha: “Mahu ñariro, capa bujuriro jira. Yu toaa maerariro jipaihta tí dichare yu nariro jichu masina mahu. ²⁷ Yu ã jiriro jichu ñucu ya tare niñeru wihbori wuhapu wihboboa mahu. Mu ã wihbochu tina tí tare wiaapu paye niñeru wa namoboa tina”, niha puhtoro tirore. ²⁸ ã nino paina tirore dahra cohtainare dutiha tiro: “Niñeru tare maga tirore. Diez tarire cjuariro sehere waga. ²⁹ Cjuainare wa namoihtja. ã jia pjíro cjuahca. Cjueraina sehere mahanocã ti cjuapachuta tíre maihtja. ³⁰ Ahriro dahra cohtariro yaba cjihti jierara. Nahitianopu ñanopu cohānocahga tirore. Tópu tiro tuaro tii, cahyaro mehne bahca dihorohca”, niha puhtoro —ni yahure Jesu.

Buhiri dahrehtore yahuha Jesu

³¹ ã yoa Jesu ò sehe ni yahu namore:

—Yuh_u mas_uno Cohamac_u warocariro jipihtina anjoa mehne p_uhtoro jic_u tac_u, y_u p_uhtoro dujirop_u y_u si sitea mehne dujiihca. ³² Ā y_u dujich_u, ahri yahpa macaina jipihtina y_u cahai cahmachuahca. Ti ā cahmachuri baharo p_ua curua tinare tju waihtja. Ovejare ñ_u wiħboriro to ovejare, to cabra c_uħure to tju wariro seheta masare tju wa dapoihtja. ³³ Ā tju wac_u oveja yoaro sehe jiina noainare y_u pota buħusehei bese dapoihtja. Ā yoa cabra yoaro sehe jiinare ñainare y_u cō buħusehei bese dapoihtja. ³⁴ Y_u ā yoari baharo y_uħu jipihtina bui p_uhtoro sehe y_u pota buħusehei y_u bese dapoinare õ sehe ni yahuihtja: “Y_u P_uc_u m_usare noano yoare. Ahri yahpare ba juamehnenop_u m_usa ya cjihtire p_uhtoro to suho jirore cahno basayu tuhs_ure Cohamac_u. Ā jina mip_ure to cahnoriorop_ure jina taga. ³⁵ Y_u j_uca baach_u m_usa sehe y_uħure ch_uare ware. Y_u ñahma yapioch_u y_uħure m_usa sihõre. M_usa cahai y_u tinich_u y_uħure ñ_u masierapanahta y_uħure noano piti bocare m_usa. ³⁶ Suhti maerariro y_u jich_u ñ_una m_usa sehe y_uħure suhti sãare. Dohatiriro y_u jich_u m_usa y_uħure ñ_una tare. Peresui y_u jich_u c_uħure y_uħure ñ_una tare m_usa”, nihtja noainare. ³⁷ Y_u ā nich_u tuħoa tina y_uħure sinituahca: “¿P_uhtoro dohse jich_u m_u j_uca baach_u m_uħure ch_uare wari sã? ¿Dohse jich_u m_u ñahma yapioch_u m_uħure sihõri sã? ³⁸ ¿Dohse jich_u m_uħure ñ_u masierapanahta m_uħure noano piti bocari sã? ¿Dohse jich_u suhti maerariro m_u jich_u m_uħure suhti sãari sã? ³⁹ ¿Dohse jich_u m_u dohatic_u o peresui m_u jich_u c_uħure m_uħure ñ_una sari sã?” niahca y_uħure.

40 Ti ã ni sinituch_u t_uhoc_u y_uh_u p_uhtoro tinare yahuihtja. “Potocã m_usare niita nija. Ahrina y_u yaina mehne macariro wiho jiriro to jipach_uta, tirore m_usa tó seheta yoare. ã jirirore ã yoana, y_uh_ure yoaro seheta yoana nire m_usa tinare”, ni yahuihtja.

41 'Noainare y_u ã ni yahuri baharo y_u cõ buh_usehei ducuinare y_uh_u jipihtina bui p_uhtoro õ sehe ni yahuihtja: “Cohamac_u to buhiri dahrehtina jira m_usa. Y_uh_u mehne tjuaena tjiga. Pichac_u wahaga m_usa. Tí pichaca ne yatierara. Watino, to yaina anjoa cãh_u ti jihtore tí pichacare yoare Cohamac_u. 42 Y_u j_uca baach_u m_usa sehe y_uh_ure ch_uare waerare. Y_u ñahma yapioch_u m_usa y_uh_ure sihõerare. 43 Y_uh_ure masierana m_usa y_uh_ure piti bocaerare. ã ñ_unocaboare. Suhti maerariro y_u jipach_uta, y_uh_ure suhti sãaerare m_usa. Dohatiriro y_u jich_u peresui y_u jich_u cãh_ure ã ñ_unocare m_usa y_uh_ure”, ni yahuihtja tinare ñainare. 44 Y_u ã nich_u tãhoa tina y_uh_ure sinituahca: “¿P_uhtoro, m_u j_uca baach_u, m_u ñahma yapioch_u, sã masierariro m_u jich_u, suhti maerariro m_u jich_u, dohatiriro m_u jich_u, peresup_u m_u jich_u dohse jich_u sã sehe m_uh_ure yoadohoerari?” ni sinituahca y_uh_ure. 45 Ti ã ni sinituch_u y_uh_u tinare õ sehe ni yahuihtja: “Potocã m_usare niita nija. Ahrina y_u yaina mehne macariro wiho jirirore m_usa ne yoadohoerare. ã jirirore m_usa yoadohoerana, y_uh_ureta ã yoana nire m_usa”, ni yahuihtja tinare. 46 ã jiro tinare ã buhiri dahrerucurohca Cohamac_u. Tí buhiri dahrea ne pihtisi. ã yoa, noaina sehe jipihtia dachoripe noano jirucuahca

—ni yahure Jesu.

26

Sacerdotea pũhtoa, judio masa bũcũna mehne Jesure wajã duaha

(Mr 14.1-2; Lc 22.1-2; Jn 11.45-53)

¹ Tí jipihtiare to buheri baharo Jesu sãre to buheinare ò sehe ni yahure:

²—Pũa dacho baharo pascua jirohca. Tíre mũsa masina. Tí pjare yũhũ masũnore Cohamacũ waro-carirore ñahaahca. Ñaha tuhsũ, yũhare crusapũ wajãahca —nire tiro sãre.

³ ã yoa sacerdotea pũhtoa, judio masa bũcũna cãhũ cahmachuha. Caifa sacerdotea bui pũhtoro ya wũhũi cahmachuha tina. ⁴ Tói cahmachu, ti mahñoa mehne Jesure ñaha ti wajãhtore cahma sũhũdua niha:

⁵ —Bose nũmũ jichũ tirore ñahaena tjijihna, “Masa suari”, nina —niha tina ti basi.

Numino me sitia se mehne Jesure pio payoha

(Mr 14.3-9; Jn 12.1-8)

⁶ Tí pjare Simo cami bũcũ baariro cjiro ya wũhũi jire Jesu. To jiri maca Betania wama tiri maca jire. ⁷ Tí wũhũi to chũro watoi cãcoro numino me sitia na ta, Jesu dapu bui pio payore. Tí me sitia alabastro wama tiriai posa tire. Wapa bũjua co jire. ⁸ To ã pio payochũ ñũna sã Jesu buheina suahi.

—¿Dohsearo ahricoro ahri me sitia co wapa bũjũare ã yoa sitejari? ⁹ Tí me sitiare duaboa. ã duaro pjíro wapa naboa. ã nano tí niñerure pjacũoinare waboa ahricoro —nii sã to buheina.

¹⁰ Sã ã ni suachũ ñũno, Jesu ò sehe ni yahure sãre:

—Ä niena tjiga ticorore. Yuhure noano yoaro nina. ¹¹ Pjacuoina sehe musa mehne ä jirucuahca. Ä jina tina sehere musa wa masina. Yuh sehe ahri yahpare musa mehne ä jirucusi. ¹² Yuhure ti yahto pano yu pjacure cahnoyuro, ticoro yuhure pio payore. ¹³ Potocã musare niita nija. Jipihtiro ahri yahparu noaa buheare ti yahuropu ahricoro mipure to yoarire yahuahca. Ti ä yahuchu tuhoa ticorore masa payu wacũahca —ni yahure Jesu säre.

Juda Iscariote Jesure ñu tuhtiinare to ñohtore yahuha sacerdotea puhtoare

(Mr 14.10-11; Lc 22.3-6)

¹⁴ Tí pjare cãiro sä mehne macariro Juda Iscariote sacerdotea puhtoahca. ¹⁵ Su, tinare õ sehe ni sinituha:

—¿Jesure musare yu ñochu noho puro wapanahcari musa? —ni sinituha tinare.

To ä nichu tina tirore treinta tari plata tarire waha. ¹⁶ Ti ä wari baharo Juda sehe Jesure to ñohti ñamine cohtasiniha.

Jesu to buheina mehne to chu batoari numu jiha

(Mr 14.12-25; Lc 22.7-23; Jn 13.21-30; 1Co 11.23-26)

¹⁷ Bucuaerari pãore ti chu numari ducari numui sä to buheina sehe õ sehe ni sinitu ñuhi Jesure:

—¿Mari pascua macaa chũhtire noho baroi cahnoyu dutirocaijari muhu säre? —ni sinitu ñuhi tirore.

¹⁸ Sä ä nichu tiro õ sehe ni yahure säre:

—Jerusalẽpu wahaga. Tói jirirore õ sehe ni yahuga: “Marine buheriro to ñano yuhduhti pja mahanocã duhsatjiãyuhti. Pascua jichu mu ya

wuhai Jesu sãre to buheinare saho chuhto jiyuhti”, ni yahuga tí wuhu pũrore —ni warocare Jesu sãre.

¹⁹ To ã ni warocachu sãre to dutiriro seheta yoana, pascua jichu sã chuhtore cahnoyui sã.

²⁰ ã yoa tí ñamine sã mehne doce to buheina mehne chũro nire Jesu. ²¹ Sã chũro watoi tiro sãre õ sehe ni yahure:

—Potocã musare niita nija. Cãiro musa mehne macariro yuhure ñu tuhtiinare ñonohca yuhure —ni yahure tiro sãre.

²² To ã nichu tuhona tuaro cahyana, tirore sinitu ñu dũcai sã cãina jipihtina:

—¿Puhtoro, yuhuta jijari mũhare ñohtiro? —ni sinitui.

²³ Sã ã ni sinituchu tiro õ sehe ni yũhtire:

—Yu chũri wapai yuhu mehne soha chũrirota jira yuhure ñu tuhtiinare ñohtiro. ²⁴ Panopu yuhure ti joariro seheta yuhu masũno Cohamacu warocariro yariaihca. ã jiro yuhure ñu tuhtiinare ñoriro ñano yuhdũrohca. Tiro sehe to masa bajuerachu noa yuhdũaboa. Ñano yuhdũeraboa —nire Jesu.

²⁵ To ã nichuta tirore ñohtiro Juda õ sehe ni siniture:

—Buheriro, ¿mũhare ñohtiro tjijari yuhu? —ni siniture tiro.

Jesu õ sehe ni yũhtire:

—Ëju. Mũhuta jira —nire.

²⁶ ã ni yahu tuhsu sã to buheina mehne chũro taro nire. ã yoa Jesu pãore na, Cohamacure “Noana”, nire. ã ni tuhsu tíre nuha, sãre to buheinare witire.

—Ahrire na, chũga. Ahri yu pjacu jira —nire tiro.

27 Æ ni tuhsu tiro sihniri wahware na, Cohamacuere “Noana” ni, sãre ware.

—Musa jipihtina ahrire sihniga. 28 Ahri yu di jira. Payu masa ti ñaa yoari buhirire cohãcu tacu yariaihca. Æ yariacu yu dire cohãihca. Cohamacu “Musare yuhdoihtja”, to ni cūriro mu suchu yu ã yu yariaro mehne to niriro sohtori tiihca. 29 Musare niita nija. Yu Pucu puhtoro to suho jiropu manopu musa mehne wahma co vinore sihnihtja. Mari ã sihnihto pano ahri co vinore sihni namosi yuhu — nire Jesu sãre.

30 Æ jina Cohamacuere ño payo basana cãnore basa tuhsuna tũcu Olivo wama tidupu sui sã.

*Pedro Jesure to cohãhtore yahuha Jesu
(Mr 14.26-31; Lc 22.31-34; Jn 13.36-38)*

31 Tõpu sã suchu Jesu sehe sãre õ sehe ni yahure:

—Micha ñami yuhure cohã wahcãnahca musa. Õ sehetã nina Cohamacu to yare ti joari pui yuhure yahuro: “Ovejare ñu wihboriro yoaro sehe jirirore yuhu Cohamacu cohãihtja. Yu ã cohãchu to yaina oveja yoaro sehe jiina duhti site wahcãa wahaahca”, nina Cohamacu to yare ti joari pui.

32 Æ yoa Cohamacu yuhure to masori baharo musa pano Galileapu wahayuihca yuhu — nire tiro.

33 To ã nichu tũhoro õ sehe nimare Pedro:

—Yuhu mehne macaina jipihtina mũhure ti cohã wahcãpachuta yuhu sehe mũhure ne cohãsi — nimare Pedro tirore.

34 Jesu õ sehe ni yuhtire:

—Potocã niita nija mũhure. Micha ñami caraca to duhto pano “Yuhu Jesure masieraja”, niihca mũhu. Tia taha ã niihca mũhu — nire tiro Pedrorre.

35 To ã nipachuta Pedro õ sehe ni yuhtire:

—Muhu mehne yuhure ti waja duapachuta “Jesure masieraja”, ne nisi yuhu —ni yuhtimare Pedro.

Ã jina sã cãhu paina to buheina Pedro to niriro seheta nimai sã Jesure.

Getsemaní wama tiropu Cohamacure siniha Jesu

(Mr 14.32-42; Lc 22.39-46)

36 ã yoa Getsemaní wama tiropu Jesu sã to buheina mehne waha, tópu su, sãre õ sehe nire:

—Õi dujiyusiniga. MUSA õi dujiro wato sohõ cureropu Cohamacure sinii wahai nija —nire tiro sãre.

37 ã ni tuhsu, Pedrore, puaro Zebedeo pohnare tina tiarore pji wahcãre. Pji wahcã tuhsu, tiro tuaro cahya, ñano yajeripohna tiha. 38 ã cahyaro tó mehne macainare to pji wahcãrinare õ sehe niha:

—Tuaro ñano yajeripohna tija yuhu. Yuhure tuaro purino seheta tahotui nija michapucacã yu yariaboro seheta. Sohõ curero wahasinii nija. Õi tjuasiniga. ã yoa yu cãno potori catiga musa cãhu —niha tiro tinare.

39 ã ni tuhsu mahanocã waha namo, yahpai na tuhcuca caha su, Cohamacure õ sehe niha:

—Mai, yu ñano yuhduhtire yoa duaeracu yoai tjia. Yu ã nipachuta yu cahmano sehe yoai tjia. Muhu sehe masina. Mu cahmano seheta yoaga yuhure —ni siniha tiro Cohamacure.

40 Æ ni tuhsu, tiaro to buheina cahapu wi-himahno, carĩnare boca wihiha tiro. Æ boca wihiro Pedore õ sehe niha:

—¿Cũ hora waro yu cũno potori cati masierari muhu? 41 Noano yoaga musa. Musa mu sũro quihõno yoa duamana musa. Wiho mejeta musa basi tíre bihoerara. Æ jina Cohamacure siniga ñano musa yoerahto sehe —ni yahuha Jesu.

42 Æ ni yahu tuhsu, pari turi waha, Cohamacure õ sehe ni siniha:

—Mai, yu ñano yuhduhtire yoa duacu yoaga yuhure. Mu cahmano seheta yoaga —ni siniha tiro.

43 Æ ni tuhsu, to buheina tiaro buheina cahapu pari turi wihiha tjoa. Æ wihiro carĩnareta boca wihiha tjoa. Wujo caha yuhduaha tina. 44 Æ jiro tinare cũnoca, pari turi waha, Cohamacure siniha. Tó pano to niriro seheta niha tjoa. 45 Æ ni tuhsu to buheina cahapu wihi, tinare õ sehe niha:

—¿Carĩ, sosinina nijari musa? Tó purota carĩga musa —niha tiro.

Æ ni tuhsu, õ sehe ni namoha Jesu:

—Tuhosiniga. Michapucacã yuhu masunore Cohamacu warocaritore ñainare waahca yuhure.

46 Wahcãga. Basa wahana. Ñuga. Yuhure ñu tuhtiinare ñohtiro õi tara —niha tiro.

*Jesure ñu tuhtiina tirore peresu yoaha
(Mr 14.43-50; Lc 22.47-53; Jn 18.2-11)*

47 To ã nino watoi sã mehne macariro cjiro Juda sehe wihire. Tiro mehne masa payu wihire. Tina sacerdotea puhto, judio masa bucuna cãhu ti warocarina jire. Ñosaa pjĩnine, yucu siri cãhure

cjũare. ⁴⁸ Wahmanore Jesure ñũ tuhtiinare ñohtiro masare õ sehe ni yahu quihõ tuhsũha:

—Yũ wahsupu wihmirirota jirohca mũsa ñahahtiro. Tirore yũ wihmiri baharo ñahaga tirore —niha Juda tinare.

⁴⁹ To ã ni tuhsũri baharo wihiro, Jesu cahapũ dói waha bahrañore.

—Buheriro, ¿jimajari mũhũ? —ni tirore wahsupu wihmire.

⁵⁰ To ã wihmichũ Jesu õ sehe nire:

—Coyeiro, ¿michapucacã mũ yoa duarire yoaga? —nire tiro.

To ã ni tuhsũchũ tina Jesure ñahare.

⁵¹ Ti ã yoachũ ñũno Jesu mehne macariro to ñosari pjĩne tuãwe na, sacerdotea bui pũhtoro cahamacũnore to cahmonore dũte pahrẽnocare. ⁵² To ã yoachũ ñũno Jesu tirore õ sehe ni yahure:

—Mũ ñosari pjĩne wihboga. Painare mũ ñosachũ ti ñosa cahmachũ yariaihca mũhũ. ⁵³ Yũ Pũcũre yũhũre yũ yoadoho dutichũ tiro sehe payũ anjoare doce curuarire yũ cahai warocaboa tiro. ¿Tĩre masierajari mũhũ? ⁵⁴ ã yoadohoboriro to jipachũta tirore yũhũre yoadoho dutisi yũhũ. Yũ ã dutierachũ Cohamacũ yare ti joari pũ to niriro seheta ã waharohca —nire tiro.

⁵⁵ ã ni tuhsũ masare õ sehe ni yahure tiro:

—¿Dohse jiro baro mũsa ñosaa pjĩni mehne, yucũ tiri mehne yacarirore ti yoariro seheta mũsa yũhũre ñahana tajari? Dachoripe Cohamacũ wũhũpũ mũsare yũ buhe dujichũ, mũsa yũhũre ne ñahaerare. ⁵⁶ ã jipachũta ahri jipihtia ã waharo cahmana Cohamacũ yare yahu mũhtaina cjiri ti ni joariro seheta —nire Jesu.

Tirore ti ã ñahachũ ñũna sã to buheina tirore cohã m̄roca wahcãa wahai sã.

Judio masa p̄htoa Jesure sinituha

(Mr 14.53-65; Lc 22.54-55, 63-71; Jn 18.12-14, 19-24)

⁵⁷ Æ yoa tirore ñaharina cjiri sacerdotea bui p̄htoro Caifa wama tiriyo ya w̄h̄p̄ na s̄ha tirore. Tí w̄h̄ihta marine judio masare buheina, b̄c̄na c̄h̄ cahmachuha. ⁵⁸ Tórp̄ Jesure ti naachũ Pedro yoarop̄ tinare ñ̄ n̄n̄ tiha. Æ n̄n̄ tiro Caifa ya w̄h̄re d̄catari sahr̄nore s̄, tí sahr̄no puhichap̄ sãa wahaha. Sãa s̄, tí w̄h̄re cohtaina surara mehne dujiha. Jesure ti dohse yoachũ ñ̄no taro niha.

⁵⁹ Æ jia sacerdotea p̄htoa, mari coyea judio masa b̄c̄na, paina p̄htoa mehne Jesure wajã duti duaa, tiro to quihõno yoerarire ti yahusãhtire wacũ macamaha. ⁶⁰ Wiho mejeta tíre bocaeraha. To quihõno yoerari mariapach̄ta, paȳ masa tirore ti cahmano yahusãmacanocaha. Æ jia p̄aro ti baharo macaina tirore ⁶¹ õ sehe ni yahusãha tjoa:

—Ahr̄ro õ sehe nire: “Cohamacũ w̄h̄re cohã masija. Æ cohãcũ tia n̄m̄ wahaboroi tí w̄h̄re pari turi yoaihtja”, to nichũ t̄hohi sã —ni yahusãmacanocaha Jesure.

⁶² Ti ã niri baharo sacerdotea bui p̄htoro wahcãr̄cũ s̄, Jesure õ sehe ni sinituha:

—¿Ahr̄ina m̄h̄re ti yahusãpach̄ta tinare ȳhti cahmaerajari m̄h̄? ¿M̄h̄re ti yahusãrire dohse ni ȳhti cahmajari m̄h̄? —niha p̄htoro.

⁶³ To ã nichu tuhoparota Jesu ãta tuhotunocaha. To ã yuhtierachu ñno sacerdotea bui puhtoro pari turi sinituha tjoa:

—Cohamacu catiro wama mehne potocã niga mahu. Mu ã nierachu tiro mähure buhiri dahrerohca. Yahuga säre. ¿Cristo Cohamacu macanota jijari mahu? —ni sinituha tjoa.

⁶⁴ To ã nichuputa Jesu õ sehe ni yuhtiha:

—Tirota jija. Musare potocã yahuita nija. Baharo yuhu masno Cohamacu warocariro yu Pucu jipihina bui tuariro caharu to poto buhuseheru yu dujichu ñnahca musa. Æ yoa muano macaa me bui yu tachu cähure ñnahca musa —ni yuhtiha Jesu.

⁶⁵ To ã nichu tuhoru sacerdotea bui puhtoro, to basi to säari suhtirore tuhrënocaha painare “Sua yuhduara”, ni ñu masi dutiro. Æ tuhrënocahno õ sehe niha:

—Cohamacure pjíro ñano durucuro nina ahroro. Æ jina to ñano durucure tuho tuhsuja mari. Æ jia tó peinata yahusãjaro ahroro. Õihta to ñano durucuchu tuhoja mari. ⁶⁶ ¿Dohse yoanahcari mari mipure ahroro? —ni sinituha tiro paina puhtoare.

—To ñari buhiri wajãnocano cahmana tirore —ni yuhtiha tina.

⁶⁷ Ti ã niri baharo to wuhduare chahcho puti sihõ muja, tirore cjãpe, dota mujaha tina. ⁶⁸ Tirore cjãpe tuhsu, õ sehe nipeha tirore:

—¿Diro sehe mähure cjãjari? Cristo jicu ñerapaita yahuga säre —ni cjãpe dota mujaha tina.

*“Tirore masieraja”, niha Pedro Jesure
(Mr 14.66-72; Lc 22.56-62; Jn 18.15-18, 25-27)*

⁶⁹ ã yoa tí wuhuh cahai jiri wapai noari wapai Pedro sehe dujiha. To ã dujichuh ñuno sacerdotea bui puhtoro cahamacono tiro cahapuh suru, õ sehe niha:

—Muhuh cãhuh Jesu Galilea macariro mehne jire —niha ticoro.

⁷⁰ To ã nichuh tuhoro, Pedro õ sehe niha:

—¿Dohse nimacanocaco nijari muhuh? Muh nirirore ne masieraja yuhuh —niha Pedro ticorore jipihtina ti tuhocaroi.

⁷¹ To ã niri baharo tí wapa macari sahrño sopaca cahapuh wahaha Pedro. Tói to jichuh pacoro cahamacono tirore ñuno, tói jiinare õ sehe niha:

—Jesu Nazare macariro mehne jire ahriro cãhuh —niha ticoro Pedrore tjoa.

⁷² To ã nichuh tuhoro Pedro õ sehe ni yuhtiha:

—Cohamacuh mehne potocã nii nija. Tiro muh nirirore ne masieraja yuhuh —ni yuhtiha Pedro.

⁷³ ã yoa mahanocã baharota tói ducuina Pedro cahapuh waha, tirore õ sehe niha tjoa:

—Potocã tjira. Jesu yaina mehne macariro jira muhuh cãhuh. Tina yoaro seheta durucura muhuh —niha tina Pedrore.

⁷⁴ Ti ã nichuh Pedro õ sehe ni yuhtiha:

—Potocã Cohamacuh mehne nii nija musare. Yuhuh potocã yu nierachuh Cohamacuh yuhuhare buhiri dahrejaro. Tirore musa nirirore ne masieraja yuhuh —ni yuhtiha tiro tinare.

To ã nichuhata caraca duha. ⁷⁵ To duchuh tuhoro Jesu tirore to nirire wacũha. “Caraca to duhto pano ‘Jesure masieraja’, niyhca muhuh. Tia taha ã

niihca m̄h̄h̄”, Jesu to niri cjirire wacũha Pedro. ã wacũno, tí sahrĩno sopacare wijaa, tuaro tiha.

27

Pilato cahap̄h̄ Jesure naaha

(Mr 15.1; Lc 23.1-2; Jn 18.28-32)

¹ ã yoa bohrearop̄h̄ sacerdotea p̄h̄toa, mari judio masa b̄c̄na c̄h̄h̄ Jesure ti wajã dutihtore cahma s̄h̄h̄duha. ² Ti ã yoari baharo tirore d̄h̄te, Pilato cahap̄h̄ naa, tirore waha Pilatore. Pilato sehe tí yahpa macaina p̄h̄toro jire.

Juda Iscariote yariaa wahaha

³ ã yoa Jesure ti wajã dutich̄h̄ ñ̄no Juda sehe Jesure ñ̄oro tirore to ñ̄ori cjirire tuaro wacũ cahyaha. ã cahyaro treinta t̄ri to ñ̄ahari ñ̄̄eru t̄r̄ire wiaro waharo, sacerdotea p̄h̄toa cahap̄h̄, b̄c̄na cahap̄h̄ s̄h̄, õ sehe niha:

⁴ —Jesu m̄sare ȳh̄ ñ̄oro ñ̄aa marieriro to jipach̄ta tina wajã dutire tirore. ã jic̄ m̄sare tirore ñ̄oc̄ ñ̄ano yoai nihti ȳh̄h̄ —ni yahuha Juda tinare.

To ã ni yahuri baharo tina õ sehe ni ȳh̄tiha:

—ãta yoawahnojaro. S̄are yaba cjihti jierara tí m̄h̄ ã nia. M̄h̄h̄ dihta ã ni t̄hotura tíre —ni ȳh̄tiha tina tirore.

⁵ Ti ã ni ȳh̄tiri baharo Cohamac̄h̄ ya w̄h̄h̄i Juda to ñ̄̄eru t̄r̄ire doca site c̄nocaha. Doca site c̄noc̄a, wahaa wahaha. Waha, yuta dare d̄h̄te yo, to basi wam̄h̄ai tju suha, puroca yoja s̄h̄, yariaa wahaha j̄na.

⁶ ã jia sacerdotea p̄h̄toa ñ̄̄eru t̄r̄ire naa, õ sehe niha:

—Ahri niñerure Cohamacu wahu macari caropu niñeru wihbori caropu mari cū masieraja. Ahri niñeru mehneta masunore wajā dutire. ã jia mari dutia marine tó sehe jia niñerure wihbo dutierara —niha tina ti basi.

⁷ Ti ã niri baharo “Õ sehe yoajihna”, ti ni sahuduri baharo dihi biatorire yoariro ya yahpare nuchaha. Tí tãri mehne nuchaha. Pa sehe macaina ti wihi ti yariachu ti yahti yahpa cjih-tore tí yahpare nuchaha. ⁸ ã jia tí yahpare “Di yahpa” wamoare masa. Mipũ cãhũre ãta wama tira. ⁹ Ahri jipihtia ã wahari jire Jeremía cjiro panopu “ã waharohca”, to ni joariro seheta. Tiro Cohamacu yare yahu mahtariro cjiro jiha. Õ sehe ni joaa tiha tiro: “Treinta niñeru tãrĩre plata tãrĩre ‘Tó purota wapanahca tirore sã ñahahtore’, niahca Israe masa. ¹⁰ ã jia tí tãri mehne dihi biatorire yoariro ya yahpare nuchahca tina. Õ seheta yuhũre yoa dutire Cohamacu”, ni joaa tiha Jeremía panopu.

Pilato Jesure sinituha

(Mr 15.2-5; Lc 23.3-5; Jn 18.33-38)

¹¹ ã yoa Pilatore ti wari baharo tiro sehe Jesure õ sehe ni sinituha:

—¿Potocãta judio masa ti puhtorota jijari mahũ?
—ni sinituha Jesure.

—Ma nino seheta tiro tjija —ni yuhtiha Jesu.

¹² ã ni yuhtiparota, sacerdotea puhtoa, bucuna cãhu ti yahusãchu yuhtieraha tiro. ¹³ To ã yuhtierachu ñano Pilato õ sehe ni sinituha:

—¿Ahri jipihtia mahũre ti yahusãrĩre tãhoerajari mahũ? —ni sinituha tiro Jesure.

14 To ã ni sinitupachata Jesu ne cã dusero yuhtieraha. To ã yuhtierachu ñño Pilato cãaa wahaha.

Jesure wajã dutiha

(Mr 15.6-20; Lc 23.13-25; Jn 18.38–19.16)

15 Cãhmaripe pascuaripe masa yairo cjihtore cãiro peresupu jirirore Pilato ã wiobasa mɔjaa tiha. Masa ti wio dutirirore wiobasa mɔjaa tiha.

16 Tí pjare Barrabá wama tirore peresupu jiha. Tirore masia tiha payu masa. 17 Æ yoa ti ã cahmachuchu Pilato sehe õ sehe ni sinituha tinare:

—¿Diro sehere musare wiobasabocari yuhu? ¿O Barrabá sehere o Jesure Cristo ti nirirore wiobasabocari yuhu? —ni sinituha tiro.

18 Jesure masa ti cahichu ñña judio masa mari puhtoa tirore ñu tuhtiha. Æ ñu tuhtia tirore waha Pilatore. Æ jiro masa ti cahiri buhiri judio masa mari puhtoa ti ñu tuhtirire masino Pilato Jesure wio duamaha.

19 Æ yoa Pilato masare soro sehe yoainare to beseri pahtai to dujichu to namono tirore quitu warocaha: “Micha ñamine Jesure cahãco, tuaro ñano yuhduhi. Æ jicu tirore ñaa marierirore ne jiape yoai tjiga muhu”, ni yahurocaha to namono Pilatore.

20 Æ jia wahmanopure sacerdotea puhtoa, bucuna cãhu masare õ sehe ni duti tuhsuha. “Barrabá sehere wio duti, Jesu sehere wajã dutiga”, ni dutiha masare. 21 Æ yoa Pilato masare õ sehe ni sinituha:

—¿Ahrina puarore diro sehere musare wiobasabocari yuhu? —ni sinituha.

—Barrabá sehere wiobasaga sãre —ni yuhtiha.

22 —¿Ahriro Jesu Cristo ti niriro sehere dohse yoaihcari yuhũ masa ã ni sañurucuchũ? —ni sinituha tiro.

—Crusapũ cjã puha wajãga tirore —ni yuhtiha masa jipihtina.

23 —¿Yaba barore ñaare yoari ahriro masa ã nichũ? —ni sinitu namoha tiro. To ã nichũ tũhoa tina tuaro mehne sañurucuha:

—Crusapũ cjã puha wajãga tirore —ni sañurucuha masa tirore.

24 Ti ã ni sañurucuchũ tũhoro, tirore ti tũho du-aerachũ ñũno “Masa sua, cahmacheboca” nino, yuhtirota õ sehe yoaha Pilato. Masa ti ñũrocaroi tiro wamo cosaha. ã wamo cosaro õ sehe niha:

—Ahrirore ñaa marierirore wajãri buhiri ya buhiri jierara. Mũsa ya buhiri jira —nino wamo cosaha.

25 To ã nichũ tũhoa jipihtina masa õ sehe niha:

—Ahrirore wajãri buhiri sã, sã pohna cãhũ sã ya buhiri jijaro —niha masa.

26 Ti ã nichũ tũhoro Pilato Barrabáre peresupũ jirirore wio dutiha masa ti cahmarirore. ã yoa tuhsũ Jesu sehere yuta dari mehne tjana duti, tirore crusapũ wajã dutiro wiaha surarare.

27 To ã wiachũ Pilato ya wuhũpũ to surara Jeshure na sũha. ã yoaa tina surara jipihtina Jesu cahapũ cahmachuha. 28 ã cahmachua to suhtire tjuwe na, pũhoro ya suhtiro sehe bajuri suhtirore tirore sãaha. 29 ã sãa tuhsũ, pota sorore yoa tuhsũ, to dapu bui duhu payoha. ã duhu payo tuhsũ, wũjũcare poto buhũsehe sehe dahra

suhaha. Dahra suha tuhsu, na tuhcuca caha su, bujupaha tirore:

—Noano tagã. Judio masa puhtoro noano tagã —ni bujupaha tirore.

³⁰ ã niata tirore chahcho puti sihõ muja, ti dahra suhadu cjirore tirore tuãwe na, to dapure cjãha tu mehneta. ³¹ Ti ã bujuperi baharo ti sãari suhtirore tjuwe na, to ya suhti sehere sãaha tjoa. Sãa tuhsu, crusapu wajãa taa tirore na wijaaha.

*Tina Jesure crusapu cjã puha, wajãha
(Mr 15.21-32; Lc 23.26-43; Jn 19.17-27)*

³² Tirore na wahcã, Simo wama tiriore Cirene macarirore piti boca, tirore Jesu to wuari crusare wua wahcã dutire.

³³ Wua wahcã, Gólgota wama tiropu sure. Gólgota nino, “Dapu cohã”, nino nina. ³⁴ Tuhsu, vinore suëa co ñimaca macaa co mehne ti morea core Jesure wamare tina. Ti core sihni ñu, sihnierare tiro.

³⁵ ã yoa to suhtire ti tjuwe nari baharo tirore crusapu cjã puhare tina. ã cjã puha tuhsua, to sãa suhti cjirire ti basi cahma witia taa, “¿Noa yaro jirohcari õ?” ni masia taa, docapea poca mehne docape mujaha tina. [ã yoaa Cohamacu yare yahu muhtariro cjiro to ni joariro seheta yoaa nire tina. Õ sehe ni joaa tiha tiro: “Yu suhtire ti basi naa taa, ‘¿Noa yaro jirohcari õ?’ ni, docapea poca mehne docape mujaha tina”, ni joaa tiha panopu.]

³⁶ Docape tuhsu tirore ñu dujirucure tina. ³⁷ ã yoa Jesure “¿Yaba buhiri mehne yariabocari tiro?” ti ni masihtu sehe, õ sehe ni ti joa õri pjine crusapu duhu õha tina. “Ahriro Jesu judio masa

bui puhtoro jiriro jira”, ni joa õre tina tí pjīru.
 38 Baharo puaro yaca būcuna cūhure Jesu cahai paye crusari pjīnīru cǝ puha dapore tina. Cūiro to poto būhusehei, paio to cō būhusehei cǝ puha dapore tina. 39 Crusari cahai yuhdū wahcāina Jesure ñū, ti dapu pocare yureroca, tirore ñano durucure:

40 —¿Cohamacu wuhure cohā, tia dacho waboroi pari turi tí wuhure dahrehtiro jijari mūhu? Cohamacu macuno jicū mū basi dujia taga. ã yoa mū basi yoadohoga. ã jii yuhdū witiihca mūhu —nire masa.

41 ãta ni būjupere tirore. Sacerdotea puhtoa cūhu, marine judio masare buheina cūhu būcuna cūhu tirore ã ni būjupere:

42 —Tiro painare yuhdoriro jiparota to basi yuhdo masierara. “Israe masa puhtoro jija”, ni-mana tiro. ã jina to basi to duji tachū ñuna tirore wacū tuanahca. 43 Tiro sehe Cohamacure wacū tuamana. Tuhsu, “Cohamacu macuno jija”, nimana tiro. To ã jiriro jichū Cohamacu sehe tirore yoadohojaro —ni būjupere tina.

44 Yaca būcuna tiro cahai ti cǝ puharina cjiri cūhu tó sehetā tirore būjupere, ñano ni durucure tina cūhu.

Jesuyariaa wahaha

(Mr 15.33-41; Lc 23.44-49; Jn 19.28-30)

45 ã yoa cohari pja jichū tia hora waro jipih-tiropū nahitiano jire. 46 To nahitia duhuchū waro Jesu tuaro sañurucure:

—Elí, Elí ¿lama sabactani? —nire tiro. Ñ nino ò sehe nino nire: “Y_u Cohamac_u, y_u Cohamac_u, ¿dohseac_u y_uh_ure cohãri m_uh_u?” nino nire.

⁴⁷ To ã nich_u t_uhoa cãina tói ducuina ò sehe nimare:

—Cohamac_u yare yahu m_uhtariro Elia cjirore pjirocaro niboca —nimare tina.

⁴⁸ Ti ã ni tuhs_uch_u cãiro tina mehne macariro wihmi nari s_uhtep_u vino s_uẽa core soha tuhs_u, na m_uroca, yuc_uch_u sohtoai d_uhte ò, Jesure wihmi dutimare. ⁴⁹ To ã yoach_u ñ_ua paina wihmi dutirirore ò sehe nimare:

—Dep_usinia. Elia wihi, ahrirore to na boroch_u ñ_usinijihna mari —nimare paina.

⁵⁰ Ti ã niri baharo pari turi sañurucu, Jesu sehe yariaa wahare. ⁵¹ To ã yariach_uta Cohamac_u w_uh_u macari suhtiro, ti d_ucatari suhtiro dacho macai bui sehe t_uhn_u bora ta, t_uhn_uroca yoja s_ua wahaha. Tuhs_u, yahpa cãh_u ñ_uhmire. To ã ñ_uhmich_u tãa b_uj_ua poca wahtia wahare. ⁵² Ñ yoa masa coparire p_uõoch_u, pay_u Cohamac_u yaina cjiri panop_u yariarina cjiri masa wijaaha. ⁵³ Masa wijaa, Jesu sehe to masa wijaari baharo tí coparire cohãnoc_u, noari macap_u Jerusalẽp_u wahare tina. Tóp_u ti wahach_u pay_u masa ñ_ua tiha tinare.

⁵⁴ Ñ jia yahpa to ñ_uhmich_u ñ_ua, pay_u paye ti ã wahach_u ñ_ua surara p_uhtoro to surara mehne c_uaa wahare. Tina Jesure crusap_u jirirore cohtaina jire. C_uaa waha, ò sehe nire:

—Potocã tjiri jimana. Ahriro Cohamac_u mac_unota jiri jimana —nire tina.

⁵⁵ Ñ yoa Galileap_u Jesu mehne tari numia cjiri tirore yoadohori numia cjiri yoarop_u tirore

crusap_u jiriore ñurocarucua nire. ⁵⁶ Tí numia mehne María Magdalena jire. Pacoro María wama tiricoro cãh_u jire. Ticoro sehe Santiago, José cãh_u pocoro jire. Pacoro Zebedeo namono jire.

Jesu pjac_ure masa copap_u cũha José
(Mr 15.42-47; Lc 23.50-56; Jn 19.38-42)

⁵⁷ ã yoa ñamichahap_u José Arimatea macariro pache p_uro tói s_ua tiha. Tiro Jesu buheriro jire. ⁵⁸ ã yoa Pilato cahap_u s_u, Jesu pjac_ure siniha. To ã sinich_u tãhoro Jesu pjac_ure tirore wa dutiha Pilato. ⁵⁹ To ã dutiri baharo José sehe Jesu pjac_ure na boro, noari suhtiro wete marieni suhtiro mehne to pjac_ure wahmaha. ⁶⁰ Wahma tuhs_u, José to ya masa copap_u siõ payoha to pjac_ure. Tí copa ti tãcai sahari copa wahma copa jire. Tí copap_u yo sãa duhu payo tuhs_u, pjiria tãcare tju turẽ wahcãha tia mehne biharo taro. Biha tuhs_u, wahaaha wahaha. ⁶¹ ã jia María Magdalena, pacoro María mehne tí copare ñ_u dujirucuha.

Jesure ti cũri copare surara cohtaha

⁶² ã yoa pa dachoi, Pascua cjihtore ti cahnori dacho baharo, sabado jich_u sacerdotea pãhtoa fariseo curua macaina cãh_u Pilato cahai cahmachuha. ⁶³ Cahmachu tuhs_u õ sehe niha tina Pilatore:

—P_uhtoro, tiro mahñoriro Jesu catisinino õ sehe niha tiro: “Tia dacho wahaboroi masa wijaaihca y_uh_u”, niha tiro. ⁶⁴ To ã niriro jich_u to buheina sehe to pjac_ure yacaboca. ã yacaa masare õ sehe niboca: “Jesu masa wijaare”, niboca tina. Tiro Jesu sehe masare mahñono nire. Wiho mejeta to buheina sehe “Tiro masa wijaare” nia, mahñoina

jiahca tina. Ñ jiro Jesu to mahñoriro yuhdoro ti ya mahñoa sehe ñaa yuhdharohca. “Ñ yacari” nicu, tia dacho waro to masa copare mu surarare cohta dutiga —niha tina Pilatore.

⁶⁵ Pilato õ sehe ni yuhtiha:

—Jai. Yu yaina surara cohtajaro. Ñ yoa musa cuhu musa bihoro puro tí copare noano cohtaga —niha tiro tinare.

⁶⁶ To ã nichu tina waha, tí copapu bihari tãca mehneputa ñahachuputa wihtã ñahaha masa ti sãachu ñu masia taa. Ñ yoa tuhsu, surarare tí copare cohta dutiha.

28

Jesu masa wijaaha

(Mr 16.1-8; Lc 24.1-12; Jn 20.1-10)

¹ Ñ yoa judio masa mari sori dacho sabado dacho sehe to yuhduri baharo domingo jichu ñami curero jichu María Magdalena, pacoro María mehne Jesu masa copare ñua wahaha. ² Tí pjare dóihta yahpa tuaro ñuhmi bahrañoa. To ã ñuhmichu mari puhtoro to yairo anjo manopu jiro duji ta, masa copare bihari tãcare tju turëroca, tia bui dujiha. ³ Tiro anjo orocasitero yoaro sehe noano si siteriro, to suhti yaja pjoa yoaro sehe noano yehsea suhti jiha. ⁴ To ã bajuachu tí copare cohtaina surara cui yuhdu, tetere, bui warohna yaria yuhdu wahaha. ⁵ Ñ yoa tuhsu anjo sehe tí numiare õ sehe niha:

—Yuhure cuiena tjiga. Crusapu ti cã puhariro, Jesure musa macachu masija yuhu. ⁶ Wiho mejeta tiro sehe mipure õre mariaha. To niriro seheta

tiro masa wijaa wahare. To pjacure ti duhu payoriro cjirore ñuna taga. ⁷ Ñ ñu tuhsuna to buheina cahapñ ño duaro waha, õ sehe ni yahuna wahaga: “Jesu masa wijaaare. Ñ jiro musa pano Galileapñ tiro wahayurohca. Tópñ tirore ñnahca musa”, ni yahuna wahaga musa. Ahri yñ nirire wacũga musa —niha anjo tí numiare.

⁸ To ã niri baharo tí numia masa copapñ jia numia soaro mehne wijaa, tirore cuipahta wahche yñhdña mehne Jesu buheinare yahua wahaa, mñrocaha. ⁹ Ñ wahaa numiare Jesu piti boca, õ sehe niha:

—¿Noano jimajari musa? —niha tiro.

To ã niri baharo, tina sehe tiro cahapñ sñ, to dahporire ñaha, tirore ño payoha.

¹⁰ —Cuiena tjiga musa. Yñ buheinare “Galileapñ wahaga”, ni yahuna wahaga. Tópñ yñhure ñnahca tina —niha Jesu tinare.

Masa copare cohtaina surara ti ññire yahuha

¹¹ To ã niri baharo tí numia ti waharo watoi cãina masa copare cohtaina mehne macaina surara, Jerusalēpñ sacerdotea pñhtoare yahu pahñoa wahaha. Jesu to masa copapñ wijaarire yahu pahñonocaha. ¹² Ti ã ni yahuchñ sacerdotea pñhtoa, judio masa mari bñcña mehne cahmachuha. Cahmachu, sñhñduha. Ñ jia surarare mahño dutia payñ niñerure wapaha.

¹³ —Õ sehe niga musa masare: “Ñami sã carĩno watoi to buheina sehe masa copapñ wihi, to pjacure nanocari jire”, ni yahuga masare. ¹⁴ Mñsa ã ni yahuchñ Pilato sehe mñsa carĩ yñhdñarire tñhorocaboca. To ã tñhochñ, “Mñsare tuhtiri”,

nina m̄sare yahubasanahca sã tirore —niha tina surarare.

¹⁵ Ti ã niri baharo surara sehe niñerure ñaha, tinare ti mahño dutiro sehetã masare yahua wahaha tina. ã jia tó sehe Jesu to masa copare wijaarire yahurucura judio masa. Mip̄ cūh̄re ãta ni yahura tina.

Jesu buhe dutiro to cūrinare dutiha

(Mr 16.14-18; Lc 24.36-49; Jn 20.19-23)

¹⁶ ã yoa sã Jesu buheina once buheina t̄sc̄p̄ Galileai jid̄p̄ Jesu to waha dutid̄p̄ wahaĩ sã.

¹⁷ Tóp̄ s̄, Jesure ñna, ño payoi tirore. ã ño payoĩna jipanahta, sã cãina “Ahriro Cohamac̄ mac̄no jieraboca”, ni t̄hotumai. ¹⁸ Sã ã ño payoch̄ tiro sehe sã cahap̄ wihi, ã sehe nire:

—Ahri yahpap̄re, m̄ano cūh̄re Cohamac̄ jipih̄tinare dutiro waro jich̄ yoare ȳh̄re. ¹⁹ To ã yoach̄ ã sehe dutija m̄sare: Jipih̄tiro macainare ȳ yare buhena wahaga. Ȳ yaina ti wahahto sehe buhena wahaga. ã yoana ȳ P̄sc̄ to wama mehne, ȳ wama mehne, Esp̄ritu Santo to wama mehne tinare bautisaga. ²⁰ ã jina m̄sare ȳ dutirire ti yoa pahñohti cjihtire buhega tinare m̄sa. ã yoana ahrire ȳ nihtire wacūga: Jipih̄tia dachoripe ahri yahpa to jiro puro m̄sa mehne ã jirucuihca. M̄sa mehne ȳ ã jirucuh̄tore wacūga m̄sa —ni yahure sãre Jesu.

Cohamacu Yare Yahari Tjuel New Testament in Guanano

copyright © 2007 Wycliffe Bible Translators, Inc.

Language: Guanano

Translation by: Wycliffe Bible Translators, Inc.

Copyright Information

© 2007, Bible League International. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Guanano

© 2007, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

PDF generated using Haiola and XeLaTeX on 11 Nov 2022 from source files
dated 29 Jan 2022
1f3a4366-edba-553b-a17f-bc47c9049c98